

(كبسولات رعب 3مجم

و حاجات تانية)

HORROR CAPSULES III



AYMAN ELAIDEY

الكتاب: كبسولات رعب 3مجم

المؤلف: أيمن العايدي

رقم الإيداع: ٢٠٢٢ \ ٤١٩٢

الترقيم الدولي: ٩٧٨ - ٩٧٧ - ٦٩٣٣ - ١٧ - ٠

\*\*\*

دار الميدان للنشر و التوزيع

جمهورية مصر العربية

هاتف ٠٥٥٢٣١١٤٠٨/٠١٢١٠٣٤٣٥٩٣

Website: [www.daralmidan.com](http://www.daralmidan.com)

E- mail: [almidan@daralmidan.com](mailto:almidan@daralmidan.com)

FB: [fb.com/dar.almidan](https://www.facebook.com/dar.almidan)



جميع الحقوق محفوظة للمؤلف، و أي اقتباس أو إعادة طبع أو نشر دون أخذ موافقة كتابية من دار الميدان فإن ذلك يعرض صاحبه للمساءلة القانونية

## تنويه

أحب أن أنوه أنه في حالة تواجد أى تشابه في الأحداث أو الأسماء أو الشخصيات فهو ليس مقصودا بالمرّة و مؤكّداً أنه من قبيل الصدفة البحتة و أنها جميعا نابعة من خيال المؤلف و تُخلى مسؤوليته عن هذه التشابهات ..  
.. ولكم مطلق القرار أو التصديق على ذلك ..  
ولكم منى جزيل الشكر ،

أيمن العايدي

السلامة





# (أولا: الحكاوي)

## NATIVE TALES

## ١- انعكاس

"أيوة يا عم فرج الباب مش بيفتح ؟!"

جه الصوت بيقطع بس عرفت أسمعاه : " زُق و اتعافي عليه كويس يا أستاذ خالد ! "

مش عارف (كويس) دي عنده معناها إيه بس خبطته بكتفي ففتح ، الدنيا كانت ضلمة جدا بس نشكر موجة البرد و المطر الشديدة اللى جت و خلت البرق يقعد أكثر من خمس ثواني خلاى أشوف تفاصيل الأوضة اللى دخلتها ، ريحة التراب مقولكوش يعنى تشم ريحة مطر مخلوطة بتراب حاجة قرف الصراحة و محدش يستحملها ..

" أستاذ خالد .. عجبتك الأوضة ؟ "

" أيوة بس ! ... "

أقوله إيه ؟ دي أوضة معفنة جدا كإن بقالها سنين محدش عتبها ، البرق ضرب خلاى أشوفها كويس المرة دي كانت مفروشة و متدهولة الحاجة الوحيدة اللى لفتت نظري (المراية الكبيرة البيضاء اللى فى نصها)

قاطعنى صوت عم فرج السمسار : " مبسش ياعمي .. على قد الفلوس و الله أنت عارف اللى فيها "

" أيوة بس مش شايفها لقطة زي ماقلت ! "

فرج : " والله ياكبير أنا مشوفتهاش عشان أحكم .. أنا قالولى عليها مأخرتهاش عليك .. اللقطة هنا إن فلوسها قليلة فى عز الأسعار اللى مولعة نار فى المنطقة .. بووص مشي حالك كدة اليومين اللى قبل الإمتحانات دول على ما أشوفلك أوضة فى حنة تانية .. آمين ياأستاذنا ؟ "

لأ أنا مش مستحمل ليلة واحدة بالشكل ده ، طلّعت مندبل و حطيته على مناخري و بقي ..

" طب طلب أخير بقي عاوزه منك يا عم فرج ! "

فرج : " أنت تؤمر و إحنا خدامينك يا ابن الحبايب "

التراب هنا كذا دور كانه باني عمارة مش محتاجة أمسح بصباغي عشان أعرف ..

" عاوز حد يجي ينضفها دي متربة أوى .. كح .. كح .. كح ... و أنت عارف صدري مشششش ... كح كح .. هستحمل كدة "

شهقت بعيد لأن الكحة عملت شبورة تراب قصادي .. الأوضة محتاجة ماسك يتلبس بجد .. بس جه رد فرج محبط جدا ليا : " و الله ياكبير انهاردة المطرة موقفة الحال .. و مش عارف أعتري حد من اللى بينضفوا تقدر تستحمل لبكرة طاه ؟! "

قفلت الباب و رحت أدور على زرار اللبة اليتيمة و الوحيدة اللى في الأوضة و أنا مستسلم للأمر الواقع : " ماشي يا عم فرج تسلم "

فرج : " آخر حاجة يا أستاذ خالد "

قدت اللبة و فجأة كإن حاجة طارت من ورايا فزعتنى بصيت ورايا و الكلام وقف في زوري اللى نشف من التراب و من الخضة

فرج : " أستاذ خالد أنت معايا ؟؟ "

" آ ... آه معاك ! "

وقفت في وش المراية أبص على نفسي و أنا وشي مخطوف و باسمع فرج : " لو حد سألك مين اللى أجرك الأوضة دي ..... ششششش "

فجأة صوت فرج شوش و كأني باسمع صوته بالشقلوب : " شلوقم ايلع

ناشع انا شبحشم لغتشا يف ضوًلا لامشلا يد .. انا لهتملع ناشع  
كرطاخ .. شششششش ... شششششششش ..."

"أَيُّوَة .. بَتَقُول إِيه ؟ .. عَم فَرَج ...؟؟ أَلُو .."

ده الى ناقص الشبكة تبقي ضاربة في الأوضة يعنى لا هاعرف أعمل أي بحث من النت ولا نيلة .. و طبعا الخط قطع و و التليفون هنج ... عملته ريستارت و اتصلت بيه تانى و جالى رسالة مسجلة إن تليفونه مقفول SWITCHED OFF و لكن فيه مشكلة الصوت برضه بالشقلى : " GNILLAC EBYAM DEHCITIWS FFO

"ER'UOY ELIBOM EHT ...

أوف .. قفلت و بصيت حواليا .. مش عارف أعمل إيه بقي ... ملهاش حل تانى الإمتحانات على الأبواب قلعت الجاكيت و ركنت شنطتى و قررت ... الأوضة دى لازم تنصف حالا

وفعلا بدأت .. الموضوع كان مرهق جدا جدا بس نجحت في أنى أنصفها ... مفاضلش غير .. المرأية العجيبة دي اللى لقيت عليها (علامة كف إيد غريبة) و باين إن لونها أحمر بس غامق أوى .. مسحتها .. مفيش فائدة .. حتى بالمنظف اللى معايا و لا المطهر و لا أي حاجة مفيش فائدة كأنها ديكور في المرأية .. دي مرأية إيه اللى بيعملوها بالشكل ده !؟

فكرتني بأفلام الخيال العلمي الى يحيطوا بصمة إيديهم عليها .. و كأن جالى الإلهام فعلا قربت إيدي و حطيتها عليها و الغربية بجد إن إيديا قدها بالضبط ..

أنا مش قادر أوصف الى حصل في الأوضة النور اتذبذب و البرق ضرب بقوة جدا و تقريبا حرفيا الأوضة اتهزت ! كانه زلزال واللمبة إضاءتها اتغيرت .. الأوضة تقريبا اتغيرت .. لأ أنا كدة هيسـت و محتاج أنام ..

رمىت اللى فى إيدي و اتشطفت بصيت بصة أخيرة على المرآة و اترميت من التعب .. الغربة صعبة برضه

نفس الصوت اللى سمعته فى الأول لما حسيت بحاجة بتطير سمعته تانى .. قمت مفزوع .. أكيد فار أو عرسة ؟ دي الأوضة كانت معفنة أوى و أكيد بقت مأوى للكائنات دي

الغريبة بقي أن المرآة كانت يمين إيه اللى جابها شمال ؟؟؟ أنا أصلا كنت على يمين الأوضة إيه اللى جابني شمالها .. الباب اتعكس مكانه كمان ! مش كدة وبس الأوضة بقت مترتبة بشكل غير طبيعي كإنها على حالتها الأصلية !

فجأة ! .. تليفوني رن و قطع أسئلتى اللى ملت راسي و دخلت أسئلة تانية ... هو صوت الرنة معكوس ولا أنا بيتهيألى ؟ الشاشة كمان مكتوبة ريفيرسد كإني بابص عليها من المرآة !!!!!

أنا لسه هرد لقيت صوت جاي من بعيد و مفزوع جدا بيأمرني : " شوووووووف .....شوووووووف ... اسمع .. اسمع مع ... اشهد ... اشهد ! "

أشوف إيه ... أنا أنفاسي عليت الأوضة دي مسكونة ... و أنا مش عارف فيه إيه و لا أعمل إيه .. طب أشوف إيه ؟؟

أكيد أنا بأحلم ؟؟ معقولة حلم بالتفاصيل المتشافة و الأحاسيس الغريبة دي ؟!

جيت أقيد النور لقيت فيه أباجورات و إضاءة أكبر من الأول.. الأوضة بجد كإنها رجعت سنين لورا !

لمحت الحاجة اللى بتطير تانى .. بس المرة دي شفتها .. (وشاح أبيض) بس شكله مصنوع من قماشة ثقيلة رحت قفشته وفردته قصاد عيني فجأة



لكن الوشاح طار تانى وقرب منى واترفع شديته بقوة عشان أشوفها ...  
أربع وش شفته في حياتي لجثة الست كان بقيها مفصول بفكسها الى  
تحت و عينيها بيضا زي اللبن وفجأة صوتت في وشي و البرق بيضرب و  
النور يقطع و الوشاح بي — .....

" آآآآآآآآآآ "

\*\*\*\*\*

في الليلة دي للأسف خالد اتقتل و ملابسات القتل غير معلومة لغاية  
دلوقت لأي حد غير الى قرأ .. و لكن الى نقدر نسمعه من القصة دي  
هو تليفون خالد الى بيرن و بيدخل المتصل على بريده الصوتي .. الى  
جه بصوت فرج :

" أيوة يا أستاذ خالد شكلك نمت الله يعينك مشوارك كان طويل برضه ..  
كنت بأقولك لو حد سألك مين الى أجرك الأوضة دي متقولش عليا  
عشان أنا مبحبش أشتغل في الأوض الشمال دي .. أنا عملتها عشان  
خاطرك .. و أنت عارف الى مرخصها و مخليها لقطة إن فيها واحد قتل  
مراته و كان مخبي جثتها جوة الدولاب .. بس أنا عارفك مش بتخاف من  
الحاجات دي و الكلام ده من ١٠ سنين .. قلت أقولك بقي و كلمنى لما  
تصحي .. نشوف موضوع التنضيف ده "

ينتهي البريد الصوتي برنة ... و ده آخر نور جه من شاشة الموبايل مع نور  
البرق ... نشوف منهم خالد وهو راسه ملفوفة و مخنوق بالوشاح و  
النضارة جنبه مكسورة ...

نمت بحمد الله

انعكاس

## ٢- حكاية الست وفاء

"أحداث القصة مستمدة من الواقع"

صوت تليفون ...

يرد : ألو .. ألو .. ألو

مين معايا؟؟ مش مهم أكون عارفك اسمعنى الأول و بعدين عرف أنت مين ... ياريت أكون بأخرف من السخونية في اللى هأحكيه دلوقت ،أنا حصلي حاجة غريبة .. بس صدقنى السخونية أهون من اللى هتسمعه دلوقت ...

يكح جامد و يكمل : اسمي (إسماعيل) و باشتغل مدرس علم نفس في مدرسة ثانوي .. و صابني المرض الوحش .. أيوة اللى جه في بالك .. كورونا ... ياريت تدعيلي ..

#الحكاية ابدت لما دخلنا في أشد شهر في أزمة الكورونا شهر يونيو/سنة ،  
الفيروس انتشر فيه و تقريبا و بق جوة كل بيت

أنا راجل وحيد هخاف من إيه و هخاف على مين أنا خلاص هسيب  
الشغل أصلا هأعيش على الكام ملّيم اللى ورثتهم الحمد لله ..

كان آخر يوم ليا في الشغل وده كان وداع (رجب) صاحب ليا ، لقيته  
بيجري ورايا وبناديني : " إسماعيل ... أنت ياعم إسماعيل ..."

"- أيوة يا رجب "

رجب : " لسه برضه هتعمل اللى بالك ؟"



"أيوه "

رجب : " أنت مش خايف ؟! "

" لو فكرت زيك كده بيقي الكل هيفكر في نفسه مش في الكارثة اللى إحنا فيها دي (ينفعل) و هنموت كلنا ومحدث سائل في الثاني .. وده بسبب النأرزة في العيان و المريض و كل حد بيتصاب ! "

رجب : " قصدك إيه بالكلام ده ! .. أنت بتغلط فيا يا جدع ؟! "

" تحسبها زي ماتحسبها بقي يا رجب "

رجب : " تشكر يا أخ "

سكتّ شوية و بدأت أشرحه : " هو فين الغلط إني أساعد أي حد مصاب .. كُل يوم تلميذ من المدرسة يغيب في البلد أسأل عليه ألاقى حد من أهله عنده كورونا .. وبعدين حد قالك إني هخالطه ؟ .. ولا أقعد أنم بقي و أجيب في سيرته .. ده فلان جاله كورونا ... ده فلان بيخلص .. ابعدوا عنه ده زي التجربة ... ده لو مامتش من الكورونا هيموت من هيئنا و ميئنا عليه ، ده بيعجبك يعني ؟! "

رجب : " يعني عايزنا نعملهم إيه ؟ هو نصيهم إكده ! "

" ياتري هأسمع كلامك ده لو صابتك الكورونا ... ها يا رجب ؟ هتقول نفس الكلام ديه ؟ "

رجب : " ياراجل فال الله ولا فالك ! إحنا بنحمي نفسنا مش بضيع رقمنا على الخلق و نقول إننا هنساعدهم .. إيه يا أخويا هتشفيهم .. فاكرو نفسك داكطور قال يعنى الدكاترة واخدة المصل ضد المرض ؟! "

"ياعم أنت إيه اللى مضايقتك .. هو حد اشتكالك ؟"

رجب : " بشوقك ياعم أنا من الآخر خايف على مصلحتك و جاي أبلغك  
إن الناس هتقاطعك عشان هتخالط المصابين ! "

" لاحول ولا قوة إلا بالله .. (ينفعل بعند) وهو معرفتكم كانت نفعتني  
بإيه ؟ ها .. ده أكبر دليل إني لو اتصبت هموت زي الـ .... و لا حد  
هيعبرني و قال أنت خايف على مصلحتي .. متشكرين ياعم !! .. و  
خليني مع الله و كله بثوابه

" و على فكرة بقي الدكاترة اللى أنت بتتريق عليهم دول برقبتك  
ورقبتي .. هو أنا أطول أبقي #دكتور ! تعرف تقولي لو جالك كورونا ولا  
جه لعيالك هتروح ملين ؟ "

رجب : " يا عم متفولش الله يكرمك .. و أنا قطعت مع الدكاترة اللى  
أعرفهم دول تلاقيهم بيعبوا كورونا في صدورهم بالكوم ! "

" اقطع معايا أنا كمان عشان هأعبي الكورونا في شوال و سيبيني في حالي  
بقي .. بكفاياك نأرزة .. أنا خلاص قررت إني هساعد أي حد مصاب .. أي  
طلب هاخلصهوله .. دوا .. أكل .. شرب .. هوديله ... و لعلمك أنا مش  
هخالط حد .. أنت بس خيالك اللى واسع كل ده من بعيد لبعيد بس  
الناس دي تستحق مننا أكثر من كدة "

رجب : " هيهيبيييء يا حلاوة لو أنت اللى مصاب فرجني هيقولوا نفس  
كلامك ده ولا لأ ؟ "

" بأقولك إيه ! .. أنا بأعمل الخير مش عشان أتلمع أنا بأعمل الخير  
عشان الأصول اللى اتربيت عليها كدة و عشان ده عمل صالح يتسجل  
فوق عند ربنا و لا أنت ناسي ربنا ؟ "

رجب : " أنت الكلام معاك مش نافع و ناوي تكفرني عشان بأحافظ على

نفسي و على بيتي "

" أنا مش بألومك بس على الأقل شجعني .. أنا عارف إنك خايف و أنا مقدر ده و مطلبتش منك تساعدني لكن اللى في إيدك تبطله هو إنك تتنمر و تشجع اللى زيي .. ودلوقت بدماغك دي مش بهاجمك .. أنا بأجولك خليك في حاااالك أنا اعمل اللى يريحني و شايفه صح و انت تعمل اللى يريحك و شايفه صح و كله بالنية ! "

رجب : " بشوقك يا عم سلام ! "

" سلام يا رجب "

مشيت و تقريبا دي آخر مرة أكلم حد في الموضوع ده زي ماقلتلك مليش حد في حياتي يحزن عليا أو أحزن عليه .. و أيوة زي ماسمعت كدة قررت من نفسي كدة إني أساعد أى حد مصاب .. كلمت توكتوك في البلد ادितه ميكروفون و مشي في الشارع يملي الناس رقمي و اسمي عشان أي حد اتصاب و محتاج مساعدة ولكن بشروط ... طلب واحد لكل خمسة مصابين في اليوم .. أنا مكذبش عليك خايف على نفسي برضه فعشان كدة كنت معتدل

من بعديها بقيت زي الدكاترة كل واحد يكلمني في الأعراض .. و كان ردي واحد لو حاسس أو شاكك إن عندك كورونا اعزل نفسك و أنا هأعملك اللازم

طب بتاخذ كاميامع اسماعيل ؟!؟ .... لا كله على الله ادعولي أنتم بس

العمدة جاله كورونا و اتوفي ، للأسف بقي و مش عارف إزاي (رجب) مشي وسط الناس يدندن في ودانهم إني باخد اللقطة وشكلى عاوز أتعمدن قريب على البلد بعد الأزمة .. ده لما حس إن البلد بدأت تقرب

منى بقلبها بس .. لاحول ولاقوة إلا بالله .. ربنا يهديه ويهدي الى زيه  
وربنا يشهد إني مش عاوز حاجة غير رضاه عليا

وعليها ساعدت الى أقدر أساعده ... تليفوني بقي مع كل الناس في البلد  
و براها و (رجب) من الناحية الثانية متوصاش ... نوع في الإشاعات و  
فضل يسخن الناس إني بأقرب من المصابين لغاية ماحرفيا الناس بقت  
بتقفل الشباك في وشي و أنا ماشي في الشارع وتبعد عنى بشكل مش  
طبيعي مع إني كنت لابس البدلة و كل التجهيزات الكافية و كنت  
بأغيرها يوميا ..

بدأت أتعب من الضغط الشديد .. مكنش فيه غيري الي بيعمل  
المساعدة دي ... الناس المصابة أو الى شاكة إنها مصابة كانت ملتزمة  
بشروطي طلب واحد لخمسة بس في اليوم وبدأت ناس تخف الحمد لله  
بس الموضوع تقل عليا ...

الحمد لله ... الحمد لله

وبعد فترة طويلة فجأة كدة .. عدي يومين بدون أي اتصال ... كإني  
أخذت أجازة من الموضوع ده .. سبحان الله ...

نمت زي القتل .. دقت طعم الراحة بجد و بعد اليومين دول تليفوني  
رن ... رقم غريب .. يعنى حالة جديدة  
" ألو ؟ "

الصوت جالى لـ (ست عجوزة) : " إسماعيل ؟ "

" أيوة يا حاجة أوأمريني ؟ "

الست : " أنا تعبانة يابني وولادي مبقوش يجولى خافين أعيهم ! "

دمي غلي : " عندك كام ولد و كام بنت يا حاجة ! وسنهم أد إيه ؟ "  
الست : " عندي ولد وبنتين وكلهم اتجوزا و خلّفوا .. و ما بيخلونيش  
أشوف عيالهم .. الحاجة الى استنيتها سنين حرموها منى ! "  
دمي غلي أكثر : " يعنى استنيتي حنان أحفادهم و مستنتيش حنانهم يا  
حاجة !؟ "

الست : " أنا يابني رجل في الدنيا و رجل في الآخرة طهقت منهم و  
مبقاش عندي أمل خلاص .. خدوا حنانى و رموه البحر ... "

عيطت وهى بتتكلم حسيت إنى غبي أوي و أنا بأعمل معاها تحقيق  
بس الموضوع استفذني جدا ! معقولة فيه ناس كدة ؟ أنا أتمنى ضفر أمى  
يكون قدامى ولما يبقي عندهم أم يهجروها بالشكل ده ؟! يظهر إن  
عندهم حنة رحمة لما سابولها موبايلهم القديم.. أنا اتأثرت جدا فقلتلها  
" يا حاجة متعيطيش حقك عليا والنبي "

الست : " أنا يابني كل يوم بأعيط .. مش جديدة دموعي نشفت أنا كل  
يوم بأكلم نفسي و أعيط "

" ربنا يصبرك يا حاجة اعتبري إن عندك ابن زيادة دلوقت وبرقبتهم أقسم  
بالله "

الست : " ربنا يرحمك يا اسماعيل يابني و يرضي عنك .. أصل ولاد الحلال  
دلونى عليك لما سمعتهم تحت الشباك بيتكلموا عليك كلام حلو أوى  
وبيقولوا إنك بقالك يومين مش ظاهر "

"محدث كلمنى يا حاجة لو حد كلمنى مش هتأخر والله "

الست : " أنا محتاجك يابني .. محتاجة أكل .. أنا بأنادي على الناس من

الشباك بيحسبوني اتفهيت .. شفت خلفتى عملت فيا إيه ؟ ... الناس  
بتشاور وتقول ده بيت ( وفاء ) المجنونة " .. الست عيطتت ...

سرحت في العذاب اللى هي فيه قطع تركيزي الست وهى بتكح جامد  
كحتها ناشفة أوى فرديت عليها على طول : " خلاص يا حاجة أنا عارف  
البيت "

لبست التجهيزات وشفت طلباتها و من يومها كسرت الشروط و اللى  
ساعدنى إن الناس معدتش بتتصل مهمنيش الموضوع كان لمصلحتى و  
مصلحة (الست وفاء) اللى سقط ابنها من نظري و نفسي آكله بسناني ..  
المفروض ده الأخ الكبير ساب أمه هو و أخواته البنات للمرض يموتها  
عشان متبت في الدنيا !

كل يوم بتفتح شباكها و أجيّلها طلبها .. تتصل بيا تشكرني و أطمّن عليها  
وهى تدعيلي بالرحمة و رضا ربنا و تقولى إن ربنا رزقها بابن جديد  
اسمه إسماعيل عوضها حنان الدنيا كلها .. الحمد لله

مرت الأيام على الوضع ده فجأة و للأسف بدأت أعراض غريبة تحصلى ..  
أنا عرفت إني اتصبت مش عارف إزاي ؟ أنا مبقتش مركز غير إني أطمّن  
إنها خفت أو بدأت تتعافى في يوم طلبت مني أجيّلها مصحف كبير  
عشان تقرأ وتدعيلي قالتلى .. اتصادف إن عندي واحد مبخلتش عليها و  
رحّلها .. حسيت إن الدنيا متغيرة كإن الأزمة عدت ... أو الحظر اتفتح ..  
هتصدّقنى لو قلتلك إن معنديش تليفزيون أو أي وسيلة أتابع بيها  
الأخبار ؟

وصلت لبيت الست وفاء كانت الساعة ١٠ بالليل .. الشباك كان مردود  
كالعادة أنا متعود إنها تزوّلى الدرف و أعديّلها الطلب .. خبطت عليها

ناديت .. مفيش أي رد .. اتصلت تليفونها مقفول .. النور كمان مقفول ..  
غريبة !!!

طب أعمل إيه حسيت بقلق غير طبيعي يمكن مصيبة إن جالى الكورونا  
كانت فائدة إني أتشجع و أدخل أطمئن عليها .. فتحت درف الشباك ..  
كان فيه تراب فظيع .. أنا مش شامم حاجة و لا حاسس بريحته ..  
نطيت لجوة كنت خايف يحسبونى حرامي ولا حاجة ...  
" ست وفاء؟؟ يا حاجة وفاء؟؟ "

وفاء : " هنا يا ابني ! "

الحمد لله سمعت صوتها ... جاي من أوضة منورة خفيف مشيت  
بالراحة و دخلت ..  
أنا شفت المنظر الغريب ده ....

(رجب) قاعد ببرود رهيب ولا حتى رفع عينه وبصلي و (الست وفاء)  
بتنهج نهجان غير طبيعي و كإنها بتطلع في الروح ... شاورتلى أقرب  
رجب سألها : " مالك يأمّا "

(رجب) ييقي ابنها !!!!! ابن الست وفاء؟؟ أنا جالى ذهول و حسيت  
باللى أنت حاسيين بيه

قربت منها لكن منعنى إن رجب بص ورا ناحيتي استعديت إني أديله  
باللوكامية ... لكن بص وكح كحة ناشفة و عينه كانت حمرة زي الدم ...  
رجب اتصاب !!!

قلته : " ده السبب إنك هنا بقي ... بعد مالقيت نفسك متصاب جاي

تسأل عنها و أنت كنت راميها كل الأيام دي يا كلب ! "

رجب بصلي وبص لأمه تانى : " عاوزه إيه يا أما ؟؟؟ "

وفاء نطقت اسمي و ناديتنى بصعوبة : " إسماعيل !! "

رجب : " إسماعيل .. إسماعيل مين يأمّا .. آآآآه قصدك أستاذ إسماعيل ؟  
إيه الى خلاكي تجيبي سيرته دلوقت يأمّا ..

وفاء فضلت تنادي : " إسماعيل .. إسماعيل "

رجب : " وبعدهالك ياما بقي متفوليش علينا ... اسماعيل مات من  
أسبوع بالكورونا "

وفاء مكنتش مستغربة كانت بصالى بصة كلها رضا .. بس أنا ... أنا إيه ...  
مّت ...؟؟ : " أنت ياعم رجب أنا قصادك أهو ؟ "

افتكرت دعوتها ليا بالرحمة ورضا ربنا عليا ...

رجب كمل كلامه : " إسماعيل لقيناه ميت على سريريه يأمّا محدش دخل  
البيت المصابين بس الى دخلوا و أول ماشافوه سابوه وجرويا وبرشمو  
عليه البيت ... و محدش بلّغ "

" تخيلي يأمّا كان بيساعدهم لكن خافوا يدفنوه كل واحد خاف المرض  
يشد عليه ويموتهم زيّه .. دحنا أقنعناهم بالعافية و من بعيد كدة  
يشوفوا راح فين لما انقطعت أخباره !!! و طلعت ريحة غريبة من بيته ...  
الله يرحمه كنت بأقوله إن ده الى هيجصل ! بس مسمعش كلامى "

إيه الى أنا باسمعه ده ... سابوني على سريرى ... سابوني ميت و  
أتعفن !؟



بصة وفاء ليا كانت شايلة معانى كثير أنا مش عارف إزاي كانت بتكلمنى؟  
أخيرا ردت : " أنت كذاب .. طول عمرك كذاب أهل البلد كلهم كرموه و  
دفنوه أحسن دفنة لأنه وهب نفسه لينا ضحي بنفسه عشاننا .. ياريت ..  
عندي الصحة إني أدفنه معاهم ... كح كح .. اطلع بره يا رجب .. قلبي و  
روحي غضبانين عليك ليوم القيامة أنت و أخواتك البنات أنا كنت  
بأموت كل ساعة كنت بأقرب من الموت ... يمكن ربنا بعتهولي عشان  
يقوتنى ! ويعوضني في مصيبتى !

رجب قام وبص لأمه بغضب : " أنتى كبرتي وبقيتي بتخرفي يا أمأ أهل  
الحتة هما اللي كانوا بيحدفولك الأكل أكيد ... و عموما أنا ماشي يا أمأ و  
أهو كلنا في الهوا بقي .. "

حتى بعد ما اتصاب مبيعترش وبيكذب و يطلع إشاعات ... نفسي  
أضربه ... فجأة وفاء غمضت عينيها ... و كأنى غمضت عيني معاها ...  
فتحتهم لقيت نفسي على سريري و جنبي المصحف ... مش قادر  
أتحرك .. افكرته عذاب ليا لكن مكنش كدة كنت نايم مرتاح جدا  
ملفوف بالكفن ناصع البياض .. شامم ريحة حلوة ... الدنيا حواليا منورة  
و جميلة ... الله !

كل اللي فرحنى هو صوت اللي بيتكلموا بره على الست وفاء اللي خفت  
من الكورونا مع إنها كانت بتموت و كانت بتشوف روح إسماعيل  
ساعتها وهو بيوديلها طلبات وبتكلمه في التليفون .. و يقولوا كلام حلو  
عليها ..

رجب طلع بيكذب حتى بعد موتى مرحمنيش !!!!

سمعت صوتها لآخر مرة بيرن في ودني : " ربنا يرحمك يابني و يرزقك

الجنة ويرضي عنك ليوم الدين "

فجأة .. لقيت تليفوني بيرن لوحده و بيرد على المتصل لوحده برضه ...

يرد : ألو .. ألو .. ألو

مين معايا ؟ ... مش مهم أكون عارفك اسمعنى الأول و بعدين عرف أنت مين ... ياريت أكون بأخرف من السخونية في اللى هأحكيه دلوقت ، أنا حصلي حاجة غريبة .. بس صدقنى السخونية أهون من اللى هتسمعه دلوقت ، لكنى حسيته و ده مخليني مصدقه ...

اسمي (إسماعيل) و باشتغل مدرس علم نفس في مدرسة ثانوي .. و صابني المرض الوحش .. أيوة اللى جه في بالك .. كورونا ... ياريت تدعيلي ..

جالي الصوت أنا عارفه كويس وهو بيبيكي : سامحنى يااسماعيل سامحنى يا صاحبي ... الكل هجرنى و سابونى أموت على سريري و محدش دفتنى ... نفسي أدعيلك بس خلاص مش قادر ... (بيبيكي) واللى كان كان

تمت بحمد الله

حكاية الست وفاء

### ٣- مذكرات محظورة

قاعدة في البيت و الدنيا ملل في ملل يعني عملت كل حاجة تسليني  
وكل تحدي الشعب عمله علي السوشيال ميديا ده وصلت اني اتصور  
بالمخدة و لأ بلاش ...!!!!

مفيش أي فائدة ... مكنتش مصدقة ان تليفوناتنا بتسمعنا صدقت لما  
قلت لنفسني يابت يا (نانسي) ماتدوري في برنامج \*\*\*\*\* الي بينزل  
برامج شمال من الي مش علي جوجل ستور .. دخلت قسم الألعاب  
اخترت تاب الرعب ! دائما الرعب زي الشطة في حياتنا بيديها متعة ..

لقيت لعبة اسمها #\*\*\*\* ، ملهاش أي وصف غير سطر واحد (انت  
هتنفذ الي هنقولوا و نحولك فلوس كرييتو) ..

لي ميعرفش إيه هي #الكرييتو ، دي موال هاختره عليكم عبارة عن  
عملات الكترونية ليها سوق في بعض الدول و مش ممنوعة ، ليجال جدا  
و ليها مكسبها ، اكبر عملة فيها اسمها #البت\_كوين ودي سعرها  
بالدولار كبير اوي ... مصدقتش قلت ادخل ابص علي الآراء كل الناس  
بتشكر في مصداقية البرنامج قلت يلا ياستي اهو تسلي نفسي ...

بعد مانزلت البرنامج لقيته بيسألني أسئلة عن وضعي الحالي أنتي نوعك  
ايه؟! انثي ... ها ... سنك - حالتك الاجتماعية إيه - جنسيتك - هواياتك  
- عدد افراد اسرتك ، الأسئلة بدأت تبقي غريبة حبتين لكن متخوفش :  
حد منهم مصاب بالكورونا؟! - حد جاله و خف؟! - تحبي تلعب في  
البيت ولا بره؟! هنا كانت اجابتي في البيت اهو اجيب فلوس و انا قاعد



اتصورت بايدي و بالايد الثانية ماسكة ورقة عليها الرمز و اسمي ...

Congratulations Nancy \*\*\*\*\* , We Have chosen U  
s! As Trusted #Leader ... Wanna Play

yes طبعا!!!!!!

أول مهمة كانت بسيطة جدا!!! ، صبحي علي باباكي و مامتك

ضحكت و خرجت علي غير عادتي و كاني خرجت من القبر الي هو  
اوضتي و صبحت عليهم استغربوا و اختي ضحكت علي شكلي الأهل و  
دخلت الأوضة ثاني .. لقيت البرنامج بشكل مرعب بيعلم ان المهمة  
اتنفذت؟! معقولة سمعني بالميك؟! ولا بيصور و لا ايه؟! مش مهم  
نزلي مبلغ علي المحفظة بقيمة ٥ دولار

توالت المهمات العبيطة منهم اني اصور كل مصادر الضوء عندي في  
البيت مشيت زي العبيطة شغالة تصوير ...

انا قلت اللعبة عاملة زي الحوت الازرق مثلا لكن لأ .. كانت ممتعة  
بتخليني اكتشف تفاصيل البيت والله

مهمة كمان اعلمي مقلب في اختك !

الغريبة بجد انه بيديني صوت أول ما بخلص المهمة؟! بيعرف ازاى!؟

الشیطان وزني طب ماتنفذي يانانسي كدة في مهمة يطلبها منك وشوفي  
هيعرف و لا لأ ، قلت اجرب اشوف مش هاخسر حاجة ...

جاتلي المهمة سهلة شوية صوري نفسك سيلفي مع افراد عيلتك .. و



حاجة ...

جالي اشعار زي انذار بيقولي اني خلصت كل المهمات المطلوبة و انهم  
فرحانين باني اترقيت معاهم و دخلوني في سؤال غريب جدا!!!!!! : شكرا  
نانسي لالتزامك بالبيت بسبب تفشي فيروس كورونا المستجد وبالتزامك  
ده حابين نعلن عن خبر يهكم تحبي تستمري!؟

احب .. طبعاً احب ! Yes ...!

جالي فيديو غريب مفزع جداااااا لناس ملثمة يبدوا انهم بنات وسطهم  
رئيستهم بتقول صباح الخير وفجأة بدأت تبليغ عن نشاطها و نشاط  
الناس اللي حواليتها بانهم سبب لنشر الفيروس بطرق ملتوية و علامتهم  
كانت هي نفس العلامة اللي اتصورت بيها و انا مكشرة ، مرسومة  
حواليهم بالدم في كل حنة و بعد ماخلصت كلامها و اعترافاتها كشفت  
عن وشها إيه ده ؟؟؟ دي ... دي نسخة مني ، شبيهي بالملي ونفس صوتي  
بالضبط ازاي مخدتش بالي ؟ المصيبة انها عملت بصابع ايديها نفس  
العلامة و البنات جنبها بتقلدها .. وبتهتف باسمها : نانسي

يانهار اسوح .... ازاي ياجدعان ... انا متكلمتش قبل كدة ولا خرجت اصلا ، ازاي الناس دي؟! ..... آه كنت حاسة ، البرنامج هكر صوتي كل الفترة دي و هما مكسجوا كلامي و كل الأسئلة كانت كشف المستور عني عشان البس في حيلة انا لازم ابليج البوليس كل حاجة عندي و متسفة ...

كل حاجة البرنامج راح فين ؟؟؟؟!! إيه ده البرنامج اتمسح لوحده ...  
 الفيديو حفظ نفسه عندي في الألبوم .. و مش راضي يتمسح !!!!!!!

بابا بيخيٲ جامد و دخل اوضتى هو و ماما لقيتهم بيفتشوا في الاوضة

بتاعتي كانهم بيدوروا علي سلاح ويبصولي بصات غريبة و اختي ياعيني  
خايفة مني ..

شوية سمعت صوت سرينة البوليس بشكل مرعب و مفزع .. سمعت  
علي التلفزيون في الصالة صوت الفيديو الي اتبعثلي والمذيعه بتتكلم اني  
خدت فلوس كتيرة عشان الأعمال دي !!!! بلعت ريقى بالعافية  
وحسيت اني هاعيط !!!!

البرنامج لبسني تهمة و انا قاعدة زي السطيحة في بيتي عمالة آكل و  
اشرب زي الة يسة ، انا أصلا مجرؤءش اني اعمل مُن الي اتقال ده !!!! انا  
ازاي هابقي مسئولة عن نشر فيروس خطير كده في العالم ، انتم  
مجانين ؟!

جالي الرد من بابا : انتي يابنتي معترفة بنفسك فيديو و الناس الي معاكي  
دي مش عارف مين دول و كشوفات البنك جايبة علي حسابك أرقام  
مهولة و اصفار كتير ، قوليلنا يابنتي مين دول عشان حكمك يتخفف !

حكم ايه الي يتخفف يابابا جالي انهيار ، الي بيحصل في العالم بقي  
بسببي خلاص ... اقتصاد دول اتهز بسببي ... انا علي كدة بقيت  
#الكورونا نفسها انا معملتش حاجة ...

سكت الكلام جوايا و نفسي علي ووطي بشكل رهيب ، جاتلي صدمة  
عصبية و قررت اهرب اشوف فيه ايه ؟! انا بريئة يا عالم بريئة ياناس ؟!  
خرجت اجري في الشارع زي المهابيل وانا باقول كدة و مشوفتش التريلا  
الي جريت كانها مستنياني اعدي عشان تمسح الي باقي من تاريخي  
علي الأرض



الخبطة فوقتني زاد عليهم صوت (هايدي وهي بتنادي نانسي اصحي؟! هتتصوري بالورقة دي ولا لأ؟!)

لقيت نفسي ماسكة الورقة و عليها الرمز الغريب اظاهر عينا غفّلت للحظة شفت فيها كابوس هباب ، بس ساعات الكوابيس دي بتبقي رسايل لحاجة مش مفهومة في حياة النبي آدم اول حاجة عملتها مسحت البرنامج بعد ما كنسلت كل حاجة ، يمكن لو استمررت فيه كان ممكن يحصل شئ سئ مش شرط زي اللي حلمت بيه لكن ربنا ستر و بيحبنا الخير ...

فكرت للحظة بقي هو انا عملت ايه لربنا عشان يحذرنى من الخطر ده ، للأسف معملتش !

ده خلاني اتكسف من نفسي و اعرف ان الملل الي قضيته في البيت ده عشان انا فعلا كنت بعيد عن ربنا و سايقة نفسي في الدنيا و عايمة في البرامج التافهة بمعظم وقتي وعمرى ماوفرت وقت لديني ... شوية تحدي مخدة ايه علي شوية تحدي في البلكونة علي تحدي عمال الكيكة علي رقص و هشك بشك لايف مع صحباتي بجد محنة زي دي مفروض الناس تفتكر ان النهاية قربت و يخافوا ، لكن عمر واحد من الناس فكر للحظة في الي هو فيه؟! هل هو كدة بيرضى ربنا!؟

الي زي امثالي عمره ما طلع تحدي لفعل الثواب تحدي بانك تساعد محتاج في الأزمة دي ! التحديات الي زي دي مش محتاجة سوشيال ميديا عشان تبوح بيها أصلا ، دي محتاجة نفس خالصة لربنا

انا بجد التغفيلة الصغيرة دي عرفتني اني في تغفيلة كبيرة اني بعيدة تماما

عن ديني الي هو المفروض يبقي اساس حياتي انا لازم وقتي يبقي  
متقسم ...

خدت نفسي : الحمد لله ... الحمد لله ... و سمعت : الله أكبر ، جريت  
اتوضيت و علي بابا و ماما عشان الحق صلاة العشا معاها جماعة و  
اختي شافتنني قلدتنني لاني قدوتها و ده شئ فرحني من نفسي ... شكرا  
يارب علي رسالتك ...

---

(مذكرات نانسي أختي رحمها الله ضحية فيروس كورونا)

تمت بحمد الله

مذكرات محظورة

## ٤- حوار مع مسن

كانت ابتسامته حزينة لما سألته : أنت دخلت هنا إزاي ؟  
توقعت إنه هيحكي لي قصة مأساوية عن ابنه العاق أو بنته الطماعة الى  
اهملوه و جابوه هنا و حجروا على أملاكه لكن استغربت أكثر لما لقيت  
أعزب و معندوش أولاد ... تبقي مراته ؟؟ لأ منا قلت أعزب !!!  
استنيت إجابته الى ابتدت بالدموع ! عاوز أعرف هو دخل دار المسنين  
ده إزاي ؟  
وكانت إجابته أغرب مما تتخيلوا : " دخلت لما عداد عمري اتسرق  
منى !"  
أيوة جملة بتتقال من أي #عجوز لكن طريقته وهو بيقولها إنا حاجة  
اتسرق منه فعلاً !  
صدق وني مش كل حاجة في الحياة بتيجي بكليك لكن القصة دي حياة  
الراجل اتهدت بتكة ماوس واحدة فعلاً

---

خليني أبدأ من الأول ..

#أنا اعتدت إني أكون صحفي في جريدة (ما) تركتها من أجل  
#الدارك\_ويب .. و الى ميعرفش الدارك ويب بيقى فايته كتير شبكة  
انترنت م مظلمة طريقها صعب عاوزة جرأة مستخدمينها بيبحثوا عن  
الشئ الغريب و المرعب .. مليانة متاهات حياتية و حاجات ترفع

الأدريالين من جواك .. أنت كل الى عليك أنك تجيب جهاز أنت  
مستغني عنه لأنه ممكن يخرق في أي لحظة و تبحث عن مواقع الدراك  
ويب دي و هتلاقي حياة موازية للحياة الى أنت عايشها ... يعنى  
ممكن تدخل على موقع بيع محافظ مصنوعة من جلد جثث الموتى أو  
ممكن تشتري تحف فنية من عضم بشري .. متخيلين؟؟؟

أنا بقي تخصصي إني كاتب قصصي تحت مايسي بـ #بريد\_الرعب  
اقتبستها من رواية كاتب اسمه #أيمن\_العايدي اسمها  
#النكرومانسيرا\_التى\_أحبته ! وفيه بأبحث عن مستخدم حصلته حاجة  
غريبة في حياته و بأخطر إني أروحله و أقابله و أعمل معاه حوار و  
أسمع قصته و أصيغها بشكل حلو و أنشرها في تاب بريد الرعب ...  
منتهى اللذذة وعليها من صحفي مغمور في الحياة العادية بقيت روائي  
مشهور في عالم الدارك ويب رغم التحذيرات الى بتوصلي و لقيتني  
محظوظ بأنى راسلت الأستاذ #صفوت\_الغندور الى طلب يقابلنى في  
دار المسنين هنا عشان يحكيلى حكايته الغريبة ...

---

نرجع لعداد عمره الى اتسرق ،

فتحت المذكرة بتاعتي و بدأت أكتب النقاط المهمة وهو سرح يحاول  
ي فتكر تجربته : " اعذرني يا ابني أنا مخي بقي بيسرب الذكريات حتى  
أهم قصة في حياتي بأحاول أفتكرها "

رديت عليه : "خد وقتك " ، بصراحة مش قادر هاموت و يفتكر عشان  
يحكيلى .. وعليها بدأ :

" الموضوع ابتدي لما كنت أصيع واحد في شلتي .. حياتى كانت هلس

مكنش عندي احترام لأى حد ! كنت عيل متدلّع بتاع بابي و مامي ، واخذ إن الفلوس بتتخط قدامي من غير أي تعب .. الحاجة الوحيدة اللى بابا عملها فياً و كانت حلوة إنه علّمنى شغله اللى اتشهر بيه جدا .. (تصميم إعلانات و بانرات) .. كنت تابعه لكن حبيت الموضوع لمجرد إنه ماشي مع دماغي ، عشان كنت بأصمم حاجات أتريق بيها على صحابي .. قرايبي أعملها كوميكس و بس .. لكن تيجي للجد متلاقيش "

" لحد ماجه اليوم اللى فقدت أهلى في حادثة كبيرة ... عارف ... فقدت كل شيء حتى أصحابي ... أصبحت إنسان منعزل .. كادح معيش فلوس .. اكتشفت إن بابا أشهر إفلاسه لما دخل بمشروع (ما) بكل ثروته و فلوسه اللى ورثها و ضاعوا .. يأس فجأة و انتحر بدون أي مقدمات و رمي نفسه بالعربية من فوق الجبل .. كانت ماميـ ... اقصد ماما و أختي معاه و قراره جه فجأة و قلت في نفسي كويس إني مكنتش معاهم ! "

" متخيل لما تفقد كل حاجة و تعيش في نفس عمارتك بس تطلع في أوضة السطوح و تسيب شقتك عشان توفّي ديون أبوك؟؟.. ده مع الرأفة بحالى "

سكت و قلّع النضارة و دمع ...

" فجأة شعري السايح بقي أكرت نظري القوي بقي ضعيف .. كان معايا اللاب بتاعه لقيت نفسي كادح و بأعلن إني بأصمم إعلانات .. أهو شغل أكسب منه .. انعزلت عن العالم .. سيبت حبييتي اللى قرفت من مشاكلتي "

"لحد ماوقع حظي مع شخص طلب منى تصميم كبير شوية مكنتش عارف إن دي بداية الرعب في حياتي ! "

" صدقني يا ابني تجربة الرعب ممكن تكون في دقيقة .. موقف مش عفريت و جن .. لكن اؤكدك إنه بحياة الى عايشه كلها ... "

أنا انتبهت للكلمة دي و بلعت ريقى لاني حسيته صادق ، غير ناس كثير قابلتهم كانوا بيعرفوا يتخلوا بس ...

\*\*\*\*\*

(صفوت) كان بيسكت كثير يمكن بينسي و فجأة لف بجانب كدة كأنه مستعر إنه يكمل قصته ووشه في وشي مش فاهم ليه ؟ .. بقي قاعد و نظره للحيطه و هو بيحكلي ، حركته دي زودت قلقي و خوفي، بس مش مهم أنا عاوزه يكمل القصة بداية لما بقي يتيم و انعزل و اشتغل مصمم لغاية ما جاله تاسك تصميم غيرله حياته وهو بدأ يشرحلى تفاصيله : "

الإعلان الى جالى كان لـ #كومباوند .. هأخلى (الموديل) فيه صورته عجوز و أعمل إنه عاش حياته في الكومباوند لحد ماسنه كبر .. نوع من المصداقية لكن لا هي مصداقية و لا حاجة أنت فاهم الجو ده .. التحدي كان كبير و المفترض ما أبينش إن الراجل فوتوشوب .. (موديل) مش معروف و محدش هياخد باله لو قابله أصلاً "

" سهرت يومين أعمل إيديت لصورته الصورة على اليمين وهو شاب و الصورة على الشمال وهو عجوز بعد مرور ٢٠ سنة وقال إيه أكتب إنه مغيرش مكان إقامته و إن الكومباوند واقف على حيله و بيتطور دايمًا !"

"خلّصت التصميم وبعته فوراً ، فضلت مستني تليفون (الشخص) الى كلفنى عشان يقولى رأييه فيه لكن ما اتصلش !! .. قلت يا ياواد يا صفوت متبقاش ثقيل و سيبه براحته ، الى زيه بيبقي مشغول لكن يوم ، يومين ، ثلاثة .. ليه كل ده ؟! عشان تصميم ؟!... صبري نفد و قررت اتصل

بيه و بعد كام محاولة تجاهل منه ، رد علياً بقرف وبشكل مباشر : " أيوه يا (صفوت) .. التصميم مش حلو ومش عاجبني ! "

(صفوت) ضرب بإيده على الكرسي و عدل نضارته اللى نزلت شوية و أنا ساكت باسمع بس .. بعد كده هدي و كمل و هو منفعل : " اتصدمت !!! حاولت أبرر له بأى مبرر لكنه قاطعنى و ما إيدانيش أي فرصة نهائي .. سمعنى كلمتين في منننتهى العجرفة و بدون أي شفقة على حالي .. قالى : (صفوت أنا مشغول ووراي ١٠٠ حاجة .. من الآخر أنت محتاج تشتغل على نفسك شوية و بالتوفيق) ، و تك !! قفل في وشي السكة و سود حياتي !!.. اقتنعت إني مش هأعلى عن مستوايا ، صحيح ما أنكرش إني عمري ما عيشت حياة الكادحين و إني أحاول و أجرب بدل المرة ألف .. كلامه فور دمي و بدل ما استغله في الصح ويبقي دفعة تحدي ليا اختصرت السكة و استغلته في أكبر غلطة في حياتي "

"في البداية دورت على مصممين كتير عشان يساعدوني وكله طالب مقدم مالي ربط كلام ، حتى لو تلاقيه مصمم مطلعش من البيضة أو عيل بس عنده موهبة بيتتك علياً بيها متقولش بقوا عالميين و أنا مش واخد بالي ؟!!! .... لا لا لا أنا كدة فعلا حياتي اسودت بعد كم النرجسية اللى شفته ده وكان لازم أدور على خطوة ثانية !"

" استمتعت بنفسي رغم الخنقة إني بأسعي لكن سعيي مشي غلط لإن الخطوة اللى جاية هي الى سودت حياتي فعلياً .... لإني .... "

سكت و فضل باصص للحيطه كنت مشغول بكتابة النقط المهمة و

بِمَلَامَحِهِ الِى خُفَّتَنِ رَغْمِ اِنَّهٗ قَاعِدٌ بَجَنَبِ

فيه ناس ملّا بتحاول تفتكر وعازوة تركز في التفاصيل بتبص لغرض ثابت كدة ، فعذرتة .. الرجل كبير في السن برضه .. فجأة بصلي بوشه و كمل وهو بيتزهز و منفعل : " لانى فتحت #الدارك\_وب "

ورجع بص للحیطة تانی : " أنت أكید عارف یعنی إیه الی بأقوله "

هزيت راسي و هو مش شايفني بـ(آه) .. عارفها طبعاً منا قتلکم إن بدخولکم فيها کإنکم بتعدّوا على سلك شائك .. مغامرة مش مضمونة لازم تبقي حذر جداً.. خيوطها خيوط عنكبوت بحق لو شبكت فيکم هيچيلکم العنكبوت بنفسه و هي فترسکم !

(صفوت) كَمَلْ : " قلت أشوف مصممين فيها حسبت نفسي واحد زيهم ، نالاس منعزلة عن الواقع خيالهم شاطح عندهم يأس مش تناكة و حب النفس .. قلت واحد منهم ممكن يساعدنى يمكن نطلع بحاجة حلوة .. خدت كلام الراجل الى بهدلى على صدى قوى و دماغى صغرت و هأوريه مين (صفوت الغندور) .. مش بمحاولة إني أعيد التصميم مرة ثانية و الكلام ده .. لأ .. ده عشان الإستسهال !.. وهو ده سبب دخولى الدارك ويب .. استسهال ياابنى "

لقيت صفحة عليها صورة تصميم لجمجمة تبصلها ترعّب لوحذك بس التصميم شدّنى من قوته ، قلت هو ده ... دخلت الشات الخاص بيه و كنتله :

مساء الخير .. حضرتك بتصمم إيه بالضبط ؟



= أي حاجة أنت عاوزها

- حلو .. أتمنى تساعدني

= طبعاً

- حلو .. طب المقابل إيه ؟ ... و ...

- وبتأخذ وقت أد إيه ؟

= أول مرة علينا

= و الوقت المستغرق نص ساعة

أنا مصدقتش نفسي...كان بيرد عليا بسرعة جدا ولكن الغريب إنه أتكلم بصيغة الجمع " أول مرة علينا " لكن أنا مفكرتش .. أنا لقيت اللي أنا عاوزه فكتبت :

- اتفقنا .. هأبعتلك التفاصيل و الداتا بتاعته

= ابعتلنا و ده رقمنا تقدر تتواصل عليه بشكل شخصي و مباشر

" ياحلاوة .. أنا كنت طائر من الفرحة .. و اللي طيرني أكثر لما نفذوا وعدهم ليا ولقيت رسالة جايلي من رقمهم إني افحص رسائل إيميلي بعد نص ساعة !!! "

صفوت سكت لحظة : " ماافتكرش إني رنيت عليه أو إديته رقمي أصلاً .. أنا حفظته بس ، برضه مفكرتش ! مكذبتش خبر و بعثت التصميم كان في الصميم زي ماهم عاوزين .. أنت متخيل بعد مابعتة بلحظة لقيت (الشخص) بيتصل بيا ؟ .. المهم رديت و أنا قلقان برضه ليقولي مش خلاص قفلنا الحوار ده ؟ .. لكن بالعكس لقيته بيقولي : ( أيوة بقي فين

الدماغ دي هو يعنى كان لازم نسمعك كلمتين عشان تشتغل بالحلاوة دي ! "

" رديت عليه و قتلته : (ماحضرتك ما ادبتليش فرصة أبرلك و أقولك إني مجهز تصميم تانى و قفلت في وشي) ، أيوة حاسك بتقول اصطدت في المية العكرة .. مين مبيحبش يصطاد فيها ؟! "

" لقيته بيقولى : (حيث كدة تعالى بكرة خُد فلوسك .. التصميم اتقبل خلاص و جهز نفسك للتصميم الجاي .. إعلان چيم "

" أنا قفلت و رقصت و رُحت اليوم التانى عشان أستلم فلوسي منه و كانت أول مرة أقابله وش لوش .. نظراته مكانتش مريحانى .. مش مهم المهم إنه هيقبضني .. ومبلغ كان محترم بجد ، بعدين بدأ يشرحلى التصميم الجديد و كان مستعجل عليه أوى مفروض أعمل إيديت زي الى فات للموديل بس تركبه على الچيم بعضلاته و أكتب إن الچيم بيحافظ على صحتك مهما طال بيك العمر .. سهلة مش كدة ؟ لكن الصعب جه "

" لقيته بيقولى : (صفوت إحنا محتاجين موديل للتصميم ده ) .. رديت عليه و أنا مستغرب : (وماله الموديل بتاع التصميم الى فات ؟! "

" قام و جه قعد قصادي وهو بيصلي بصة : ( مش عارف أقولك إيه .. بس للأسف الموديل الى حيلتنا مات الصبح) "

أنا سيبت النوتة و برقت كان قلبي حاسس إن فيه كارثة هتحصل زي ماقال ... لقيته بيكمل بحزن : " سألتته مات إزاي و أنا مصدوم فرد إن تفاصيل الوفاة مش معروفة ولقيته بيصلي أوى و بيلقح : (نقول إيه بقي العين فلقت الحجر ... أو تصميمك هو الى جابه الأرض ، أنت

عملتله إيه يا (صفوت) بالضبط (!؟) "

"سكت الكلام وهو ببصلي البصة المخيفة بتاعته و بشك كدة .. وعليها عرقت جامد أوى و مقدرتش أرد عليه و أقوله إيه ! "

\*\*\*\*\*

" معاك منديل ؟ "

بصيت لـ(صفوت) و مخدتش بالى إلا وهو بيسألنى تانى على منديل إديته منديل : "شكرا"

اتجرات و سألته : " وبعدين يا أستاذ (صفوت) ؟ "

رجع لوضعه بتاع الحيلة ده : " وبعدين يا (صفوت) و بعديين ، آه فضلت باصص و مش قادر أتكلم لغاية ما لقيت (الراجل) بيتسم وبيقولى : (متبصليش كدة أنت ملكش ذنب أنا بأهزر معاك .. إحم ! الشغل شغل والوقت مش في صالحنا .. إحنا فعلا محتاجين (موديل) مكانه و نعمل عليه تصميم وش عجوز ونقول إن الچيم ده بيحافظ على صحتك و بيهتم بيها مهما كبر بيك الزمن عشان كدة محتاج (الواد) يكون عنده فيتنس كدة و جسمه چيماوي .. أقدر اعتمد عليك ولا هتقصر رقبتى (!؟) ، ناولنى فلاشة بتفاصيل التصميم بدل مايستهالى زي المرة اللى فاتت و بصته كانت خبيثة جداً ..مش مهم الملمم الفلوس ، خدت الفلاشة و قتلته : (لأ !.. هتصرف) لقيته فرح وبيوعدى بأن كله بتمنه تصوير و تصميم الملمم أوريه همّتي ، أنا مأعرفش أنا قلت ليه كدة؟ هجيبله منين (موديل) أصلاً هو الراحل ده قاصد يعجزنى ؟!"

رفع إيداه المشققة وضحك وهو بيعطس بالمنديل : " ههههههه حلوة يعجزنى دي .. هههههههه " ، لقيته بيشاور على كوباية مية جنبه عشان



- طب فيه تصميم محتاجينه منى تانى !

= ابعت

- حاضر أول ما يكون متاح ليا التفاصيل هابعتها

" ومن غير سلام ولا كلام .. أوف لاين .. المهم أمنت معاه فاضل (الموديل) .. بصيت للحيطه ! داها بأشوف الحيطه هي مصدر أفكارى أفضل سارح فيها لغايه مالأقي حلولى ! ... لقيت عليها صورتي و أنا شاب مع الشله ... (حسين) أيوةةةةة (حسين) صاحبي .. فتحت الإنستجرام بتاعه أنا فاكر آخر مرة كان بينزل صورته في الجيم و خاربها .. الشله الواطيه دي .. محدش فيهم بقي بيسأل عليا .. بس المصلحه فوق كل شي ء هأكلمه و أجيبه بكلمتين وهو مش هيمانع إني أدخله في الحوار ده .. حد يلاقي مصلحه ويرفضها "

"بعتله رساله قتلته بعد إزيك و مش عارف إيه !.. عاوزك في (مصلحه حلوه أوى) ضرورى و هتخلص في يوميهـا ..."

" مُت و مكنش نومي طبيعي أول مرة أحس بهوا في الأوضة و كأن فيه حد بيراقبني !!!! كل مأصحي أحس إن فيه حد بيخطف نظراته ليا و بيجري يدخل في الحيطه أو يهبط في الأرض .. الدنيا كانت ليل أنا خفت !!! القلق ممكن يكون السبب .. ممكن يكون سبب لإنى أسمع صوت اللاب بيفتح ويقفل لوحده كمان !!!!؟ أخرهم الهبد الى على الباب فقمـت منه مفزوع "

" سمعت صوت بينادي : (صفوت) !!! "

أنا بلعت ريقى #الرعب ابتي ... الأوضة بتاعته مسكونة إظاهر !!!!  
المهم خد نفسه و كمل : " أووووف .. الهدبة دي طلعت بتاعت (حسين)  
إزاي نسيت خبطته المنيلة دي .. قمت فتحتله لقيته بيصلي و كأنه أول  
مرة يتعرف علي شكلى بس ولا سألنى على حالى دخل في الموضوع :  
(مصلحة إيه اللى عاوزنى فيها ضروري؟)

"قلتلته: (أدخل و هأفهمك مش على الباب)، دخل بكل تناكة وبصته  
للأوضة مريحتنيش و كأنى عايش في زريبة.. صحيح  
#دوام\_الحال\_من\_المحال .. أنا كنت بأدخل أوضته أعلم عليه و كان  
بيعيط مني .. دلوقت !! ده وقته .. فضل ييص لغاية ماسحب كرسي  
وقعد و أنا قعدت قصاده ربع إيده وسألنى : (ها .. فهمنى يا سيدي)"  
"لبست نضارتي و عاينته .. الواد فعلا ملائم للإعلان فجيبته من الآخر :  
(طالبين مني تصميم بأسرع وقت و عاوزين واحد في جسمك أصوره و  
أعمل عليه تصميم عشان إعلان چيم)"

"هز راسه وهو بيص يمينه وشماله للأوضة .. حسيت إنه هيرفض !! "  
"سألنى : (هي دي حياتك بقي و أوضتك اللى هربت ليها وبعدت عن  
الشلة؟)"

"رديت عليه : (أكل العيش !! مش هنفصل نقضي حياتنا هلس  
ياصاحبى) ، والله وبقيت بأقول كلام ناس كبيرة .. قام بصلي وسألنى :  
(طيب بمناسبة العيش بقي هتأكلنى كام رغيب من المصلحة دي؟) ..  
كنت هأقوم أبوسه ده كده معناه إنه موافق فسألته : (أفهم إنك  
معايا؟) .. قام بصلى بإصرار : (المقابل ؟!!!)"

"أقوله إيه ؟؟ قُمت راميها له : (١٠) ، فجأة لقيته فك إيده وقام عشان  
يمشي ولا كإننا كُنّا صحاب و العشم واكلنا : (لا يا حبيبي أنا عارف إن

التصميمات دي بتاخذ فيها شيء و شويّات.. بيزنيس إذ بيزنيس) ، قمت مسكت فيه وقعدته : ( خلاص ١٥% و متزودتش يا (حسين) أنا لسه بأبتدي و مفترض إني باثبت نفسي في السوق و الفلوس اللى بتيجي مش كتير لسه) "

" أنا كدبت دلوقت عليه لإني لسه قابض مبلغ حلو و كانت باينة شوية و ممكن يشوفها .. كان عمال يبص للأوضة بيحاول يصدقنى أنا في اللحظة قُمت دافسها جوة اللاب .. الواد داخل علي طمع !! ولقيته بيقول : (موافق ومن حسن حظك إني لسه معمولي سيشن تصوير خلفية بيضا، هيفيدك ده؟ أكيد مش هتحتاج تصوّرني ولا إيه ؟) "

" كنت هأقوم أبوسه تانى دنا كنت لسه هأشوف القصة دي فطلّعت موبايلي و قلته : (حلو جداااا .. ابعت كل السيشن عشان إبدأ الشغل) وفتحت الشات الخاص مابيني وبين (المصمم) وبعته صوت : (مساء الخير .. هابعتلك الداتا و التفاصيل حالا) "

" حسين بعتهلى و سألنى : (بتكلم مين ؟) "

" ردّيت عليه : (واحد بيساعدنى في التصميمات!) "

"حسين : (طب أنا عاوز أشوف) ، كنت شغّال بأفضي الداتا : (نص ساعة من وقت ماهابعته و التصميم بيخلص ممكن تستنى لو تحب تشوفه)"

"حسين بص على السرير بتاعي و قام رامى نفسه عليه : (حلو هاستنى)"

---

إيه ده يا جماعة أنا تعبت من الكتابة ... القصة طويلة وكأنه قرا أفكارى : " صدعتك مش كدة ؟! "

ردّيت عليه و أنا محرّج : "لأ خالص أنا عاوز حضرتك تكمل "

تبصوا على (صفوت) عبارة عن جسم شاب في جسمي لكن العجز ضاربه من كل ناحية لقيته يخلع طقم سنانة الصنّاعي تاني و بينقعه في الكوباية و بعدين ركبه تاني و كأنه بيستعرض القصة صوت وصورة أنا مشفق على حاله بجد وقام وقف ومشي شوية و أنا محرج أبصّله عشان ميتضايقش إحتراماً لمنى وعامل نفسي بأكتب و في الحقيقة كنت عمال أشخبط في النوتة و أنا مستنيه يكمل لغاية ماحسّيته وقف قدام الشباك وكمل : " عدي ساعتين و (المصمم) مبعثش حاجة ، (حسين) قلق وقعد ينفخلى ووترني : (وبعدين يعني .. فين التصميم ؟ ) "

" أنا بررتله بالمنطق : (معلش يمكن مشغول .. أكيد في إيده أكثر من تصميم) " ، فجأة جاتلى رسالة افحص الإيميل دي فجريت على الإيميل وفتحت التصميم و (حسين) حس بيا وأنا باستقبلها فقام وقف جنبى وبص على الصورة : (يانهار أسوح ده طرم سنانى خالص ده شلوحنى ياعم) ، قمت ضحكت : (طرم إيه بس ده مبین كبر سنك في أدق التفاصيل مع الإحتفاظ بليقاتك على قد ماقدر ... الواد ده فعلا عبقرى) ، التصميم بجد بيرفيكت زي ماقال الكتاب مبقاش غير إني ابعت و أثبت جدارتي قدام صحاب التصميم كدة خلاص هأطلب المبلغ الى أنا عاوزه : (اقعد أعمل لنفسك شاي على ما ابعت التصميم و نشوف رأيهم) ، (حسين) هز راسه و قعد يتفرج على تصاميمي الى على الحيطه و أنا من فرحتي حطيت سماعتى في ودنى وشغلت موسيقي مسمعتش (حسين) وهو بيكلمنى : (أما صحيح مسخرة .. تحسوا إن شغلکم زي السحر بيعمل خدع على الناس و بيضحك عليهم بطوع... كح كح) "

" مخدتش بالى إنه بيكح .. فجأة الكحة زادت معاه حط إيده على بقه و هو بيكح تالت مرة ، أنا مشوفتش أنا عرفت إنه تف سنانه و الدم خرج



من كل حبة في جسمه"

" أنا مكملتش دقيقة و كنت خلّصت و بأخلع السماعة و أنا باتكلم معاه : (أنا خلصت أهو يا سي— ...) ، إيه ده لاحظت إنه مش طبيعي بيصلي وسألته : (حسين .. فيه إيه ؟) ، لقيته بينزل على ركبته و كأنه بينهار صحياً ، كان يحاول ينطق بيحّة : ( أنت ... عم ...لت إيبه !!!؟)"

وفجأة شعره سقط من النص كأنه اقرع حسيته بقي شبه صورة التصميم ، لقيته بيتهبد على الأرض و قعد يتشنج !! "

"أنا كنت هأموت من الرعب .. جريت عليه : (حسين .. مالك ؟؟؟) ، (حسين) مبردش و عينه بترف وهو بيتهز : (فهمنى طيب فيه إيه .. إيه الى بيحصلك ؟؟؟)"

" لكن مفيش فايده ، حاسس إني هأعيط وفجأة بصيت للآب و افكرت الكلمة رنت في ودي كذا مرة : (للأسف الموديل الى حيلتنا مات الصبح .. للأسف الموديل الى حيلتنا مات الصبح .. للأسف الموديل الى حيلتنا مات الصبح)

" معقولة أنا السبب في الى حصلهم ؟! "

فتحت الموبايل و بعث رسالة صوت لل(مصمم) : (صاحبي مش كويس بيحصله زي ما بيحصل للتصميم الى أنت عملته !!!)

" (المصمم) أوف لاين ... بعته : (ألووو .. ألووو) ، حسيته بيتعمد إنه يتجاهلنى ! استفزنى و أنا متوتر و خايف لقيت نفسي بابعته : ( رد عليا .. ردوا عليا يا ولاد ال\*\*\* .. صاحبي بيموووووت .. عملتوا فيه إيه ؟!!!!) ، الشتيمة كانت قوية أوي و المصمم فجأة بقي أون لاين لكن

مردّش .. يعنى استقبل الشتيمة ! "

" جاتلى فكرة غريبة قلت أنقذه بيها جريت على اللّاب عشان امسح التصميم و استنيت (حسين) يهدي وفعلأ هدي ... أوووووف ، جريت عليه : (حسين .. حسين) لكن (حسين) مبيردش .. ميلت على صدره مفيش أي نبضات في قلبه !! (حسين) ماااات !!! "

" أنا جاتلى صدمة محصلتش في تاريخ حياتي رجعت لورا و سندات على الحيطه و حسيت بنفس الإحساس بتاع الكوابيس الى من شوية .. هوا و كإن في حد معايا في الأوضة و بيقرّب و فجأة جاتلى رسالة صوت من (المصمم) فتحتها كان صوت عمرك ما هتسمعه في حياتك مخيف ، نبرة تحسها حواليك مش من الموبايل بس دي طالعة من كل مكان كأنها طالعة من اللاب ، داخله من الشباك ، جاية من الباب .. وهو يقولى : (#مكنش #يصح #تشتمننا .. #العواقب #وخيمة) وعليها صوت الهوا على الخيالات الي مبقتش خيالات بقت سوادات بتطلع من الأرض كإنهم أشباح حسيت بيهم حتى العرايس الديكور الى كنت راصصها كانت بتلف راسها ناحية اتجاه معين .. في اتجاه شاشة اللاب توب .. الخيالات برضه وقفت ناحية اللاب توب وحركتها سكنت ، وفجأة لقيت رسالة (افحص ايميلك) جاياي أنا سحبت اللاب من بعيد لناحيتي كان هيقع بس لحقته وبصيت على الإيميل "

(ص فوت) خبط على شيش الشباك الى هو واقف عليه بعصية وكمل : " كل صوري بلا استثناء ... مخترقة و معمولها تصميم إني عجوز "

" فجأة حسيت إني دايخ سبيت اللاب يقع خلاص عرفت مصيري لما

كحيت سناني كلها حسيت بدوخة ونظري بيضعف .. ضهري بينحنى ..  
اختاروا يعذبوني بدل ما يموتوني زي (الموديل) و (حسين) .. الموت رحمة  
أما اللي فيه ده عذاب .. خلوني عجوز بس موصلتش للشيوخوخة !!"

"عرفت أنا دخلت هنا إزاي ؟! .. عشان عداد عمري اتسرق منى في  
لحظة و بتكة ماوس و معرفتش أرجعه حتى تصرفاتى .. كنت محتاج  
عناية ! عشان كدة اخترت الدار الرخيص ده !"

"أما ذكرياتي بقي !! فبدأت انساها .. مخى عطل ، فكنت باكتبها على  
الحيطة اللي اعتيرتها دايمًا مصدر أسراري ، كتبت اللي فات و اللي ناوي  
أعمله خلصت قصتي !! .. ممكن تبص وتشوف وتصور لو حبيت عشان  
مقالك أو قصتك"

---

أنا جالى ذهول من نهاية القصة كنت باكتب ووقفت .. عرفت ليه كان  
بيص للحيطة أثاره كاتب كل قصته في كل حنة كأنه بيحفظها من  
النسيان .. فبصيت على الشباك من بعيد وعليه لقيته بيشاور على  
الكتابة الى قصاده وبيشاورلى على الحيطة الى جنب الكرسي فقامت  
قربت أبص عليها ولقيته كاتب بخط كبير بعد جملة (عداد عمري  
اتسرق) .. (و عشان ترجعه لازم تحكي سرّك ليه ... #بريد\_الرعب .. بريد  
الرعب"

---

نسيت أقولكم حاجة قبل ما أدخل لما سألت على الأستاذ (صفوت)  
استغربت إن الكل بيقول إنه أخرس و مش بيتكلم أنا عارف إن الدار  
رخيص و محدش هنا عارف تفاصيل عن حد و لا بيركز مع حد أوى ،

افتكرته إنه لما أتكلم معايا إنه إدانى ثقته لكن اتضح إن أنا الى إديته  
ثقتي .. فجأة الكلام لغوش في عيني ولقيته مزغلل و لقيت نفسي بأكح ،  
طلعت مندبل و كحيت تانى لقيت دم !!!!!!!  
" إيه الى بيحصل؟" .. صرخت فيه ..

لقيت حركته بقت طبيعية وبيقولى : " الحقيقة إن مكنتش صادق معاك  
أوى و إنى كدبت عليك في كذا تفصيلة صغيرين أولهم إن القصة  
مخلصتش لحد هنا ، كانوا بيقرصوا ودني بس كانوا حاسبيني في  
مخططاتهم الى جاية وصولى و كلمونى أخيراً فضلت أتحايل عليهم  
يسامحونى .. فقالولى هات كبش فدا ويكون مستخدم ثقيل من الدارك  
ويب متعاص منها ووقع الإختيار عليك ملقتش أعز منك تفادينى و  
تديهم أنت عداد عمرك بدالى و #كله مش نصه زيي .. مش عارف  
بيعملوا بيه إيه ! بس أنا نجحت إنى أرجع الى استرق منى دلوقت"  
صرخت فيه : " و أنت توافق على كدة إزأى ؟!!!! و الندم الى ندمته  
على الى ماتوا .. الناس دي اتأذت بسببك!!!!"

بصلّى وضحك : " مافي داهية !" ، قرب منى وسندنى و قعدنى على الكرسي  
وقفل باب الأوضة كويّس وبدأ يقلعنى لبسي و يلبسنى لبسه بتاع  
الدار .. أنا حسيت بكل الى وصفه أنا .. أنا .. حاسس إن الذكريات  
بتروح منى أنا بدأت أنسى .. اللعنة الى لعنى بيها كانت أشد من لعنته

لقيته بياخد مذكراتى و تليفونى : " تعرف إنك حرامى .. بتسرق قصص  
الناس و بتأجر بيههم و أنا زيّك هاخذ دي عشان أضمن إن الاتفاق ماشي  
صح و أسرق أنا حياتك .. أهلا بيك في دار المسنين المتواضع ده يا أستاذ  
(صفوت الغندور) .. أما أنا دلوقت (صحفي بريد الرعب) الى أنت  
واخذ فكرته من الكاتب ده الى اسمه ... آه اسمه #أيمن\_العايدي ! "



السلامة

(ثانيا :  
الميكروفيكشن)  
MicroFictions

## ٥- جن عاشق

لم أشعر بقدماي إلا و أنا منساق بهما هارعاً بلهفة المشتاق إلي حيث تقطن الشابة الجميلة التي تسكن في الجهة المقابلة لي بعد أن حنت و أشارت لي أخيراً بالقدوم وقد كنت أراقبها لساعات أشاهدها تكسر مللها بقصاصات من الورق حتي إذا استقبلتني بابتسامة ساحرة تلاها صوتها العذب وهو يأمرني و يدها تمد لي بقصاصة : " أمرك بأن تطير إلي قبر أخي و تخفي في فمه العظمي هذا العمل الخاص بالبنت مديحة بنت الحاج فضل ... حتي تبور ... ولا تري السعادة أبداً في حياتها .. "

سرعان ما اختفت ابتسامتي ناظراً بطرف عيني عبر النافذة لأري من حيث أتيت .. المبني المهجور ..

كيف نسيت هذا ؟!!!! كيف نسيت أني (جنها العاشق)



## ٦- أنا خائفة

لا أدري لماذا كلما انسلت أسفل غطاء سريري لتستحيل الرؤية أشعر به  
يستلقي بجانبني بهدوء قاتل و بأنفاسه الدافئة تقترب حتي يأتيني دوار  
رهيب لا يمكنني من #الصراخ  
وعندما قررت أن أنظر لماهيته لم أجد شيئاً ... !!!!!!!!!!!

## ٧- هلوسة

جلست أنظر و أتحدّث إلي جثة زوجتي ، لكنها لم تعد تبادلني الحديث !

يبدو أن مفعول الدواء قد سري بداخلي .. لذا لابد أن أتوقف عن تناوله  
وها أنا ألمح بياض عينيها بالكامل و ابتسامتها الباهتة لي تعودان من  
جديد .. وهي تحدّثني : وحشتني !

## ٨- قطتي

بعد وجبة غذاء غربية الطعم ، ناديت علي قطتي المفضلة لألعبها فإذا ب(زوجتي) تجري علي أربع باتجاهي ...

ذهلت لهذا التصرف الغريب فسألتها : " ماذا تفعلين ؟!!!"

فردت بكل لطافة وهي تموء كالقطط :

" اللعب معي أنا "

صرخت برعب مبتلعاً ريقى بصعوبة : " أين القطّة!؟ "

فأشارت إلي بطني فأحسست بميل للقيئ وهي تبتسم بشر وتتكوم أسفل مجلسي و تغرس أنيابها في قدمي لتنفصل بالكامل

السلامة

# (ثالثا: سكريبتات راديو و أفلام)

Radio Drama & Short Movies

لأغراض التدريب على كتابة الراديو دراما و الأفلام القصيرة وقابلة  
للتنفيذ

## ٩- سبق خيل

فكرة : أيمن العايدي - محمد باروخا

مسمع ١

صوت ناس وقهوة بلدي قديمة

صوت المذياع لحدث مهم يدل علي قدم زمن الأحداث لبداية  
الخمسينات ...

فيد اوت للصوت وتبدأ المحادثة ما بين شاين ...

سراج: ٢ شاي بحليب يا إبراهيم لو سمحت ... هاه يا سيدي... كنا  
بنقول بقى يا عباس أفندي ...

عباس : كنت بتقولي سراج أفندي ان ده الوقت اني اروح لعزمي باشا  
واعرض عليه ..

سراج : أيووووة و متخافش

عباس : خلاص هفوت عليه بكرة ....

يعود صوت الراديو و تقلب الشاي ...

قطع

## مسمع ٢

صوت سباق الخيل و جمهور ..

بشير : عزمي باشا في واحد افندي منتظر ساعاتك برة

يتجاهله عزمي

بشير مرة أخرى: عزمي باشا

عزمي : استني .... اووووو ... يوووه

صوت جانبي : هارد لك عزمي باشا  
انهاردة كمان... كدة تالت سباق لعنترصح؟؟؟؟.

عزمي بحزن : اظاهر كده ...

يلتفت ل بشير : كنت بتقول ايه يابني !؟

بشير : كنت بقول لسعادتك ففففي واحد افندي منتظر معاليك برة  
بيقول موضوع مهم جدا بخصوص الفرصة

عزمي : طيب ... خليه يجيلي علي المكتب بعد ١٠ دقائق

قطع

### مسمع ٣

عباس : نهارك سعيد ياباشا .. أنا مقدر ان الوقت غير مناسب لكن لولا أهمية المة ضوع بالنسبة لمعاليك أنا مكنتش ازعجتك

عزمي : مم انت قلت ان الموضوع بخصوص لاي ... ايه الأهم من انها خسرت انهاردة في السباق

عباس : فوق ماسياتك تتخيل ... و كلمة خسارة دي مش هتسمع ثاني

عزمي بانتباه : ازاي !؟

عباس : زي مابقول لسعاتك ياباشا كل اللي هطلبه من معاليك تسمحي ادخل الاسطبل دقيقة قبل السباق اللي جاي ...

عزمي : انت اتجننت ياولد معقول انا هخاطر و ادخل حد غريب علي لاي من غير ما أعرف هتعمل ايه !؟

عباس : صدقني ياباشا مش هتخسر حاجة

عزمي : لازم ادخل معاك

عباس : انا نعلوماقي ان لاي متكسبش ٣ سباقات ... اديني الفرصة اصلح الموضوع ده

عزمي : وانت عرفت منين انها مابتكسبش !؟

عباس : لأنني متأكد

عزمي باندھاش وبشك : انت مين اللي بعثك ياولد ..

عباس : محدش ياعزمي باشا وزي ماقولتلك انا جاي اعرض علي سعاتك المساعدة



عزمي : مميم وايه اللي يضمن الكلام الغير منطقي بالمره ده

عباس : مش هتخسر حاجة ياباشا

عزمي : بس زي ما شرطت لازم ادخل مع.....

عباس مقاطها : لا ياباشا ... اعذرني في دي وانا ملك ساعاتك لغاية اخر  
السباق ...

عزمي : خلاص ميعادنا السباق الجاي

عباس : انا ممنون جدا يا عزمي باباشا

قطع

مسمع ء

صوت السباق وال جماهير تهتف

وعباس : مبروك ياباشا ...

عزمي بفرحة : أنا مش قادر اصدق نفسي ... لاكي اخيرا كسبت للمرة  
الثالثة ورا بعض .. وباكتساح امتي بقي تخش ويا عنتر عشان أحس  
بطعم الفوز ... انت عملت ايه يا عباس !

عباس : نقعد ياباشا ونتكلم

عزمي بضحك البشوات : ها ها ها يابشير أوْمرلي السواق يجي  
بالعربية .. تعالي عباس

عباس : انا في خدمتك ياباشا

قطع

مسمع ٥

صوت الكاسات ...

عزمي : عجبك الكونياك ؟!

عباس : عمري ماجدي كان يحلم يمسك الكاس ده أصلا ياباشا ...

عزمي : هاهاهاهها ... قولي ياعباس ... ايه السر بقي ؟!

عباس : كله شئ بتمنه ياباشا ... و يارب هديتي تكون عجبت ساعاتك

عزمي : الي هي ايه ياعباس . . ؟!

عباس بثقة : ال ٣ سباقات الي كسبتهم لاي ... معاليك اظاهر نسيت

عزمي : آااا ، لا هدية معقولة ياعباس ... طيب طلباتك

عباس : ٥٠٠ جنيه ياباشا

عزمي : إيه ، انت باين سكرت ياولد

عباس : ابدأ ياباشا دي الفلوس تفوق اي سكران ...

عزمي : ٥٠٠ جنيه ايه الي انت عاوزهم انت بتبترني ياعباس

عباس : حاشي لله ياباشا ، أنا أقدر دي المقامات محفوظة ..

عزمي : أومال ايه ... ؟!

عباس : ياباشا قلت لساعاتك كل شئ بتمنه انا بيعلك السر الي هيدر

عليك ألافات بعد كده

... وأظن الي معاليك كسبته من السباقات الي فاتت عدي ال ٢٠٠٠

جنيه

عزمي : آه دانت طماع يا ولد ... ممم بس تستاهل ... كلامك مقنع  
عباس : يبقي استبيننا وميعادنا بكرة هجي لسعاتك .. سعيدة ياباشا  
عزمي : سعيدة مبارك

### قطع

#### مسمع ٦

السفرجي سوداني : عباس افندي مستني حضرتك برة ياباشا  
عزمي : قله ينتظرني يا ادريس

### قطع

#### مسمع ٧

عزمي : أهلا يا عباس افندي ... اقعد اقعد  
عباس : اشكرك يا عزمي باشا  
عزمي : جبت السر  
عباس : اتفضل ياباشا  
عزمي : ايه ده .... جاييلي منشة ... انت بتتمهزء بيا يا ولد  
عباس : العفو ياباشا دي اه منشة بس سرها خطير  
عزمي : سر ايه وكلام فارغ ايه ، انت جاي تبيعلي منشة ب ٥٠٠ جنيه

عباس : حلمك عليا بيس ياباشا ... المنشة دي مصنوعة من شعر ديل  
حصان عربي أصيل عمره ماخسر سباق و مقري عليها تعويذة سحرية ...  
تقراها و تخبط كده ...

صوت ٣ خبطات

عباس مكملا : علي ظهر لاي قبل كل سباق و عمرها ماختسره ... بس  
خلي بالك ياباشا ٣ خبطات لايزيدوا ولا ينقصوا ...

عزمي بتلهف : وريني كده ... ممم

عباس : شمها ياباشا ...

عزمي يشم : مممم انت عارف ياولد لو كلامك مش صحيح أنا هعمل  
فيك ايه !؟

عباس : ياباشا صدقني هتشكرني و... المفأجأة انك لو خبطت علي وش  
الحصنة الثانية هيخسروا ... وساعاتها هتضمن فوز لاي

عزمي : ياااه ، المية تكذب الغطاس لما نشوف .. حقا ياولد ياعباس لو  
كسبت السباقات الي جاية ه ...

عباس بثقة مقاطعا : هتكسب ياباشا ... وأنا مش عايز اكرر من الي  
طلبته

عزمي : وادي الي انت طلبته ، عد ياعباس ...

عباس : معقولة ياباشا هعد ورا معاليك ... (في سره) أدي واحد أدي  
اتنين ...

قطع

## مسمع ٨

عزمي متعصبا : ولد يا ادريس دورلي علي عباس افندي وجيهولي حالي ...  
ادريس : هاضر ياباشا

قطع

## مسمع ٩

صوت القهوة ثاني  
وابراهيم ينادي : عباس افنديييي ، في ناس بتسأل عليك ...

قطع

## مسمع ١٠

عزمي : تعالي يا عباس افندي  
عباس : خير ياباشا أنا ادريس قالي اجي لسعاتك مكذبش خبر وجيت  
رهوان ... مال لونك مخطوف كده ليه ياباشا  
عزمي متأثرا : أنا خسرت كل حاجة يا عباس ... لاكي و سييد ماتوا في  
السباق  
عباس : لاكي و سييد !؟



عزمي : قولي الحل وسيني اقدرلك مش يمكن ازودهوملك ..

عباس : حيث كده بقي ياباشا هقولك الحل ... الفلوس دي مش ليا ..  
دي تمن المنشة الثانية الي أنا قبضته بالفعل .. المنشة الي كان سر فوز  
عنتر

عزمي مصدوما : إيه ... أنت تقصد إن حكمت معاه نفس السر بتاعي؟!  
مستحيل!؟

عباس : و مستحيل ليه؟! سيني اتفاهم وياها

عزمي : يعباس انت مش فاهم دي طليقتي

عباس : حيث كده نشوفها عايزة ايه ! .. ونديهولها ...

عزمي : عمرها ماهتوافق

عباس : خليني أحاول ... انها تجيلك

قطع

مسمع ١١

عزمي : يعني ايه ياحكمت انتي بتستغلي الموقف؟!

حكمت : أنت ضيعتني زمان بسبب القمار ... ودلوقتي انت خسرت كل  
ثروتك بسببه برضه وأظن ده حقي ...

عزمي : يعني حقاك إني اكتبلك سراية جدي ... تمن لمنشة

حكمت : و دي مش أي مَنَشَة أعتقد إنك جربت سرها قبل كدة، مش

كدة يا عباس أفندي

عباس : والله يا هانم الباشا كسب كثير من ورا المنشة دي واعتق سابق معرفتكم وعشرتكم احتمال تحن قلبك عليه !

حكمت : وهو قلبه ما حنش عليا ليه زمان وهو بيعني بالساهل عشان خاطر السباقات اللي كان بيراهن فيها؟؟ مش هتأزل عن إني أخذ مبايعة منه للسرايا دي وإلا مش هيشوف المنشة دي خالص

عزمي : متقلبيش في الدفاتر القديمة يا حكمت أنا انكسرت ...

عباس : لعاش ولا كان اللي يكسرك ياباشا ، يبقى توافق و تمضي علي المبايعة وكل حاجة هترجع أحسن من الأول دي فترة مؤقتة

حكمت : وده اقل ضمان لحقي ... علشان عارفك يا عزمي ... طمااااع (بازدراء)...

عزمي وصوت ورقة وإمضاء : للأسف ماقداميش حل ثاني ...

عباس : ختمك ياباشا بعد اذنك

تسحب حكمت الورقة وتضحك ( ضحك هوانم الخمسيانت ) (ضحكة نبيلة عبيد لو أمكن): أنا ممنونة ليك يا عزمي ده أقل تعويض عن كل اللي خسرتة معاك و اللي انت عملته فيا زمان هاماهاهاها.

عزمي : تقصدي ايه فين المنشة !؟

حكمت : منشة ايه ياراجل يامجنون ... انت بتصدق في الخرافات دي

عزمي : ايه

حكمت : هو معقولة فيه حته منشة متجيبش ١٠ مليم تكسبك الفلوس



دي كلها؟؟ ده كلام فارغ !

عزمي : فيه ايه يا عباس أفندي ، انت التزمت !؟

حكمت : أه بالحق.... نسيت أعرفك يا عزمي.... ده عباس باشا أخويا الصغير كان في بعثة لفرنسا ... ولما رجع وعرف اللي إنت عملته قرر يجيلي حقي ...

عباس : أنت عارف يا عزمي باشا يعني ايه تقعد شهر كامل في حي شعبي ... الموضوع برمته منشط اديته بزيادة للاكي و لما عرفت انك اشتريت سييد زودت جرعة المنشط ليهم هما الاثنين عشان يموتوا في السباق خاصة لما عرفت انك مراهن عليهم بكل ثروتك ....

عزمي : إيه ....

عباس : والمفاجأة عزيزة اللي كسبت السبق ده تبقي الفرصة بتاعتي ....

عزمي : أنا حاسس إن أنا في كابوس معقولة ...

حكمت (بحزم وحسم): ودلوقتي اتفضل اطلع بره السرايا بتاعتي...

قطع

مسمع ١٢

صوت أقدام تدخل القصر و يحضر أحد للداخل بصوت حاسم : نهاركم سعيد

عزمي : انت مين وازاي دخلت هنا !؟ يا اديريس !؟

الشخص : حلمك عليا بس يا باشا ، أنا الصاغ علي ... وجاي اعمل جرد

وحصر لممتلكات سعادتك علشان أنفذ الحجز عليها  
عباس : من الواضح إن في سوء فهم .. عزمي باشا كان معادش يملك أي  
شئ في القصر هنا هو هيلم حاجته و ماشي حالا  
الضابط : من الواضح إن سوء الفهم عن حضرتك كمان ...  
افتح الراديو سعادتك  
صوت خبر الجلاء و الحجز علي ممتلكات الباشوات و سراياهم ...  
صوت ضحك هيسستيري ... لعزمي

قطع

تمت بحمد الله

سبق خيل

السلامة

فيلم :

## ١٠- تحت السرير

مشهد ١

ليل - داخلي

غرفة نوم عتيقة

نري الحجرة ذات إضاءة خافتة و نراها عتيقة و مخيفة و بها رجل في الثلاثينات من عمره و يدعي (عادل) يرتدي بدلة قديمة بكرافات كبير من الموضة القديمة ينفث سيجارة ونراه متعرقا وهو ينظر بتردد لفتاة (ابنته وتدعي خلود) و نري خلود ترتدي فستان أبيض و نفهم أن زمن الفيلم في الثمانينات ..

نري خلود تقف من الناحية اليمني للسرير ..

نري السرير مفروش بملاء بيضاء عليها طلاسـم سحرية خـطت في الوسط ونري من ناحية خلود مكتوب (دخول) و من الناحية الأخرى كتب (خروج) ..

نري عادل ينظر لها ليشجعها و نري خلود وهى تنحني لتدخل تحت السرير و عادل ما بين القلق و التشجع

حتى إذا دخلت نسمع صوت غريب و مخيف و تتذبذب إضاءة المكان و الأباجورات من يمين السرير فقط من ناحية الدخول

ثم يعم الصمت

عادل :

خلود ... خلووود

تسقط السيجارة من فمه لإحساسه بالقلق و يبحث من الناحية الأخرى  
للسرير ثم ينزل لأسفل فنري السرير فارغا و خلود اختفت  
نري علامات الفزع على عادل الذي هم ليمسك بصورة كانت على  
التسريحة و نراها لولد وعليها قطرة من الدماء التي كتب بها الطلسم  
ولا نفهم شيئا

عادل (بقلق) :

وبعدين ... أنا عملت كل  
حاجة صح ...

نري عادل يسرح متذكرا لقائه مع الساحر الذي أطلعه على كل ما يحدث

ص. الساحر :

إيه اللى أخرك .. ؟

نذهب إلى الفلاش باك القادم

قطع

### مكان ما

ونري المكان مهجور و نري عادل بذات البدلة أمام رجل غامض يستند  
على سيارة عادل و ملامحه مخيفه وهو يجيبه على السؤال بينما يطالع  
خلود ابنته وهى تلعب بدميتها داخل السيارة

عادل :

معلش الطريق طويل

الساحر (يبتسم ببرود) :

أنت خايف صح ؟

عادل (بقلق) :

بيقولوا كل سحر وله ثمن

بعده ؟!

يبقي لازم أخاف

الساحر :

لأ أنت هتدفعه قبل مش بعد

خد الأول

نري الساحر يرفع حقيبة كان يضعها على السيارة و يخرج منها ورقة

عتيقة مرسوم عليها نفس الطلسم الذي رسم على السرير .. ويخرج  
فرشاة رسم عتيقة ويمد يده بها ونري على مرمي البصر خلود وهى  
مازالت منشغلة بدميتها

عادل :

إيه دول ؟

الساحر :

عملك اللى طلبته منى !

عادل يمد يده ليتناولهما لكن الساحر يسحب يده

الساحر :

إيدك على الحساب الأول و

هفهمك كل حاجة

يضع عادل يده في جيب البدلة ويخرج لفة بها نقود ونري الساحر  
يتناولها و ويتسم ويناوله الأدوات بأريحية شديدة و على وجهه ظهرت  
ابتسامه خفيفة

الساحر :

بص هتعمل اللى بقولك عليه

بالحرف

قطع

## غرفة النوم / المكان المهجور

فوتو مونتاج - مشاهد متقطعة ما بين مايفعله عادل و بين حواره مع  
الساحر

ص . الساحر :  
هتجيب ملاية بيضا ..

عادل يفتح دولا ب الغرفة ويتناول ملاءة بيضاء من بين الملاءات

ص . الساحر :  
وتشف بدمك الطلسم ده بالملى

عادل (بفزع) :  
دمي !؟

الساحر :  
مبتعرفش تعور نفسك ؟

عادل يقطع يده وهو يرتعش - يربطها بشاش - يرسم الطلسم على  
الملاءة وبفه سيجارة يشربها  
(نلاحظ سقوط بعض الطفي على الملاءة)



ص. الساحر :  
و تفرش الملاية على أي حاجة ليها  
مدخل و مخرج

عادل :  
زي إيه ؟

نري عادل يفرش الملاية على السرير و يفردها بعناية بينما ينظر لخلود  
التي تلعب بدميتها و تغني ولا تهتم لما يفعله ويبدو أنه يتعرق

ص. الساحر :  
أي مكان .. أوضة .. زحليقة ..  
تحت السرير .. المهم اللى بيحصل  
جوة متشوفوش العين

الساحر (ينبهه بقوة) :  
حتى أنت !!!

- يومئ له عادل ..

الساحر :  
و الأهم بقي عشان سحرك يكمل

- عادل ينتبه

الساحر :  
تكون محضر الصورة الى هتقلب  
عليها بنتك

- نري (مشهد ١) وعادل ينظر لصورة الولد الوسيم

ص. الساحر :  
و تنقط عليها نقطة من دمك

قطع

ليل - داخلي

مشهد ٤

غرفة النوم

عودة من الفلاش باك

نراه يقترب من مكان الدخول .. وهو يتحدث إلى نفسه  
عادل :

حتى و أنا بأقلبك لولد قارفاني ..

يارب ولد بقي ..

أنا طول عمري مبحش خلفه

البنات دي

فجأة يقطعه ذبذة الأباجورة من ناحية الخروج و يعود الصوت المرعب  
و نري (طفل) يخرج من الناحية الأخرى من ظهره فيرتفع عادل لينظر  
ويبتلع ريقه ..

عادل :

خ..خ... لود !!!

تلتفت له البنت ونراها بنت مختلفة ليست خلود ولكنها تتصرف مثلها

خلود :

أيوه يا بابا .. أنت كنت فين !؟

تبدو الصدمة على عادل فيصمت بينما تكمل خلود بشكلها الثاني

خلود :

رحت مكان ضلّمة و فجأة الدنيا

نورت تاني ولقيت نفسي هنا

لكن عادل لم يستسلم ..

عادل :

طيب ممكن تدخلني تاني

يا حبييتي !

تنفذ ابنته بلا نقاش فهي على ثقة منه ولا تدري ماذا يخطط .. عادل

يتحسس دبرة الزواج بتوتر

عادل لنفسه :

يارب ولد .. يارب ولد

ينظر إلى صورة الولد ثانية وهو يضعها بجانب أدوات السحر (الطلسم وفرشاة الدم )

ثم يجلس ويشعل سيجارة وهو ينظر لساعته (نراها ساعة موديل قديم) بينما تزحف خلود مرة أخرى و يتكرر الوضع وعادل يحسب الوقت .. ثم تتكرر الذبذبة و الصوت المرعب ونري بسمه أمل على عادل تختفي بمجرد أن يعم الصمت .. صمت رهيب بالمكان ونري قلق أكبر على عادل وهو يتذكر تحذير الساحر

ص. الساحر :

الطلسم ده بيستخدم مرة واحدة  
بس .. إوعى تكرر

يبتلع عادل ريقه في خوف

قطع

ليل - داخلي

مشهد ٥

غرفة النوم

فوتومونتاج

نري عادل في حالة من الغضب ونراه يكرر مابداه

ملء بيضاء جديدة

السيجارة في فمه

الكرافته مخلوعة قليلا

يرسم الطلسم

يفرش الملاء الجديدة يلتقط الصورة و يرسم دائرة بتوتر واضح تأكيدا

على إرادته لابنته بالتحول إلى هذا الولد ثم يضعها مرة أخرى ينتظر من  
ناحية الخروج عودة ابنته

نري الوقت يمر

عادل يشيط و يطرق على المنضدة من الغضب

يجلس في ركن وهو يبكي وينظر لصورة الولد ويبدو أن ابنته ضاعت منه  
ثمنا للسحر وتحذير الساحر يتكرر في ذهنه ويبدو أنه بدأ ينهار

ص. الساحر :

الطلسم ده بيستخدم مرة واحدة

بس .. إوعى تكرره

النتيجة مش هتعجبك

عادل ينهار :

إيه اللي أنا عملته فيكي ده يا

بنتي .. ضيعتك منى ..

خلوود .. رحتي فين يا حبيبتي ؟..

(بيكي) أرجوكي أرجعيلي !

يرفع يده للسماء

عادل (بندم) :

أنا غلطان ... أنا عارف إني استاهل

الموت عشان ورفضت نعمتك بس

متحرمينش منها

يارب رجعها لي تاني أنا مش عاوز

ولد خلاص .. أنا اللي استاهل

مش هي..  
(يشير للسريـر) خلود ملهاش ذنب

نراه في حالة هيسـتيريا غير مصدقا لما حدث نراه يقف وهو يتفقد تحت السريـر

نراه ينظر إلى فتحة الدخول و ينحنى إلى داخلها ليتفقدـها وهو منها را  
يمد يده وهو ينظر لأسفل يتحسس الفراغ أسفل السريـر  
نسمع من بعيد من ناحية الخروج صوت مرعب يخوج ونري خلود  
تخرج من ناحية فتحة الخروج بشكلها الطبيعي  
نري انشغال عادل بتفقد الأمر ولا يشعر بعودتها ولكنه يتنبه أخيرا  
لعودتها فيبتسم فرحا

فجأة يجذب عادل شيء خفي بقوة و نري عادل يصرخ و خلود تنتظر ولا  
تري شيئا و نراها تمسك بالدمية و نسمع فجأة الصوت المرعب و نري من  
فتحة الخروج بدلة عادل (بلا عادل) تخرج فارغة لكن هناك الطفل  
الذي بالصورة يتحرك داخلها و تبدو البدلة كبيرة عليه  
تننبه له خلود ثم تتجه له فنري هذا الطفل ينظر لها بتعجب وهي  
تقف أمامه

خلود :  
أنت اسمك إيه ؟

الطفل ببراءة:  
اسمي عادل

خلود :

أنا مليش أخوات ألعب معاهم  
ودايما بالعب لوحدي  
ممکن تبقي أخويا ؟

يومئ لها عادل فتمد يدها له وهي مبتسمة ليمسك يدها هو الآخر

خلود :

طب تعالى أفرجك على لعبي و  
أجيبك لبس تلبسه

نري خلود وعادل الذي أصبح صغيرا وقد كسبته كأخ لها أما هوفقد  
نال جزائه وهو يسير معها تاركين الغرفة ونري ساعة عادل التي بدت  
كبيرة عليه متروكة محلها ثم يخلق نور الحجرة  
قطع

تمت بحمد الله

تحت السرير

السلامة



فيلم :

## ١١- البيانولا

مشهد ١ تقديمي

ليل / خارجي

الكورنيش / امتداد الطريق

نستمع ونري خطوات لفتاة تدعي لاميس وهى مسرعة ونلاحظ أنها ترتدي من أسفل حذاء رياضي و أنها ترتيض

مزج / دمج

مشهد ٢ تقديمي + أفان تتر

ليل / خارجي

الكورنيش / امتداد الطريق

نري نصف لميس العلوي ونلاحظ أنها فتاة جميلة ترتدي زي رياضي و تضع سماعات الأذن و تمسك بالموبايل في يديها و قد تعرقت بعض الشئ

مزج

مشهد ٣

ليل / خارجي

الكورنيش

كادر ثابت و لاميس تجري من اليسار إلى يمين الكادر و اسم الفيلم يظهر حتى تظلم الشاشة باسم الفيلم ...

قطع

### امتداد الطريق

نصف لاميس العلوي و هى تجري ويبدو أنها تعبت و تعرقت أكثر و  
يرن هاتفها فتتخذها فرصة و تتوقف و تميل بنصفها العلوي ممسكة  
بركبتها

(يوم ٣٠ أغسطس - عيد الرعب)

لتأخذ نفسها ثم ترد

لاميس (وهى تنهج

قليلا) :

ألو

الصديقة (بقلق) :

أيوة يابنتى أنتى

ما بتدريش ليه ؟!

تتمشي لاميس حتى تخرج من الكادر

صوت لاميس :

معلش كنت

بأجري ..

صوت صديقتها

(متعجبة) :

بتجري ؟!

دمج

### الشارع

تتمشي لاميس وهى تستمع إلى صديقتها عبر الهاتف و تدخل الشارع ..

صديقتها

(باستهزاء) :

من امتى ده !؟

لاميس (تضحك) :

من انهاردة ..

صديقتها :

قصدك من يوم

ماماتك سافرت

لاميس :

خليكي فى حالك

صديقتها :

طيب مش هشوفك

بكرة !؟

لاميس :

بكرة شغال

صديقتها :  
خلاص تمام متنسيش  
طلبي بقى

لاميس :  
عيب والله ماناسية

صديقتها :  
ماشي يا حبيبتى خلى  
بالك من نفسك ..  
سلام

مزج

ليل / خارجي

مشهد ٦

الشارع  
تلقى لاميس التحية على صديقتها وهى تغلق الهاتف

لاميس :  
سلام

ثم تتحرك إلى يمين الشاشة و يتضح ظهور الرجل الغامض من خلفها  
يستند على عصا

مزج

## مشهد ٧

ليل / خارجي

### الشارع

تمتد قدم الرجل بحذاء سيفتي أسود و ترتفع الكاميرا حتى يديه التي ترتدي قفاز جلد أسود ليخرج شيئاً ما لم يظهر بعد  
مزج

## مشهد ٨

ليل / خارجي

### الشارع

من خلفه وعلى مسار النظر نري لاميس من ظهرها وقد رفع الشئ ليتضح أنها ميدالية مفاتيح فيهزها كالجرس لينبها  
تلفتت له لاميس  
مزج

## مشهد ٩

ليل / خارجي

### الشارع

عندما الفتت له لاميس بتلقائية تفتش في جيبها فيتضح أنها مفاتيحها فتبتسم وتتوجه ناحية الرجل  
لاميس :  
متشكرة دول وقعوا  
منى

تمد يدها ولكن بسمتها تتغير إلى نوع من الخوف إذت يتضح أن الرجل يرتدي قناع مخيف و بالطوا من الجلد أسود اللون وهو يرتفع بيده بالمفاتيح ولاميس قصيرة عنه

مزج

مشهد ١٠

ليل / خارجي

الشارع

نري يد لاميس وهى ترتفع ببطء وحذر و يد الرجل تهبط ببطء  
مريب حتى يضع المفتاح على يد لاميس  
لاميس (بقلق) :  
ششش.. شكرا

تلفت و تسير فى طريقها بقلق من عدم تحدث الرجل وغموضه

مزج

مشهد ١١

ليل / خارجي

الشارع

تكرار مشهد ٧ بطريقة مختلفة و أقوى لينبهها أنه يمتلك المفتاح مرة  
أخري و أنه تلاعب بها

مزج

مشهد ١٢

ليل / خارجي

الشارع

تتضح أمارات التعجب على لاميس فقد اختفت المفاتيح من جيبها أو  
من يديها و ذهبت إلى يد الرجل مرة أخرى  
لكنها تلف منفعله له عائدة له  
لاميس (تتحدث

بشجاعة لتخفي  
خوفها) :  
لأ حضرتك بتهزر  
بقي ... ممكن تديني  
المفتاح

تمد لاميس يدها

مزج

ليل / خارجي

مشهد ١٣

الشارع

تمتد يدها وهي تنظر له و الرجل وجهه ثابت و ينزل ببطء مثل (مشهد ٩) ولكن عند قرب تناولها للمفتاح يرتفع فجأة به و يشير لها باصبعه بعلامة النفي و لكن بشرط واحد نلاحظ أن لاميس تتعجب و يزداد قلقها ..

مزج

ليل / خارجي

مشهد ١٤

الشارع

يشير الرجل بطريقة تقديمية ليريها ماخلفه (بيانولا) وهو يلف من خلفها ويتحسسها كأنه يحبها و يشير لها على أنه لتسمع ... تقف لاميس وهي تتوجس خيفة من تصرفاته و تجاريه لكي تتناول المفتاح وتسير في سلام بنظرات تحدي و شجاعة تخفي الخوف يمسك الرجل بالكرنك ساتندا العصا بعيدا و يبدأ في هز المفاتيح كأنها رق ثم يبدأ في تدوير البيانولا لتظهر موسيقي مرعبة ولاميس تنظر له في

انتظار أن ينتهى و المجهول  
يتوقف الرجل مشيرا لها بأنه انتهى و منتظر التحية منها وهو ينظر  
لأسفل  
تتوقف لاميس عن ابداء الرأي فتتنزع المفاتيح منه و تسير بعيدا عنه في  
طريقها كنوع من العناد

مزج

ليل / خارجي

مشهد ١٥

الشارع

يرتفع الرجل وعيناه على الأرض كأنه ينظر بعار أو استعدادا لموجة من  
الغضب لرد فعل لاميس وهى تبتعد عنه

مزج

ليل / داخلي

مشهد ١٦

الشارع

تسير لاميس فى اتجاهها لتتوقف من الفزع إذ تجد الرجل قد ظهر أمامها  
فجأة و أخرج سكيناً كبيراً فى مواجهتها  
تصرخ لاميس من المفاجأتين (ظهور الرجل و السكين) وتسقط على  
الأرض و يسقط منها هاتفها المحمول  
تحاول أن تلتقطه ولكن الرجل يدس السكين فى يديها ويخرجه فتصرخ  
لاميس من الألم و الفزع ناظرة إلى يديها وهى ترتعد بقوة

مزج



مشهد ١٧

ليل / خارجي

الشارع

مشهد ليدها و هى مطعونة و تنزف دما ... و الرجل يقترب منها فى  
الخلفية وقد مال ناحيتها على الأرض  
مزج

مشهد ١٨

ليل / خارجي

الشارع

تمتد يده تاركة العصا لتتحسس خدها ولا ميس ترتعد و تبكي من الخوف  
لاميس :  
أنت عايز منى  
إيه .. عايز منى  
إيه !!!!!?  
مزج

مشهد ١٩

ليل / خارجي

الشارع

مشهد لكاميرا مراقبة مثبتة قريبا منهما من أعلى و موجهة عليهما تصور  
ما يحدث  
مزج

مشهد ٢٠

ليل / خارجي

الشارع

نلاحظ أن الكاميرا من أعلى تصور ما يحدث ولكن لاميس تظهر وحيدة  
على الأرض بجانب هاتفها و هى ترتعد ولا وجود للرجل  
مزج

## الشارع

نعود لـ (مشهد ١٧) والرجل يظهر في الحقيقة و يتحسس خدها

لاميس تكرر بطريقة

غير مفهومة بسبب

البكاء :

عايز منى

إيه...عاوزمنـ

وفجأة يرن هاتفها فينتبه الرجل للهاتف

إذ تتخذ لاميس فرصتها للهرب

نلاحظ نفس رد فعل الرجل النظر للأرض في برود استعدادا لموجة من

الغضب لمحاولة هروب لاميس (مشهد ١٤)

مزج

## الشارع

ينهض الرجل و الكاميرا من أسفله دليل على شموخه وهو يرتفع

بالسكين العصا في يده الأخرى

قطع

## ميدان / شارع واسع

لاميس تظهر في الكادر وهى تبكي من الخوف و نلاحظ أن عليها نظرات من الحيرة تلتف الكاميرا حولها وهى تدور باحثة عن مخرج في عكس اتجاه الكاميرا إلى أن يعود الوضع كما كان فتهرع لتخرج من الكادر

مزج

## الشقة

تدخل لاميس و تنير النور و تغلق الشقة بعدها و هى تبكي من الصدمة و الألم و تتجه إلى دورة المياه لتغسل يديها من النزيف

مزج

## دورة المياه

تفتح مفتاح النور و تبدأ فى التغسل فى يديها والدم ينزل فى الحوض و تميل بنصف جسدها لتغسل وجهها باليد الغير مجروحة ثم تتناول الفوطة لتفها على يديها و ترتفع لأعلى أمام المرآة لتجد الرجل يقف خلفها ممكسا بالعصا ويده فى داخل البالطوا  
فتنظر لاميس خلفها بفرع

قطع

## دورة المياه

يد الرجل ترتفع بالسكين و تهبط على لاميس  
تذهب الكاميرا إلى المرآة و تنبثق عليها دماء غزيرة

## قطع

## داخل صالون سيارة ملاكي

تقترب السيارة كما هو واضح بخطيب لاميس (ضابط شرطة) إلى مكان  
البيانولا وتقف في مواجهته  
يوقف السائق السيارة و يرفع الهاند بريك وهو يتحدث عبر الهاتف

خطيب لاميس :

هشوف أهو ده

آخر مكان الكاميرا

صورتها فيه ربنا

يستر .. هتوصيني

على خطيبتى يا

طنط .. ماثقلقيش

## مزج

الشارع / داخل السيارة

يترجل خطيب لاميس من السيارة و يتوجه ناحية الرجل الغامض الذي  
يميل بجسده للأمام ولا تظهر رأسه ونلاحظ وجود مسدس في وسط  
خطيب لاميس  
حتى اذا اقترب ببطء

خطيب لاميس :  
لو سمحت

يعتدل الرجل الغامض فنلاحظ ظهوره بشكله الحقيقي وويلتفت له  
فنلاحظ أنه ذو ملامح شبابية و خبيثة يرتدي نظارة  
الرجل :  
أيوة

يمد خطيب لاميس يده بصورة ٦ × ٩ للاميس  
خطيب لاميس :  
مشوفتش صاحبة  
الصورة دى قبل  
كده ...

يتناولها منه الشاب وينظر له نافيا برأسه و عليه نظرات خبيثة  
الشاب :  
لأ مشوفتهاش قبل  
كده

يومئ له خطيب لاميس بعدم اقتناع وريية ... وهو يأخذ الصورة مرة أخرى فيلاحظ وجود خاتم لميس على يديه يرتديه وهو يرتديه ينظر له ويلتفت للوراء وهو يفكر ماذا يفعل ...  
في نفس اللحظة وفي الخلفية ، يميل الشاب للأمام و يرتدي القناع ..  
في نفس اللحظة يرفع خطيب لاميس مسدسه في مواجهة الشاب الذي رفع سكينه الضخم

خطيب لميس  
(يصيح) :  
طب تقدر تقولى  
أنت لابس الخاتم  
بتاعها ليه ؟  
مزج

ليل / خارجي

مشهد ٢٩

الشارع

ترتفع الكاميرا ناحية ظلهم على الحائط ... ونلاحظ ظل الرجل يقترب من خطيب لاميس

خطيب لاميس  
(يصيح) :  
أى حركة هضربك

ونستدل من الظلال أن الرجل لم يستجيب إذ أن خطيب لاميس لم يتردد وقد بدأ هجومه بطلقتين في صدر الرجل

ولكن الرجل رجع خطوتين للوراء ناظرا ببرود لأسفل ناحية الإصابة التي لم تؤثر فيه  
وسرعان ما يهجم على خطيب لميس بالسكين  
و( تتناثر الدماء على الحائط ) .. وسط صراخ واستغاثة و حشجة موت  
خطيب لاميس

قطع

البيانولا + تتر النهاية

ليل / خارجي

مشهد ٣٠ (إضافي)

الشارع

يرتفع المفروش من أمام العدسة ونلاحظ وجود دماء متناثرة على زجاج العدسة وهناك وجه الرجل يرتدي القطاع و يمسح الدماء من العدسة ثم يخلع القناع و يبتسم ابتسامة خبيثة جدا ...

قطع

تمت بحمد الله

البيانولا

السلامة



فيلم :

## ١٢- شيك يور انبوكس

" عن قصة حوار مع مسن "

مشهد ١

نهار - خارجي

سطوح - غرفة

حازم

نري الغرفة الخاصة بحازم من الخارج وتقترب الكاميرا إليها .. ثم نسمع  
ضغوطات على التليفون تبين اتصال هاتفي ...  
قطع

مشهد ٢

نهار - داخلي

غرفة

حازم

نري يد حازم وهي ترتفع بالهاتف على أذنه دون أن نري ماهيته ونسمع  
رنة التليفون ...

نري بعض الإنسرتات من الحجرة (عرائس - الكنبه - اللوح ... إلخ )  
ومازال الرن يرن حتى نسمع إتصال لشخص يرد بتناكة وهو العميل

الذي كلف حازم بالتصميم ويدعي أيمن وهو من يديره  
نري حازم من الخلف و أمامه لاب توب مفتوحا عليه أحد برامج  
التصميم لنفسهم أنه يعمل مصمم

ص. حازم :  
مستر أيمن !?

العميل :  
أيوة يا حازم

نري حركات توتر من حازم يسمك بالقلم يدق به على المكتب وهو  
يتحدث

ص. حازم :  
ياتري رأي حضرتك إيه في  
التصميم اللى بعته !?

مستر أيمن :  
لأ معجبنيش يا حازم ..

نري حازم وهو شاب انطوائي يرتدي منظارا طبيا يعدله بيده وهو  
ممسكا بالقلم وعليه أثر الضيق واضحا

حازم :

إيه !! ... طب أنا ممكن أعيد  
التصميم تاني لو حضرتك تسناني  
بس ..

مستر أيمن :

حازم لو سمحت أنا ورايا شغل  
مش فاضي للجوده .. أنا طلبت  
منك تصميم للموديل تعمله وهو  
عجوز و الخلفية صورة الكومباوند  
عشان نحس إنه هيفضل عايش  
فيه طول عمره بس أنت خدت  
فرصتك ووقت أكثر من اللازم و  
التصميم مش حلو .. حازم اشتغل  
على نفسك أكثر و ربنا يكرمك ..

سلام

يغلق أيمن في وجه حازم الذي يصدم من هذه القفلة فيرمي القلم

بغضب وهو في ذهول ثم يخلع نظارته و يمسح مكان عينيه التي بانت حمرة و يبدو أن الموضوع قد أهانه و ضرب كرامته ثم يعود للنظر إلى البروجيكت أمامه ، ثم نراه يحرك الفأرة ليفتح مشروعا جديدا ثم يتوقف .. مفكرا .. ثم يغلق المشروع ونراه يفتح المتصفح ... ويبحث :

(مصممين الدارك ويب)

ينتظر النتائج يخلع وصلة الفأرة ثم يرجع ليجلس على الأريكة واللاب على قدميه مربعا قدميه ..

نري على الشاشة وهو يفتح شات .. ونلاحظ أن صورته على شكل جمجمة

ش. حازم :

مساء الخير .. ده موقع تصميم  
إيه بالضبط ؟!

ش. المصمم :

أي حاجة أنت عاوزها

ش. حازم (يبتسم) :

حلو .. طب المقابل ؟ وبتاخذ

وقت قد إيه !

ش. المصمم :

أول مرة علينا .. والوقت  
المستغرق نص ساعة

ش. حازم (يتعجب) :

اتفقنا .. هابعتلك التصميم  
المطلوب و التفاصيل و كل  
الداقا ..

ش. المصمم :

اتفقنا و خد الرقم عشان تتعامل  
معايا بشكل شخصي

نراه يفتح موبايله ثم ويسجل الرقم ..

فيد أوت

## غرفة حازم

بعد مرور نص ساعة

نري حازم قد وضع اللاب محله وقد أراح جسده على الأريكة .. وتأتية رساله على هاتفه (check ur inbox)

ينتفض من مكانه ثم يفتح اللاب فنري السعادة على وجهه و الإنبهار ونراه يرسل التصميم (يتعمل دون أن نفهم) ثم يتصل بمستر أيمن

أيمن :

أيوه كده ياعم كانت فين الدماغ  
دي .. هو لازم يعنى نسمعك  
كلمتين عشان تشتغل بالحلاوة  
دي ! .. لأ وكمان عامل اللوجو  
بتاعك عليها

حازم بيتسم بسعادة وفخر :

كنت عاوز أقول لحضرتك على  
التصميم بس حضرتك مديتليش  
فرصة وقفلت

أيمن :

كنت مشغول يا عم حازم ورايا  
ميت حوار .. يلا بكرة تعدي عليا  
فلوسك بكرة و استني مني أورد  
تصميم تاني لإعلان جيم ..

حازم :

أنا مع حضرتك في أي حاجة

يغلق حازم المكاملة و نراه سعيدا ويتراقص

قطع

نهار - داخلي

مشهد ٤

مكتب

أيمن

نري فلوس توضع المكتب و يد حازم تتسلمها ونراها بملابس خروج  
مهلهلة

أيمن :

عد يا حازم وتسلم إيدك

حازم :

معقولة هأعد ورا حضرتك يا  
مستر أيمن !?

أيمن :

حبيبي .. بص بقي دلوقت فيه  
مشكلة في التصميم اللى جاي إننا  
محتاجينه بأسرع وقت و لازم  
نلاقي موديل !

حازم :

وماله الموديل اللى عملته  
التصميم اللى فات

أيمن ينظر بأسى .. ثم يقترب و يجلس أمامه



أيمن :

للأسف الموديل اتوفى الصبح أزمة  
قلبية و التفاصيل مش معروفة  
نقول إيه بقي العين تفلق الحجر  
و تصميمك جابله الكفاية اتحسد  
بزيادة

حازم يبدو عليه الصدمة

أيمن :

متبصليش كدة أنت ملكش  
ذنب ... للأسف الشغل شغل و  
إحنا محتاجين موديل مكانه و  
نعمل عليه تصميم وش عجوز  
ونقول إن الجيم ده (يعطيه  
الكارت) بيحافظ على صحتك و  
بيهتم بيها مهما كبر بيك الزمن  
عشان كدة محتاج موديل يكون  
عنده فيتنس كدة و جسمه  
جيماوي .. أقدر اعتمد عليك  
(ينظر بخبث) ولا هتقصر  
رقبتي !؟

حازم :  
لأ بإذن الله هاتصرف ..

أيمن يقوم ويربت على حازم

أيمن :  
حبيبي يا حازم أنا قلت إنك قدها  
وقدود وكله بتمنه تصوير و  
تصميم .. يلا اتفضل شوف شغلك  
يابطل

حازم يبتسم له بخجل ثم يذهب بينما نري نظرات اشمئزاز على وجه  
أيمن

أيمن :  
أما عيل غريب جدا

قطع

## غرفة حازم أو باب

## الشقة

نري حازم يدخل بملابس الخروج ثم يجلس و يخرج نقوده ويقوم  
بعدها بسعاده وهو يضعها في مكان ما بينما يبدو أنه يتذكر المشهد  
السابق كصوت ثم يبدأ في التحدث عبر الشات مع مصمم الدارك ويب .

ش . حازم :

مساء الخير

لا إجابة ... حازم يصاب بالقلق

ش. حازم :

مساء الخير .. ألو

؟!

ش. المصمم :

عجبهم التصميم ؟!

حازم يعود له الأمل من جديد

ش. حازم :

أوي .. وكنت عاوز أبعثك  
حسابك !

ش. المصمم :

أنا قتلتك أول مرة علينا !

ش. حازم :

أنتم مبي... (يتوقف ثم يمسخ  
الرسالة)

فيه تصميم محتاجينه مني تاني !

ش. المصمم :

ابعت !

ش. حازم :

حاضر أول مايكون متاح ليا  
التفاصيل هابعتها

المصمم ... offline وحازم يتعجب مفكرا

فجأة يطرق الباب لبفزع حازم ويقوم حازم لفتحه فنجد شاب يدعي  
حسين يقترب سنا منه وهو صديق لحازم ويبدو أنه هو الموديل الذي  
سيقام عليه التصميم من جسمه

حسين :

إيه ياعم مصلحة إيه بقي الى  
بتقولى عليها ؟

حازم :

أدخل و هافهمك !  
قطع

ليل - داخلي

مشهد ٦

غرفة حازم

حسين يجلس على الأريكة ثم يجلس حازم أمامه يتفحص حسين الحجرة

حسين :

فهمنى ياسيدي

حازم :

طالبين مني تصميم بأسرع وقت  
و عاوزين واحد في جسمك أصوره  
و أعمل عليه تصميم عشان إعلان  
جيم

حسين يومئ له كأنه يفكر ثم ينظر للحجرة حوله باستياء و حازم يظن  
أنه يرفض فيحزن

حسين :

هي دي حياتك بقي و أوضتك  
الى هربت ليها وبعدت فيها عن  
الشلة

حازم :

أكل العيش مش هنفضل نقضي  
حياتنا هلس يا صاحبي !

حسين :

بمناسبة العيش بقي هتأكلنى كام

رغيف من المصلحة دي؟!

حازم يعود له الأمل :

يعنى موافق ؟

حسين بإصرار :

المقابل؟!

حازم كأنه قرر للتور

حازم :

١٠

حسين :

لأ يا حبيبي أنا عارف إن  
التصميمات دي بتاخد فيها شيء و  
شويات ..

ينهض فيمسكه حازم ليجلسه

حازم :

١٥ % و متزودش أنا باثبت نفسي  
في السوق و الفلوس اللى بتيجي  
مش كتير

نري حسين ينظر للغرفة مرة أخرى كأنه يقارن حديثه بالحقيقة بينما  
حازم يلتفت للنقود فيخاف أن يراها حسين فيخفيها في جيبه بينما  
حسين يقف ليفحص اللوح المرسومة على الحائط ثم ينظر له

حسين :

موافق ... ومن حسن حظك إني  
لسه معموالي سيشن تصوير  
هيفيدك فأكيد مش هتحتاج  
تصورني ولا إيه ؟

حازم :

حلو أوي ..أوي  
هات أحسن صورة و نبدأ الشغل



حازم يفتح هاتفه ويرسل رسالة صوت للمبرمج

ص. حازم :

مساء الخير .. هابتلك التفاصيل  
و الداتا حالا

حسين :

بتكلم مين ؟!

حازم :

واحد بيساعدني في التصميمات

حسين :

طب أنا عاوز أشوف ..

حازم :

نص ساعة بيخلص التصميم  
مممكن تستناني لو تحب تشوفه

حسين (يخرج الموبايل) :

حلو .. هابتلك الصورة

نري صورة قيمة جدا لحسين ونراه يضغط على زر الإرسال وهنا نشعر  
بعدم إرتياح .... (بووووم ايفيكت صوت)

قطع

ليل - داخلي

مشهد ٧

فوتو مونتاج

نري حازم يتحدث للهاتف برسالة صوتية و يكتب

نراه يصور الكارت الخاص بالجيم

نراه يوصل الموبايل باللاب توب

نراه يرسل التفاصيل

نري ساعة و مرور وقت

حسين نائم على الأريكة وقد شعر بالملل

حسين :

وبعدين يعني .. التصميم عدي

عليه ساعتين !

حازم في قلق :

معلش يمكن مشغول هو مش في  
إيده تصميم واحد أكيد

فجأة تأتيه رسالة (شيك يور انبوكس) على الهاتف

قطع

ليل - داخلي

مشهد ٨

غرفة

حازم

يفتح التصميم على اللاب لصورة حسين ونراه عجوزا ... ونري حسين  
يضحك وهو يأتي من خلف حازم ليرياها و نري حازم مندهشا

حسين :

ينهار أسوح ده طرم سناني خالص  
ده شلوحنى ياعم

حازم :

هو ده المطلوب .. اقعد اعملك  
شاي على ما ابعت التصميم لمستر  
أيمن مديري

حازم يضع سماعة هيد فون و لا يري حسين من خلفه

حسين

نقعد .. أما صحيح مسخرة ..  
تحسوا إن شغلكم زي السحر  
بيعمل خدع على الناس و بيضحك  
عليهم بطوع... كح كح (يسعل  
حسين قليلا)

حازم يسمع موسيقي وهو يتعامل و لا يري حسين من خلفه وهو يصاب  
بوعكة صحية

حسين يسعل مرة أخرى أقوى ثم نراه يضع يده على فمه ونجد أنه بصق  
أسنانه و سعل دماء معا .. فيصاب بالذعر

حازم ينتهي ويخلع السماعة :

أنا خلصت أهو ياسيـ ....

حسين .. فيه إيه !؟

يجد حسين وهو يسقط على الأرض ببطء ونري حسين وقد بات عجوزا  
وشعره تساقط بشكل غريب .. وهو ينظر لحازم

حسين (بوهن):

أنت .. عملت ..إيه ؟

ثم يسقط ويتشنج و حازم ينادي

حازم:

حسين مالك ؟ .. فهمنى !؟

حازم ينظر للاب توب سارحا في حيرة

ص. أيمن :

للأسف الموديل اتوفى الصبح أزمة  
قلبية

فيسرع عليه و ييدو عليه الفزع

ويمسك بهاتفه ويديه بها دماء

ص. حازم :

صاحبي مش كويس بيحصله زي

التصميم !!

المصمم ... OFFLINE

حازم متأثراً :

ردوا يا ولاد الكلب ردوا يا ولاد

ال..... صاحبي ييموت ... فيه

إيه ???

المصمم .. ONLINE

نري حازم ينظر لصورة التصميم و يمسخها ديليت .. ينظر لحسين مازال

يتشنج ..

فيعود لحسين

حازم بفرع رهيب:

حسين .. حسين

حسين يخمد فيفحص قلبه !!!

نري الصدمة على حازم .. مات حسين صديقه ..

فجأة تأتيه رسالة صوتي لصوت مخيف

ص. المصمم مخيفا و لأول مرة :

مكنش يصح تشتمتنا

نسمع أصوات مرعبة و خيالات مرعبة تحيطه دون أن نراها فقط يشعر  
بها حازم الذي ينهض و يقف في وسط الحجرة ونراه ينظر يمينا ويسارا  
كلما أتاها صوت وشعر بخيال ...

يذهب ليمسك بعصا و يتلفت حوله بدوران الحيرة

نري مظاهر مرعبة كأن الحجرة بها شبح

العرائس تلتفت برأسها ..

فجأة نري رسالة (شيك يور انبوكس)

يهرع إلى اللاب توب و نري صورة لحازم وهو عجوز





السلامة

فيلم :

## ١٣- عين الجمل

" تم تنفيذه "

- تقديم للفيلم + نسمع حالة من الهرج و المرج و سيارات الإسعاف  
ثم نسمع خبر بصوت مذيعة و تبدو قلقة وهى تذيع الخبر ونلاحظ  
بأن صوت الخبر به تشويش

ص. المذيعة (تحذر بخوف) :

هذا و نحيطكم علما ششش

باتخاذ كافة الإحتياطات

ششششش اللازمة و الحذر ششششش

الشديد .. أيضا البقاء بالمنزل

لحين شششششش صدور تعليمات

أخري تتعلق بإخلاء المدينة ..

أكرر ششششششش اتخاذ الحيطة

و الحذر

## - اسم الفيلم (عين الجمل)

مشهد ١

نهار - داخلي

شقة -

الصالة

تتضح الرؤية شيئاً فشيئاً من وجهة نظر البطل الشاب في العشرينات من عمره و يدعى عمرو حتى تكتمل الرؤية و تظهر واضحة لنري التلفزيون وبه المذيعه وهى تكرر الخبر و نلاحظ بأن البث به تقطعات .. نري رجل من خلفه يجلس على الكرسي بحوزته بندقيه / مسدس ، وهو يتابع الخبر ولا نري ملامحه

نلاحظ أن الشقة متوسطة الحال تبدو مبعثرة بعض الشئ و يبدو أنها لم تنظف جيداً

نري عمرو وهو يفيق بعينيه ثم يحاول النهوض و نلاحظ بأن رأسه مصابة و بها آثار من الدماء ونري أن عمرو كان نائماً على مرتبة متهالكة أو ورق جرائد أو مشمع (حسب رؤية المخرج) و مازال صوت الخبر في الخلفية يتكرر بعدة طرق

يتلاقى إى مسامع عمرو الهرج و المرج إضافة لذلك صوت طلقات عيار نارية و صرخات بالخارج ثم ينهض بصعوبة في إتجاه النافذة القريبة منه

نري الرجل العجوز وهو يتابع الخبر ونراه رجل في الخمسينات أو الستينات ملامحه باردة لا نستريح لشكله ويبدو عليه الضيق وقد لاحظ إفاقة عمرو وهو يتجه ليلقي نظرة من النافذة

الرجل (يتنهد) :

أنا لو مكانك محاولش

عمرو يتوقف قبل أن يلقي نظرة ملتفتا ناحيته

عمرو :

ليه !؟

الرجل لاينظر له و نري أن حديثه متعجرف بعض الشيء

الرجل :

لأن اللى هتبص عليه دمار

عمرو :

دمار إيه هو إيه اللي بيحصل ...

أنت مين .. وإيه اللى جيني هنا  
أصلا !؟

فين (عزت) أخويا ؟

الرجل ينهض ويقترب من النافذة و يغلقها لينخفض الصوت بالخارج ثم  
يقلل الإضاءة بالستارة و نلاحظ بأن عمرو قد ملح البندقية فيبتعد خائفا  
و يبتلع ريقه قلعا من الرجل و مكملا على ذلك نظرات الرجل المخيفة ..

الرجل :

مات

عمرو يصاب بصدمة

عمرو :

أنت اللى قتلتته ؟

الرجل :

مبقتش تفرق

عمرو :

لأ تفرق .. رد عليا .. أنت قتلتته ؟

الرجل :

الى يفرق إني أنقذت حياتك منه

عمرو :

إيه الى بتقوله ده !!

عمرو يلمح عصا بجانبه فيهم لإلتقاطها مهددا بها الرجل ونلاحظ اهتزاز عمرو من الخوف

عمرو :

لو قربت خطوة ها...

يقاطعه إقتراب الرجل ببرود ونري ملامح الشر على وجهه وعمرو يحاول أن يتماسك ولا يدافع عن نفسه لأن الرجل معه بندقية فيقترب منه الرجل و يمسكه من ياقته

الرجل :

اسمع يا بني أنت ... لو عاوز  
أخوك الكبير أخرجه .. اللى بره  
الموت وبس .. لو عاوز تضيع  
فرصتك إنك تعيش هنا ... (يطيح  
بالعصا فتسقط من يد عمرو)  
اتفضل الباب يفوت جمل

عمرو يحاول أن يفك من قبضته ثم يتعد للوراء ممسكا برقبتة بتوتر ولا  
يدري ماذا يفعل بينما يشاهد الرجل وهو يذهب للمائدة و ونراه يصب  
طعام جاف من (علبة تونة مثلا) في طبق ثم يدفع به أمام نظرعمر

الرجل :

أنت أكيد جعان !

عمرو يقترب من الطبق ثم يتحسس رأسه مرة أخرى فيري دماء  
فيلاحظها الرجل

الرجل :

النزيف رجعلك تانى .. الخبطة

كانت جامدة

عمرو نراه يحاول التذكر وهو يجلس أمام الطبق

عمرو :

هو إيه اللى حصل وليه أنا مش  
فاكر؟

الرجل يأتي بقطعة قماش و يربطها برأس عمرو الذي جلس و استعداد  
لتناول طعامه

الرجل :

من يوم مابدأت الناس تتعب  
التعب الغريب اللى أعراضه شبه  
الإنفلونزا و أنا كان قلبي حاسس  
الكل افكره موسم عادي لكنه  
مطلعش عادي الكل بقي متوحش  
الناس قتلت بعضها .. مفيش  
أسباب مفيش علاج .. كله زحف  
بسرعة .. قليلين بس اللى عندهم  
مناعة منه لكن خطر قتلهم



ملوش مناعة

عمرو (يأكل) :

ده اللى خلاك تمنعنى من إني أبص  
بره

يهز له الرجل رأسه نفيا وهو يكح فيلاحظ عمرو كحته أنها غير طبيعية

الرجل :

مش عاوزك تحس بإحساسي .. لو  
بصيت بره هتفكر إن الأمل ضاع

يكمل كحته ثم ينظر له و يكمل

الرجل :

أخوك كان بيكشف عندي و  
الفيروس شد عليه و كان  
هيقتلك .. و أنا اللي اتصدितله و  
جبتك هنا

نلاحظ توقف الطعام في فم عمرو  
من الحزن على أخيه ويلاحظ  
وجود شهادات تقدير للرجل و  
نفهم أنه كان طبيبا ويدعى  
دكتور ثروت القاضي

الرجل :

حاول تقسم أكلك و تعين النص  
التانى معنديش أكل يكفيننا سوا

عمرو ينظر للأكل ثم يتناول طبق و يغطي به المتبقي ففري الرجل  
يأخذه ويضعه بالثلاجة

الرجل :

قريب الكهرباء هتروح و مش  
هنعرف نعين أكل بالطريقة دي

عمرو :

طب و العمل .. إيه الحل ؟

الرجل :

مفيش حل !

عمرو :

أنا متشكر لحضرتك

ينظر له الرجل ولكن لا يجيبه

الرجل :

لو عاوز تبص دلوقت ممكن تبص

عمرو و كأنه ينتظرها حتى يصدق مايقوله له الرجل فينظر للخارج ليري الملباني قد تصدعت و هناك دمار رهيب بالمحيطة من حوله و الصوت في تزايد هرج ومرج و صرخات و استغااث مفزعة و صوت لناس متوحشة أشبه بالزومبي

عمرو يصاب بحالة هلع و يرجع للوراء وهو يغلق النافذة ثم الستائر فيلاحظ أن ثروت جلس وهو ينهج قليلا أمام التلفاز كعادته كأنه ينتظر شيئا ما فيتجه عمرو للمرتبة و يجلس مشبكا يده بقدمية في انتظار المجهول

قطع

## شقة - الصالة

نري الوضع مثلما كان بالنهار وقد صدر صفيح الليل و هدأت الأحوال  
بعض الشئ و الأصوات قلت بالخارج

عمرو :

ممكّن أدخل الحمام

الرجل (بصعوبة):

أول الطرقة يمين

يهم عمرو للذهاب للحمام فينظر لثروت فيجد عينيه حمراء قليلا  
فيشعر بالقلق

عمرو :

حضرتك كويس ؟

يومئ له الرجل بأنه بخير ولكن عمرو لا يقتنع فيتجهه للحمام بقلق  
شديد

## قطع

مشهد ٣

ليل - داخلي

### شقة - دورة المياه

نري عمرو بعد التبول يغسل وجهه بينما يسمع كحة شديدة من الخارج للرجل فيشعر بالقلق لينظر للخارج برأسه ثم يعود و يغلق الحمام على نفسه وهو يتنفس بهدوء ثم يجد بقعة من الدماء على أرضية الحمام فيكتفم نفسه من التقيؤ و يسمع صوت الرجل وهو يقترب من الخارج ...

ثم فجأة يطرق عليه الباب

ص. الرجل :

أنت كويس !؟

عمرو (ببحة) :

آه تمام !

ص. الرجل :

يلا ميعاد العشا

عمرو:

ها ... حاضر !

نسمع ابتعاد خطوات الرجل عائدة ونري الحيرة على عمرو لكننا نجد رسالة على البورد بجانب المرأة فيلتقطها ويقرأ ونفهم أنها رسالة من الرجل

نري الصدمة على وجه عمرو ونراه ينظر للمرأة وكأن وجود الرسالة كان مقصودا ونري على وجهه الرعب ويرى آثار شكة على وريده فينهج بشدة من المفاجأة

قطع

ليل - داخلي

مشهد ٤

شقة - الصالة

نري الرجل وهو جالسا أمام الطعام ولكن لا يوجد امامه طبق لكن البندقية فقط وقد بان عليه شدة المرض وقرب تحوله ثم يقترب منه عمرو متأثرا فينظر له الرجل بأمل

يرفع عمرو الرسالة له فيبتسم له الرجل بتأثر مع البكاء

عمرو :

أنا مش فاهم .. اشمعنا أنا ؟

الرجل :

نصيبك وقدرك إن تقع في طريقي  
من يوم مآظهر الفيروس و أنا  
خدت عينات الدم من كل بنوك  
الدم و عملت بحثي و طلعت  
أنت في الآخر

يكح الرجل بشدة ثم يبص دماء فيقف مبتعدا و يجلس على الكرسي

الرجل :

لما قتللك إن قليلين بس اللى  
عندهم مناعة منه كدبت عليك  
(يكح ويكمل بصعوبة)  
لكن خطر قتلهم موجود و هنا ..

عمرو ينظر له و قد تفهم لكننا لا نفهم شيئا (يقصد أنه سيتحول  
ويقتله)

الرجل :

عشان كدة عاوزك تعمل اللى  
عليك

ينظر الرجل و عمرو معا للبندقية ! فيhez عمرو رأسه نفيا

الرجل يصيح به

الرجل :

صدقنى ده الأمل الوحيد ... أنا  
برضه مكذبتش عليك لما قلت  
الأمل ضاع لكن الأمل في إيدك

عمرو :

أنا عمري ماقتلت ناموسة

الرجل :

أنت مضطر .. أرجوك !

عمرو (بيكي) :



هامشي و أسيبك !

الرجل :

بعد ما انقذت حياتك عاوز تسيب  
المرض يعدبني !؟

عمرو يتفهم ما يقصده الرجل فيمسك بالبندقية وهو يهتز من الرعب  
بينما الرجل ينظر له وقد بدأ وجهه يتحول وعروقه تظهر سوداء فيومئ  
له

عمرو يصوب البندقية أمامه

الرجل (يبتسم):

اضرب

عمرو يصيح :

لأ ... مش قاادر

الرجل (يصيح به) :

اضرب .... متخلينيش أقوم أضربك

أنا ....

عمرو :

لاااااا .... (بووووم)

قطع

ليل - خارجي /

مشهد ٥ و ٦  
داخلي

النافذة من خارج المنزل - صالة الشقة

نري ضوء الضربة من الخارج يظهر من النافذة مكتوما  
نري من الداخل الرجل يموت بينما يترك عمرو البندقية و نراه يجلس  
باكيا على الأرض ونري الرجل وجهه يبدو مبتسما بعض الشئ وهو ميت

قطع

ليل - داخلي

مشهد ٧

شقة - الصالة - حجرة

(فوتومونتاج)

- عمرو يمسخ دموعه وقد قرر خطته التي لا نعلمها

- يسحب جثة الرجل

- ويلفها بملاءة
- ثم يتركها في حجرة
- ويغلق عليها ثم يتجه إلى المائدة ليجلس أمام الطعام
- يضع الرسالة أمامه ويصمت للحظة ثم نسمع ما كُتب بالرسالة بصوت الدكتور ثروت

ص. الرجل :

عجزت عن الحديث في زمن  
أصبح فيه الحديث قليلا ... أقر  
أنى ثروت غانم بأنى أقسمت على  
حماية البشرية من خطر الأمراض  
بحكم وظيفتي كطبيب ..

بعد بحث عديد وجدت العلاج  
لكنه يحتاج إلى تجارب لإعداده  
لكنه بات معى الآن ..

العلاج في جسد شاب يدعى  
(عمرو) ولابد أن يكمل المسيرة  
حتى يصنع الترياق من جسده  
لابد أن أصارحه أنى أعطيته له و  
عمل معه كالسحر

لقد أنقذت حياة هذا الشاب

فهل سيردها لي !

لقد توغل بي المرض ولم ينجح  
العلاج معي فقط أطل وقت  
حياتي ليلهو بداخلي و يؤلمني  
ويعذبني ..

لقد اقترب موعدى !

فهل يرحمنى هذا الشاب ممن  
أعانيه ؟

نفهم أن الدكتور ثروت أنقذ عمرو من هذا الوباء المنتشر بأن أعطاه  
العلاج ويسري داخل دمه  
نري عمرو يمد يده لياكل وهو يسحب البندقية بجانبه ...

- دلالة أنه سيحاول البقاء حيًا حتى يصل بنفسه (العلاج) إلى بر الأمان  
محافظا على نفسه كعين الجمل داخل القشرة -  
قطع

تم بحمد الله

عين الجمل

السلامة

فيلم :

## ١٤ - اللوحة

" عن قصة (اللوحة) - كبسولات رعب ٢مجم - فكرة الصديق  
والرسام / أحمد رفعت "

مشهد ١ تقديمي / تتر

ليل/داخلي

### غرفة كريم

نري غرفة شبابية الديكور إضاءتها خافتة ونري من خلال النافذة أن  
الجو شتاء هناك مطر و صواعق شديدة و فجأة يدخل شاب في  
العشرينات من عمره ويدعي (كريم) بيده حافظة لحمل اللوح يبدو أنها  
ضد الماء و نري كريم مبتل ولكنه متلهف لرؤية ما بتلك الحافظة و يبدو  
أنه لديه ستاند فيخرج ما بالحافظة لنري أنها لوحة يفردها أو يثبتها على  
هذا الاستاند

نشاهد أنها بورتريه لكريم و من خلفه بالصورة هناك خيال غريب  
(سلويت مخيف) لطفلة ولكن هناك شيئاً ما غريباً إذ باللوحة خيالات  
مرسومة حولها كأنها شخايبط مخيفة و حول صورة الطفلة رسمت دائرة  
من الطلاسم و نري أن التوتر يزداد و هناك أصوات تعلو ممزوجة  
بصوت الأمطار الشديد فتتغير بسمة إعجاب كريم إلى التوتر و البرق  
يزداد و هناك في البرق تظهر هذه الطفلة من خلفه

ملحوظة : نلمح أن الطفلة في الثامنة من عمرها وهي كيان مخيف

لابنه أخيه (طارق) وتدعي (سارة)

فجأة نستعرض صورة البورتريه و قد خلا من سارة و كأنها مسحت منه  
أو غادرتها و يلاحظ كريم أن هناك شئ ما خلفه فينظر ولا يري شيئاً و  
لكنه شعر بالخوف فيخرج هاتفه ويتصل بأحد ما

كريم :

ألو ... طارق .. ؟

(بتوتر) عاوز أقولك

على حاجة مهمة ..

أنا (يتلفت) أنا عاوز

بس تصدق اللى

هقولهولك ده

(س — ....)

نري أن هناك ما هجم على كريم ليقطع جملته ... نفاجأ أن اللوحة قد  
اختفت من الإستاند

قطع

تتر المقدمة : اللوحة

حديقة

راقية

(تغيير المكان حسب رؤية

الإخراج)

(منذ عام)

مشهد للحديقة من الخارج والجو صيفا

ص . طارق :

كش ملك

ص . طارق و كريم

يضحكان

نري الحديقة من الداخل لتتضح أنها راقية جدا و يجلس على إحدي  
المناضد شاب في منتصف الثلاثينات من عمره ويدعي (طارق) وهو  
الأخ الأكبر لـ (كريم) من (مشهد ١) ونري لعبة شطرنج وهما يلعبان

نري طفلة صغيرة ذات ملامح وسيمة في الثامنة من عمرها وهى تدعي  
(سارة) وهى ابنة أخيه طارق التى كانت بالبورترية وهى تلعب بعيدا  
عنهما بصحبة (بثينة) زوجة طارق و (صديقتهم المقربة) سمر ...

قطع



حديقة راقية / ركن

الرسام

يبدو على كريم علامة اليأس

كريم :

تؤ .. (يتنهد) دور  
تاني و المرة دي مش  
هأرحمك

طارق (بثقة):

يابني بكفاياك  
خسارة بقي

نري الجرسون يأتى ويقدم المشروبات لكريم و طارق فقط .. فيلاحظ  
طارق أن بثينة و سمر لم يطلبوا مشروبات

الجرسون :

أي خدمة تاني مستر  
طارق ؟

طارق :

ربنا يخليك ... (يشير  
ناحية بثينة و سمر)  
الهوانم صحيح لسه  
مطلوبش

بثينة (من بعيد) :  
لأ إحنا يدوبك نلحق  
مشوارنا أنا و سمر

نلاحظ سمر تلعب مع سارة و تدلك شعرها و سارة تضحك

الجرسون (مبتسما) :  
عن إذن حضرتك ؟

يشير طارق له برأسه شاكرا ثم يساعد كريم في ترتيب قطع الشطرنج

طارق :

يعنى هتسييلي

سارة زي كل مرة ؟

بثينة :

و هنبه عليك تاخذ  
بالك منها برضه زي  
كل مرة

طارق لا يحيبها بل ينظر لكريم

طارق (لكريم) :

أهى هتسييلي سارة  
وتركيزي هيقول  
فرصتك تكسبني  
بقي

يبتسم كريم له متشجعا كأنها فرصة و سنحت له

نلاحظ نظرات بثينة لطارق (أنه لافائدة منه) ولكنها تبتسم لسارة التى  
تلعب بدميتها وتقبلها قبلة الوداع وسمر تشير لسارة (باي)

بثينة :

أنا ماشية

سمر :

باي يا جماعة

طارق (بتركيز في  
اللعبة) و (كريم)  
معا :

باي

بشينة :

سارة يا طارق ..  
سارة يا كريم

طارق وكريم معا  
(مازالا يركزان في  
اللعبة) :

في عينينا

طارق :

دايما كدة ترعيني  
من إن سارة يحصلها

حاجة .. مع إن  
المكان مقفول و أمان  
يعنى

كريم :  
معلش أمها و بتخاف  
عليها

طارق :  
يعنى أنا بتاع بطاطا  
منا أبوها يا عم

كريم :  
مقصدهش بس خوف  
الأم بيبقي أكبر أما  
ال....

نلاحظ أن كريم توقف ليلمح رسام وهو رجل أربعيني أو خمسيني  
العمر ، يجلس فى ركنة يرسم بورتريه بتركيز شديد (مشهد ٤)

طارق :

إيه يابني سكت  
ليه ..

كريم :

لأ أبدا أصلي شفت  
الراجل ده قبل كدة  
و عرفت إنه بيعلم  
الرسم .. بأفكر أكلمه  
و آخذ كورس عنده

طارق :

بتعجبني ياد إنك  
عاوز تنمى  
هواياتك .. لسه  
الرسم منغشش فى  
دماغك ؟

كريم :

أوي ...

عارف يا طارق .. أنا  
نفسي قبل ما أموت  
أعمل إيه ؟؟

نفسي أكون اتعلمت  
الرسم و يكون أول  
مشروع ليا هي  
صورتك بورتريه و  
أعلقها في أوضتى  
عشان أتباها بيها و  
أقولهم أخويا الكبير  
أهو اللى دايما  
بيشجعنى من بعد  
موت بابا و ماما و  
منها أبقي رسام  
رسمي

يبتسم طارق لكريم ومازالت سارة تلعب بدميتها في مكانها

طارق :

متأفورش كدة .. بس  
فيه تغيير بقي ..  
طارق (مشيرا لسارة

التي تلعب من  
جانبهما دون النظر  
لها) :

إن أول مشروع ليك  
هترسم فيه سارة ..  
مش أنا ..

كريم (مبتسما) :  
أنت عاوز تعذبني  
مع الفراكة دي ..  
دي عمرها مابثبت  
ثانيتين في مكانها  
(يضع قطعته) خد  
بقي وريني هتعمل  
إيه في الحركة دي

نري سارة تغنى وهى تلعب بأغنية ألحانها توتر و غريبة وهى بريئة ...

طارق :

ههههههه ماهي



شاطرة أهى وقاعدة  
مكانها أهو و  
متحركتش

.. (يشير للشطرنج)  
حلوة دي بس مش  
هتستحمل اللى  
جاي ...

(يلعب قطعته)  
تقريباً أنا وسارة اللى  
هنعذبك سوا

نري طارق يلتفت إلى سارة للحظة ليراها فلا يجدها فنلاحظ تغير  
ملامحه للقلق

ينهض طارق وسط الحضور باحثاً عنها بعينه و كريم من خلفه ينتظر  
تفسير لنهضته المفاجأة

طارق :

سارة .... سارة

(بقلق تدريجي)  
كريم مشوفتش سارة  
راحت فين ؟!

كريم (مشيرا لمكان  
لعبها) :

كانت بتلعب  
قدامنا .. كانت هنا  
دلوقت

طارق (مناديا) :  
سارة ... سارة ...

نري أن (الحضور) بدأوا في الإنتباه وهناك (من) احتضنت ابنتها و هناك  
(من) احضنت ولدها من الخوف  
قطع

نهار / خارجي

مشهد ٥

حديقة راقية /

الطريق

نلاحظ أن توتر طارق زاد و بدأ يجري هنا وهناك و الحيرة تزداد و لا  
يجد سارة بعد ....

في ظل تلك الحيرة يمر من جانبه الرسام مغادرا وهو يحمل بورتريه  
مغطي لانري مابه ليصدمه دون قصد ولكن توتر طارق يفقده تركيزه ...

فلا يأبه له

هناك من بعيد يلمح طارق سارة وقد استطاعت أن تغادر الحديقة و  
نراها تتمشي بهدوء على الطريق ولكن كأنها منساقة  
يجري طارق ورائها وهو ينادي وهى لا تستجيب

طارق (محدرا):

سارة سارة  
لألألألألأ

تلتفت له سارة مبتسمة ببراءة و نري أن هناك سيارة بالصدفة لا تقصد  
تأتى بسرعة (بطريقة مفاجئة) لتصدم سارة  
قطع

نهار / خارجي

مشهد ٦

الطريق

نري سارة غارقة فى دمها و قد قتلتها الحادثة فى الحال وهناك المارة  
التفوا حول الحادث

يقف كريم مذهولاً و مصدوما لسارة و طارق يسرع ليلقظتها بين  
أحضانها و يبكي من الصدمة وينظر لكريم الذي فقط القدرة على  
الحركة ....

قطع

## نفس الحديقة الراقية

(من شاشة سوداء)

ص . سمر (تنادي) :

طارق .. طارق ..

طارق

( الآن )

نري أن الجو في الشتاء و نري طارق وهو يجلس على نفس المنضدة ونلاحظ أن أمامه جريدة عليها مانشيت خبر واضح (مقتل شاب في ظروف غامضة) ونلاحظ أن الصورة لـ(كريم) .. نلاحظ تبدل الحال على طارق فقد طالت لحيته و باتت ملابسه غير مهندمة ونراه يجلس طارق بنفس الحديقة و عينيّه مغرورقتان بالدموع ونري أن من تحدثه هي سمر صديقه وهي تنتظر أن يفوق من شروده فهو يتذكر آخر ذكرى له مع سارة و كريم أخوه فتتلاقى العينان ثم يتعد بعينه وينظر إلى ناحية الشباك ... مكان جلوس الرسام بحزن

سمر :

يااه د أنت مش

معايا خالص

أنت بقالك أسبوعين

من يوم ما كريم

اتقت ...

ينظر لها طارق فجأة بضيق شديد فتتوقف عن الحديث

سمر :

أسفة .. أقصد ... إن

من يوم ما يوم

مااا.....

سارة ما ... تؤ

تتوقف سمر يبدو أنها تعك في الكلام ثم تتدارك حديثها

سمر :

طارق أنا حاسة باللي

جواك وعارفة أنا

بأعزك قد إيه يمكن

أنا قطعت مع بشينة

و تخليت عن

صداقتها لما لقيتها

مش حقانية و

ظلمتك بزيادة ويا ما

دافعت عنك ضدها

و لحد دلوقت

تدمع سمر حزنا لطارق متأثرة على سارة وكريم

سمر :

إديني فرصة أقف  
فيها جنبك  
أنت ليه بتصدني ..!  
طارق ... أنت عارف  
إن أنا حبيتك !

ينظر لها طارق بحزن ولا يرد

سمر :

أيوة ... معرفش  
إزاي .. متخيلتش إن  
صداقتي بيبك تقلب  
بالإحساس ده و بعد  
الفترة دي كلها !

بعد وصلة صمت ولا يجييها طارق ناظرا بعيدا تقرر سمر القيام من  
مكانها

سمر:

أنا عارفة إن أعصابك

تعبانة بس بجد مش  
عارفة أقولك إيه بعد  
كل الكلام ده !

تغادر سمر محبطة ونري طارق وهو يلتفت لها بعد مغادرتها ويبدو  
عليه الهم لأنه يتذكر شيئاً ما

ص . بثينة (صدي  
(منهارة) :

أنت السبب في موتها

(نذهب إلى الفلاش باك القادم)

قطع

ليل / داخلي

مشهد ٨

شقة طارق

نري طارق في ذات يوم حادث سارة بنفس ملابسه بمشهد ٢ ولكن  
الملابس مبهرجة و عليها دماء سارة وهو يجلس في قمة الحزن وكفيه  
يغطيان وجهه مصدوما بعد موت سارة بين أحضانه و بثينة تصرخ أمامه  
و بجانبها والدتها ...

بشينة (تصرخ) :

طول عمرك كنت

مهمل في حقها ..

أنت السبب

طلقنى يطارق ..

طلقنى

طارق :

يا بشينة أنا مش عارف

ده حصل إزاي

أنا فجأة

لقيت هـ ...

بشينة :

مش عايزة أسمعك

أنا مش طايقاك

خلاص سارة راحت

والدة بشينة (تتدخل

بانفعال) :



طارق يابني كل شئ

قسمة ونصيب

وزى مادخلنا

بالمعروف نخرج

بالمعروف ربنا يتولانا

في مصيبتنا دي بس

متزودهاش إحنا كل

ماهنشوفك

هنفتكرها

طارق (مصدوما

فيهما) :

أنتوا كدة بتظلموني

يا ناس .. أنتوا

بتتخلوا عني

يا بئينة أنتى بتتخلى

عني كدة

بئينة (تنهره بشدة) :

قعدتلك مع أخوك

هى السبب

اهتمامك بيه هو  
السبب  
كل حاجة كريم  
كريم كريم ..  
أهى البنت راحت ...  
راحت

تنهار بشينة فى أحضان والدتها التى تنتظر لطارق وتهز رأسها بأنه (لا  
جدوي من محاولته و أن ينفذ طلبهم) .. (الطلاق) بصمت و حزن ...  
(انتهاء الفلاش باك)

قطع

نهار / خارجي

مشهد ٩

الحديقة الراقية

(عودة من الفلاش باك)

يزداد عبوس طارق و فجأة يدخل الرسام (بمشهد ١) ويمر من جانبه  
وهناك شاب يتبعه مساعده ويدعي (ابراهيم) لتسقط من ابراهيم  
فرشاة رسم

يراقب طارق الرسام و مساعده اللذان لم ينتبهان للفرشاة فيلتقطها  
وينظر لها

ص . كريم :

عارف يا طارق .. أنا  
نفسي قبل ما أموت  
أتعلم الرسم و يكون  
أول مشروع ليا هـى  
صورتك بورتريه

يهم طارق بالتهوض متجها ناحية الرسام و ابراهيم

قطع

نهار / خارجي

مشهد ١٠

الحديقة - ركنة الرسام

يجلس الرسام بينما يبدأ ابراهيم فى توزيع عدته بينما يدخل عليها طارق  
ليقاطعهما

طارق :

لو سمحت دي  
وقعت منك

الرسام (ينظر بغضب

لابراهيم) :

آه شكرا ..

ابراهيم (مبررا) :

مخدتش بالى

الرسام :

(لابراهيم) ابقى خد

بالك بعد كده

الفرشة دى عزيزة

عليا جدا ..

كنت هزعل لو

ضاعت و ملقتهاش ..

اعتبرها غلطتك

الأولى و الأخيرة

نلاحظ توتر ابراهيم وهو يومئ له و يلاحظ طارق هذا الوضع فيكمل  
الرسام حديثه ناظرا لطارق

الرسام :

دى الفرشة الى  
رسمت بيها أول  
بورترية فى حياتي و  
كان فاتحة خير عليا  
أنت عارف الفنان  
بقي بيعتز بكل  
حاجة .. حتى  
بداياته مهما قلت  
قيمتها

طارق :

آه طبعا

يبتسم طارق ثم يلتفت ناحية منضدته ليعود ولكن يستوقفه الرسام

الرسام :

تسمحلى يا أستاذ  
إيه ..

طارق (يلتفت) :

طارق .. اسمي

طارق

الرسام :

تسمحلى يا أستاذ  
طارق أقولك إن  
لولاك كنت هحس  
بحاجة نقصاني عشان  
كدة حابب أرسملك  
بورترية تعبيرا عن  
شكري ؟ .. قلت إيه؟

ينظر طارق له ولهاتفه لنرى صورة كريم خلفية الشاشة كأنه يفكر .. ثم  
يبتسم ابتسامة خفيفة دلالة الموافقة

طارق :

ماشي .. متشكر

ينظر الرسام لابراهيم الذي تفهم فيخرج كارتا من جيبه ويعطيه لطارق

الرسام :

(يقصد ابراهيم)  
ابراهيم بقي فهمه

ضيقة شوية ...  
(لطارق) بكرة بالليل  
هستناك في المرسم  
بتاعى تنورني

يومئى له طارق و ملامح وجهه تشير إلى أنه قرر الخروج من حالة  
الاكتئاب

قطع

ليل / خارجي/

مشهد ١١  
داخلي

خارج المرسم - داخل المرسم

نري طارق في صورة بهية و يمسك بكارت المرسم وينظر للأعلى ثم يدخل  
من بوابة المرسم الذي بدا موقعه مهجورا  
يفتح الرسام الباب ليجد طارق أمامه ممسكا بالكارت

طارق :

معلش اتأخرت عليك

الرسام :

لأ أبدا .. على  
ماجهزت الدنيا ..  
اتفضل

يدخل طارق وهو يتلقت من حوله ليشاهد ملامح المكان لتبدو كثيبة  
مبعثرة ولا تثير البهجة فقط تثير الخوف نوعا ما فيستوقف تركيزه الرسام  
وهو يبرر له الوضع

الرسام :  
أصل .. الواد ابراهيم  
روح انهاردة البلد  
تحب .. تشرب إيه !

طارق :  
ممکن شاي

الرسام :  
أنا كمان بحب  
الشاي

يشير له الرسام بالجلوس



الرسام :

اتفضل ..

يجلس طارق أمام حجرة بابها غريب ويبدو أنها مغلقة بعدة أقفال بينما يذهب الرسام إلى المطبخ

يظل طارق على تركيزه بتلك الحجرة المغلقة و الفضول يثيره حتى يستمع إلى صوت حركة غريب بالداخل .. صوت مرعب ... يقترب طارق ببطء شديد إلى الباب و الصوت يقترب .. (يبدو أنه صوت لشبح طفلة صغيرة مختلط بأصوات شبابية و شيطانية)

يستند طارق بأذنيه على الباب فيستمع إلى الصوت بالإضافة إلى بكاء غريب بالداخل عال جدا ولكن يدخل الرسام ممكسا بالصينيه فيتوقف الصوت كليا بينما يفاجئه الرسام

الرسام :

في حاجة يا أستاذ

طارق ؟

ينتفض طارق و يلاحظ تماديه فيلتفت بقلق و حرج للرسام

طارق :

لا لا أبداً

يضع الرسام الصيني ويرمق طارق بغضب شديد و شك

الرسام :

الشاي

طارق :

شكرا

يمسك الرسام بكوب الشاي و يبدأ في تجهيز البورتريه ثم يبدأ في التحدث  
دون النظر بقرف

الرسام :

وقت ماتكون جاهز

نبتدي

يلتقط طارق كوب الشاي برجفة ونلاحظ الساعة تشير إلى وقت ما

قطع

## المُرسم

تشير الساعة إلى أن الوقت قد مر (ساعتان مثلاً) و أن الرسام انتهى من البورتريه وطارق يجلس أمامه فيبتسم الرسام له وهو يقف ملقطةً البورتريه و يضعه في ربطة سوداء أنيقه مفرودة (كالتى كانت بصحبة كريم في مشهد ١) ..

ويبدو على طارق التعجب فهو لم يريها له

الرسام :

توعدى تفتحها لما

تروح البيت ؟

طارق :

اشمعنا ؟

الرسام :

ده أسلوبى .. مبحبش

كلمة شكر فيس تو

فيس

الإنطباع الى من

أول نظرة ده كداب

شوية

أحب أسمع شكرك

بعد ماتشوفها على

روقان

وتعلقها في مكان

مميز عندك

طارق (يرمقه):

حاضر

الرسام :

و ياريت تشرحلى

عملت إيه !

صدقنى الحاجات

دي بتفرق معايا

أكثر من المجاملات

الى بقت مغرقانا

و صدقنى كمان ...

أنا مميز عن الكل

يومئ له طارق وهو يتسم مجاملة له فيناوله الرسام البورتريه وهو يتسم بخبث غير واضح ... و يشير له بالخروج دلالة الإنتهاء و يضافحه طارق و يغادر

### قطع

ليل / خارجي

مشهد ١٣

### خارج المرسم

يخرج طارق بالبورتريه متجها نحو سيارته ويضع الرسمة في الأريكة من خلفه ويتلمسها كأن الفضول يحركه لرؤيتها لكنه يلاحظ أن الرسام يتابعه بنظرات من النافذه ويحيه فيشير له طارق و يركب و يسير بالسيارة

ونلاحظ أن الجو بدأ يشتي

### قطع

ليل / خارجي

مشهد ١٤

### أمام منزل طارق

طارق يصل بالسيارة و يخرج الرسمة بينما نري شخص يقترب منه ويتلمس بيده كتفه فينتفض طارق وقد اتضحأنها سمر

طارق :

سمر !!!

بتعملي إيه هنا ؟

سمر :

جاية أتكلم معاك  
شوية

طارق :

مش وقته يا سمر ..  
(يتركها) عن إذنك

سمر :

يعنى أفهم من كده  
ان معندكش  
استعداد تتكلم

نري طارق يتجاهل الإجابة ويسير ناحية بوابة منزله

سمر :

طارق .. مش بكلمك

طارق (يصيح) :

ياريت تسيبيني في  
حالي بقي

محمد :

ده آخر كلام عندك  
يا طارق ؟

طارق لايرد بيدو من نظرته أن تعصبه من وراء قلبه و نري سمر في قمة  
الشعور بالحرج وقد فاض بها الكيل فتغادر وهنا يلتفت طارق ويبدو  
أنه ندم لإنفعاله فيتبعها ليحاول إيقافها لكنه يتوقف لأنه ملح ابراهيم  
مساعد الرسام وهو يراقبه من بعيد فيرتبك ابراهيم و كأنه لم يتوقع  
فيسير مبتعدا عن نظر طارق ..

ولكن فضول طارق جعله يتجاهل اللحاق بابراهيم فينظر للوحة و يعود  
للمنزل

قطع

## شقة طارق

( فوتو مونتاج )

- طارق يضع الرسمة و يسندھا
  - يرفع الربطة و البرق يضرب بقوة
- ينظر للرسمة فنجدھا بورتریه جميل جدا لطارق و هناك أيضا خيال غريب (سلويت) مخيف من خلفه بالصورة يشبه (سارة) ويبدو أن هناك كتابات سریالية مخيفة مثل ما حدث لبورتریه (كریم) ... فيتأثر طارق من الدهشة ويزداد قلقه
- فجأة يطرق الباب بعنف شديد و مخيف و يستمع طارق إلى صوت غريب من خلفه يشبه الذي كان بالحجرة المغلقة بالمرسم فيلتفت بسرعة شديدة ناحية الباب ويقوم ليمر بجسده أمام اللوحة حتى إذا عبر من أمامها نري أن
- خيال سارة اختفى من اللوحة وتبقت دائرة الطلاس فقط يبدو أنها غادرت اللوحة مثل (مشهد ١)
- يقترّب طارق من الباب ليفتحه فلا يجد أحد فيتلع ريقه

طارق (يصيح) :

ممممم !؟



نستمع إلى صوت غناء سارة في (مشهد ٢) ونري أن البرق يضرب فيظهر  
(خيال سارة) بشكل مخيف ويختفي مع ذهاب البرق من خلف طارق  
الذي يلتفت لينظر إلى خيال سارة  
و فجأة تتذبذب الإضاءة و طارق ينظر في ذهول إلى حيث ظهرت (سارة)  
فيحرك طارق شفثيه مصدوما : س ا ر ة

سارة (برتم مخيف و

بطئ و مرعب له

صدي):

بابا ... وحشتني

و فجأة يظلم المنزل بالكامل

قطع

ليل / داخلي

مشهد ١٦

المرسم

نري الرسام يقف و ابراهيم امامه بذات حالة الارتباك مبتلا بفعل المطر  
وتبدو أمارات الغضب الشديد علي ملامح الرسام

الرسام :

غبي ... !!!!

ابراهيم :

أنا معرفش إزاي خد

باله مني أنا كنت

بعيد و الجو كان

ضلمة

سامحنى .. آخر

غلطة !

نري أن الرسام لم يقتنع ونظراته تحمل أنه ينوي على فعلة ما فيومئ له

الرسام :

مم .. طيب جهزي

بورتريه جديد

وبسرعة

على الفور ينقذ ابراهيم و ينهمك في حمل البورتريه و تعليقه على  
الاستاند ولكن يمسك الرسام بتمثال أو قطعة حادة و يضربه في مؤخرة  
رأسه بقوة شديدة ليسقطه أرضا

قطع

## المرسم

نلاحظ أقدام الرسام من أسفل وهو يرتدي عباءة سوداء ويعالج الأقفال ويفتح الحجرة المغلقة ويسحب جسد ابراهيم إلى داخل الحجرة  
نلاحظ أن ابراهيم مذبوح وميت

## قطع

## الغرفة الغامضة

نستعرض الغرفة فنراها ذات ديكور مخيف وعليها طلاسـم سحرية دموية و هناك دجاج مذبوح ملقي على الأركان و تتوسطها منضدة عليها كتاب سحر محاط بعدة شموع مشتعلة و عريضة و معلقا على الحوائط بورتريهات من بينهم بورتريه كريم الذي فقد (وهنا نفهم أن الرسام له علاقة وثيقة بقتل كريم) وهناك نستعرض أن هناك مسمارا معلقا استعدادا لصورة جديدة (مفترض أنها بورتريه طارق)

نري أن أسفل هذه اللوحات المعلقة صورة لسارة فوتوغرافية معلقة وسط نجمة سحرية عليها طلاسـم

يبتسم الرسام بشر ثم ينظر للكتاب فيترك جثة ابراهيم في مكان مخصص لممارسة السحر علي جثته ويثبتها بالقرب منه ثم يلتفت ليشعل شمعة

كبيرة و عريضة وعندما يلتفت لا يجد الكتاب فيصبيه القلق و التوتر ...  
ثم ينظر إلى ابراهيم فنراه مسحيا على الأرض كما هو فقد شك أنه لم  
يمت ، ثم يتلفت حوله فيضع الشمعة بجانب الشمعات الأخرى و ينظر  
لأسفل المنضدة باحثا عن الكتاب  
إذ تظهر يد ترتفع حاملة الكتاب ونكتشف أنها يد طارق قد أتى من  
خلفه

طارق (بسخرية) :

بتدور على ده !؟

الرسام :

أنت .. أنت بتعمل

إيه هنا

هات الكتاب ده !؟

طارق :

أنت مش قلت إنك

بتحب الشكر فيس

تو فيس ؟

أنا بقي جاي أشكرك

على كذا حاجة ..  
جاي أشكرك على  
قتلك لسارة بنتى و  
لكريم أخويا  
ومحاولتك لقتلى  
كمان !

الرسام :  
أنا مليش علاقة باللى  
بنقوله ده !  
هات الكتاب ده و  
أنا هاعتبر إن المقابلة  
اللى بينا متمتش و  
أسيبك تمشي عايش

ينظر طارق للوحة كريم المعلقة ثم ينظر له نظرة تكذيب  
طارق :  
لأ يا راجل !

الرسام :

بص بقي لو جاي  
ترمي اللوم على حد  
فى الموضوع ده يبقى  
تلومه هو (يشير  
للوحة كريم)  
هو السبب فى كل  
ده ..

كريم كان بيتعلم  
السحر على إيدي و  
أنا حذرتة أكثر من  
مرة  
وهو السبب فى موت  
بنتك

طارق :

تقصد إيه ؟؟ كريم  
مكنش يعرفك قبل  
موت سارة ؟

الرسام :

كذب عليك .. إيه

متعرفش إن الناس  
الكذب بقي سهل  
عندها في الزمن ده  
و لا إيه ؟

كريم اتعلم  
السحر عن طريق  
الرسم

كان بيغير منك  
حب يحسرك على  
موت بنتك .. سلب  
عقلها عشان تمشي  
على الطريق

(نذهب إلى الفلاش باك القادم)

قطع

مشهد ١٩

فوتومونتاج

(لقطات سريعة)

- كريم في حوار مع الرسام
- كريم يقوم بممارسة السحر في الغرفة الغامضة على صورة سارة
- سارة تسير مسلوبة العقل إلى الطريق

- السيارة التي تأتي بسرعة
  - لمحة لكريم وهو يبتسم وقت الحادث ابتسامة غير ملحوظة
- (انتهاء الفلاش باك)

## قطع

ليل / داخلي

مشهد ٢٠

### الغرفة الغامضة

مازال طارق ممسكا بالكتاب وهو في صدمة

طارق :

أنت بتقول إيه يا

جدع أنت ؟!

الرسام (بهذوء) :

بأقولك الحقيقة

طارق :

بس سارة جاتلى و

قالتلى كلام غير ده !

الرسام :



الى جاتلك كده دي  
مش سارة  
أظن كمان إنها هي  
الى قالتلك تاخذ  
الكتاب منى !؟

طارق يصمت ويتنهد الرسام ويستعد للإعتراف  
الرسام :  
آه أنا الى قتلت  
كريم ..  
كريم لو اتسكت  
عليه كان هيقتل كل  
حبايبك  
لغاية منا قررت  
أخلص منه و بنفس  
الطريقة

(نذهب للقطات فلاش باك من مشهد ١ بشكل سريع)

قطع

فوتومونتاچ  
(لقطات سريعة من  
مشهد ١)

ص. الرسام :

بسحر اللوحة

نري المشاهد سريعة لما حدث لكريم وهو يتصل بطارق

كريم (رغم القلق) :

ألو ... طارق .. ؟

(بتوتر) عاوز أقولك

على حاجة مهمة ..

أنا (يتلفت) أنا عاوز

بس تصدق اللى

هقولهولك ده (سارة

رجعت) .. سارة

رجعت يا طارق

قطع

## الغرفة الغامضة

مازال الحوار دائرا بين الرسام و طارق

الرسام :

تفتكر اتصل ببيك ليه

و قالك كدة !

عشان يوهمك إنه

رجع سارة من الموت

وأنت كنت هتشوفها

وتصدق

لكن اللى رجعت دي

مش سارة

دي سلاحه اللى

تحت طوعه اللى

هيقتلك بيه و يقتل

بشينة من بعدك

دي كانت خطته اللى

أنا بوظتها له و

أنقذتك منها

يبقي كان لازم

تشكرنى

طارق (منفعلا) :

أنت كذاب .. كريم

عمره مايعمل كدة

أنت اللى بتعمل  
كدة .. اللوحة اللى  
رسمتها الى بنفس  
الطريقة اللى رسمتها  
لكريم دي عشان  
تستحضر السلاح ده  
وتقتل بيه صاحب  
الصورة  
فين إنك أنقذتنى  
وفين إنك عاوز  
تقتلنى دلوقت ؟

الرسام :  
أنقذتك زمان .. لكن  
دلوقت أنت كنت  
هتكشفنى و أنا  
(يشير لجثة ابراهيم)  
مبتسحملش أى  
غلطة مهما كانت  
صغيرة  
و أنا كنت صادق  
معاك فى كل كلمة  
قلتلك  
وبأحذر اللى جتلك  
دي مش سارة دي  
شيطان و عاوز

يتفرج عليك و أنت  
بتموت على إيدي

فجأة ينقض الرسام على طارق محاولة أن ينتشل منه الكتاب و هو  
يلكمه فيطير من يده و تبدأ معركة حادة ودامية مابين الإثنين محاولة  
للوصول إلى الكتاب ولكن يتغلب طارق عليه بصعوبة و يهرع لإحدى  
الشمعات التي تطايرت جراء المعركة ولهبها انتشر فيمسك طارق  
بالكتاب في استعداد ليلقيه باللهب

فيقف الرسام مذهولا وفي فزع

الرسام :

لأيامجنون متحرقش  
الكتاب

أنت متعرفش حاجة

يبتسم طارق و الكتاب يحترق في يده ويمسح خيط الدم الخارج من أنفه  
أو فمه ثم يلقي بالكتاب المحترق

طارق :

قصدك عاقل ...

ينقض طارق و يظل يضرب في الرسام حتى يفقده الوعي ثم يتلفت  
حوله كأنه يفكر ماذا سيفعل

قطع

### المرسم أمام الغرفة الغامضة

يخرج طارق من الغرفة وهو ممسكا بإحدى الشموع ويلقيها إلى الغرفة  
ثم يغلق الباب  
نسمع صرخات الرسام دون ان نراه وهو يحترق و صرخات استغاثته  
تزداد  
من خارج الغرفة يبتعد طارق و من خلفه باب الغرفة الغامضة موصدا  
فيبتسم طارق دون النظر خلفه ارتياحا على الإنتقام  
وتظهر له سارة من أمامه وتبتسم له ارتياحا فيبدو أنها أطلعتة على  
الحقيقة ولكن نلاحظ أن نظرات سارة خبيثة  
ثم تختفى من أمامه  
قطع

### إحدى الكافيات

(بعد مرور شهر)

نري طارق وقد حلق ذقنه و قد عادت النظارة في وجهه و أصبح بشوشا  
وهو يتحدث في الهاتف مع سمر ونلاحظ أن هناك دبلة خطوبة يرتديها  
بيده اليميني

طارق :

إيه يابنتي التأخير ده  
كله

مفاجأة !! .. مفاجأة  
إيه اللى أنتى  
عاملاهالى !?  
قطع تبادلى

نهار / داخلى

مشهد ٢٥

مرسم آخر و  
مختلف

سمر هى الأخرى ترتدي الدبلة و تمسك بالهاتف وهى تجلس فى نفس  
وضع و هناك رسام يرسمها  
سمر :

المفاجأة متبقاش  
مفاجأة لو قتللك  
ياحبيبي

ص . طارق :

ياستي قولى

سمر :

لأنا مصممة  
مقولش .. لما أجيلك  
هتفهم .. مش  
هاحرقك المفاجأة  
أنا

ص . طارق :

ماشي ماااشي

## شوقتینی

(برومانية)

متأخریش بقي أنا

بقلق عليکي

سمر :

حاضر

تغلق سمر الهاتف وهي مبتسمة و تنظر باستجداء للرسام من خلف البورتريه

سمر :

معلش أنا آسفہ

برد علی خطیبی

## عشان میقلقش

أصلي عاملة



البورترية ده مفاجأة  
ليه

ص . الرسام (مبحوح  
بعض الشئ) :  
لا ولايهمك

ينظر لها الرسام من جانب البورترية ليظهر بربع جسمه العلوي وعليه  
ابتسامة خبيثة جدا ليتضح أنه مازال على قيد الحياة ويبدو أن وجهه  
عليه آثار الإحتراق

الرسام (بثقة  
مرعبة) :

بس صدقيني لما  
يشوف المفاجأة  
دي ...  
هتعجبه أوي

ثم تتسع ابتسامته لتظهر لنا أنها شريرة و انتقامية  
قطع

تم بحمد الله

اللوحة

السلامة

فيلم :

## ١٥- انعكاس

" عن قصة (انعكاس) - تم تنفيذه "

ليل - داخلي

مشهد ١

### حجرة

في ظلام دامس نسمع صوت البرق و نراه يضئ المكان لنري المشهد من مرآة كبيرة ثم نري من خلالها حجرة متوسطة الحال مفروشة و مبعثرة ولكنها تبدو مهجورة وحتى نخرج من انعكاسها نري باب الحجرة يُفتح و يدخل شاب في الثلاثينات من عمره يبدو بسيطا من ملابسه يرتدي نظارة طبية ويبدو أنه طالب ويدعي (خالد) نراه مبتلا من أثر المطر

يبدو أنه يدخل تلك الحجرة لأول مرة و نراه بحقيبة ملابسه و حقيبة كتب ، يتفحص أركان الحجرة بعد أن يخلع نظارته وينظفها في ملابسه ثم يجول بعينه و مازال البرق والأمطار بالخارج ، يبدو كمن يحاول إرضاء نفسه بالحجرة و يبدو ما بين الإقتناع و عدم الإقتناع ، فجأة يخرج من التركيز هاتفه فيضع حقائبه لتتبعثر منها كتبه لنراها كتب دراسية ، ثم يجيب و نري المتصل هو السمسار ويدعي (فرج) ونسمعه بلكنة فلاحية

خالد :

أيوة ياعم فرج

ص. فرج (عبر الهاتف) :

ألو أيوة يا أستاذ خالد ، عجبتك  
الأوضة ؟

خالد (يبدو لا يطيعه) :

أيوة بس !

ص. فرج :

مبشش يا عمى .. على قد الفلوس  
والله و أنت عارف اللى فيها

خالد :

أيوة بس مش شايفها لقطة يعنى  
زي ماقلت

ص. فرج :

والله ياكبير أنا مشوفتهاش عشان

أحكم أنا قالولي عليها مأخرتهاش  
عليك ..

بووص مشي حالك كدة اليومين  
الى قبل الإمتحانات دول على ما  
أشوفلك أوضة في حنة تانية

ينظر خالد حوله ويشتم التراب فيعبس بوجهه و يخرج مندبلا من  
القماش و نراه يسد بها أنفه وفمه ويكمل

خالد :

طب طلب أخير بقي عاوزه منك  
ياعم فرج !

ص. فرج :

أنت تؤمر و إحنا ننفذ يا يابن  
الحبايب

خالد يمسح بيده على ترابزين او منضدة لنري شدة الأتربة و مرور زمن  
علي الحجرة بلا تنظيف

خالد :

عاوز حد يجي ينصفها دي متربة  
أوى (ينفض على كرسي فتتصاعد  
الأتربة بشدة فيكح) و أنت عارف  
صدري مششش .. كح كح ..  
هيستحمل كدة

خالد يشهق ليستعيد نفسه بعيدة برأسه عن الأتربة

ص. فرج :

والله يا كبير انهاردة المطرة موقفة  
الحال .. و مش عارف أعر في حد  
من اللى بينصفوا تقدر تستحمل  
لبكرة طاه !?

خالد (بضيق) :

ماشي يا عم فرج تسلم

ص. فرج :

آخر حاجة يا أستاذ خالد

خالد ينتبه

ص. فرج :

معايا ؟

خالد :

أيوة

نري خالد يقترب من المرأة يطالع نفسه ويلتفت ليعطي لها ظهره وهو يتحدث

ص. فرج :

لو حد سألك مين الى أجرك  
الأوضة دي (بمجرد اقترابه من  
المرأة وهو معطي ظهره كليا لها  
نسمع باقي الجملة معكوسة و  
كأن المرأة لها تأثير) : متقولش  
عليا عشان أنا مبحبش أشتغل في  
الأوض الشمال دي .. أنا عملتها  
عشان خاطرك ....





## فوتومونتاج

نري أن خالد لا يضيع وقتا ونراه استعداد للتنظيف ..  
يبحث هنا وهناك على قطع قماش - منظفات - يجمعهم ..  
نري صنبور مياه الحمام - يملأ جردل  
يستعد - يشمر - يخلع حذائه ..  
يمسح كل أركان الحجرة - يمسح أرضية الحمام - يصل للمرأة لنظر لها  
بتعجب ليجد عليها علامة كف يد دموية ..  
نراه يمسح عليها ونراه يتعجب ..  
نري أن ما يراه أن علامة كف اليد لا تمسح و لا يتم تنظيفها .. يكرر  
المحاولة ولكن لا فائدة ..  
نراه يلمم عدة لنظافة ولكنشئ ما يوقفه وكأنه إلهام يلهمه ليتفحص  
الكف عن قرب .. يضع يده على العلامة كأنها بصمة يده أو كأنه يقيس  
طول الكف بكف يده ..  
بمجرد أن يلمس علامة الكف بيده تهتز الإضاءة و تتذبذب و يضرب  
البرق و نسمع العواصف من الخارج يتوتر الخالد و يتعد

## قطع

## الحجرة /

## السريـر أو الأريكة

يفترش خالد نفسه على الأريكة ببطانية ونراه يستعد للنوم و نراه ينظر للمرأة بتوتر ثم يغمض عينيه لينام و نراه يظلم الحجرة (يطفئ النور بجانبه)

وفجأة يستمع إلى صوت حركة مرعب فيفتح النور ... وهنا نري مع خالد أمرا مفزعا ...

نري أن الصورة تم عكسها تماما و كأنه عبر إلى عالم المرأة (Reversed) و ألوان الصورة و غضايتها اختلفتا تماما نراه ينظر لكتبه التي بجانبه جميع الكتابات معكوسة .. يقفز مفزوعا يمسك هاتفه نري الهاتف معكوسا .. ينظر خالد حوله للحجرة و يبدو عليه التوتر ...

نري أن هاتفه يرن ونسمع الرنة بالمعكوس .. نري مكتوبا عم فرج (معكوسة)

ينهض خالد من مكانه ونري أن الألوان تغيرت و كأنه في العالم الموازي .. ولا يدري ماذا يحدث له ..

نري بأنه أضاء الحجرة لنراها منظمة جدا و كأنها باتت في الماضي يستمع إلى أصوات من حوله و لا يري شيئا فيصاب بالحيرة نري أن هناك وشاح أسود ملقي أمامه بشكل مقصود و فجأة يستمع إلي صوت همس متكرر ومبحوحا

الصوت :

شوووووف .... شوووووف ....

اشهد ... اشهد

نراه يرفع الوشاح في الضوء ليتفحصه لكنه يخيل له أنه رأى مصدر الحركة و كأنه سلويت لشبح ما .. فيفزع ينظر للوشاح ويدرك أنه يري ماخلفه ..

نري كرسي التسريحة يتحرك من تلقاء نفسه فيبدأ في رفع الوشاح وهو يرتعد فإذا به يجد ظلا لفتاة تمشط شعرها وهناك ظل آخر يأتي من خلفها و ينقض عليها ليضربها على رأسها فتسقط صريعة

نري خالد يبعد الوشاح فلا يري شيئاً .. يعيد النظر ليري الشخص القاتل يجر جثة الفتاة ويفتح الدولاب و يخبئ جثتها فيه ..

و من ثم يتمشي الشخص و يختفي خارج الكادر و فجأة يظهر أمامه ليتعثر خالد ليسقط على الأرض و تجرح يده

(طريقة الجرح حسب رؤية المخرج)

قطع

## الحجرة / السرير أو

## الأريكة

نري أن هناك حركة غريبة صادرة من المرأة فينظر ليجد نفسه وهو يدخل الحجرة (مشهد ١ وهو يعطي ظهره للمرأة) يزحف خالد تجاه المرأة ولا يري شيئاً ولكننا نري الوشاح ملقي بطريقة ما و نري من خلاله الدولاب وهو يفتح و شبح جثة الفتاة يزحف باتجاهه بشكل مربع و كأنه (موشن جرافيك) ..

نري خالد وهو يصل للمرأة ويضع كف يده ليطبّع علامة الدم التي شاهدناها من قبل ..

نري (مشهد ٢ وهو ينظر لها و لا تمسح لأنها مطبوعة من الإنعكاس) و فجأة ينظر خالد خلفه ليشعر بوجود شبح الفتاة وهى ترتدي الوشاح ثم تقترب بسرعة شديدة لتهاجم عليه فيصرخ ولكن تختفي صرخته مع صوت البرق الذي ضرب في (مشهد ٢) و نري الإضاءة تتذبذب و تظلم

## قطع

## الحجرة الوضع

## الطبيعي

نري هاتف خالد ملقي على الأرض و نظارته مكسورة بجانبه و نستمع إلى الهاتف على البريد الصوتي بصوت فرج السمسار

ص. فرج :

أيوة يا أستاذ خالد .. كنت بأقولك  
لو حد سألك مين اللى أجرك  
الأوضة دي متقولش عليا عشان  
أنا מבحبش أشتغل فى الأوض  
الشمال دي .. أنا عملتها عشان  
خاطرك

و أنت عارف اللى مرخصها و  
مخليها لقطة إن فيها واحد قتل  
مراته و كان مخبي جشها جوة  
الدولاب .. بس أنا عارفك مش  
بتخاف من الحاجات دي و الكلام  
ده من ١٠ سنين ..

قلت أقولك بقي كلمنى لما  
تصحي ..

نستمع إلى رنة إنتهاء البريد الصوتي

قطع

تم بحمد الله

انعكاس

السلامة

فيلم :

## ١٦- فلاكا

" فكرة : محمد باروخا - عن قصة (فلاكا) - كبسولات رعب  
٢مجم "

ليل - خارجي

مشهد ١ / افتتاحي

### مكان ما في الشارع

نري محمد بنظارة يرتدي بالطوا و كوفية دلالة الجو البارد وهو شاب  
يبدو عليه الضخامة مخيف بعض الشئ يرتدي اكسسوارات برقبتة  
ويديه يقف بعيدا عن سيارته التي يطل منها كلب بيت - بول ينبج بلا  
توقف بشراسة كعادته و يبدو أن محمد صاحب الكلب و فجأة يدخل  
الدولاب (الديلر) ليسلم عليه ونري الديلر شخص مخيف بعض الشئ ..

محمد :

إيه ياعم التأخير ده  
كله

الديلر :

معلش يا بيه اتزنقت  
في طلبك

محمد :

صعب أوي كده ؟

الديلر :

إلا صعب ده حاجة  
كده جاية من  
الفضاء

محمد (ساخرا) :

ياسلام ؟!!!

يخرج الديلر شنطة وهو ينظر يمينا ويسارا ويخرج خمس أكياس لا  
نراهم جيدا بعد يعطيهم لمحمد

الديلر:

هتجرب و تدعيلي  
وهتبقى وحش في  
زمانك .. خد خمسة  
أهم زي ما طلبت



محمد (يعطيه

نقود) :

بكام ؟

الديلر (معترضا) :

هات زيهم مرتين

محمد :

بيقي تلف ونرجع

تاني و يانحلة لا

تقرصيني ولا عاوز

عسلك

الديلر :

ياعم بقولك جاي من

الفضاء و طخيت

مشوار عشان

حضرتك عشان

تزرفنى الخازوق

بالشكل ده

محمد :

ممم .. جايلي من  
المريخ يعني بروح  
أمك .. عموما طيب  
(يعطيه مالا) خد لما  
نشوف

يتناول الديلر الفلوس ويحيه بابتسامة خبيثة

الديلر :

سلام

يراقبه محمد ويبدو أن الديلر غير طبيعي حتى إذا تمشي هو الآخر ناحية  
السيارة و التفت مناديا له كأنه تذكر شيئا ما

محمد :

مقولتليش اسمه إيه؟؟

نري علامات التعجب على محمد إذ اختفى الديلر فجأة ولم يعد له  
وجود يبدو أنه هرب مما يثير فينا الشك

تتر : فلاكاااااااا بطريقة مربعة ...

قطع

### بهو الشقة

نري اقدام مليس ومحمد يبدو أنه مصاب برأسه (بدون نظارة) ويبدو أنهما يسيران بوهن شديد لنري أن حالة محمد خطرة ينزف دماء و مليس يبدو عليها التعرق و الإرهاق الشديد (مدمنان الهيئة ايضا) ويستند محمد علي كتف مليس التي تبدو انها تجره من خطر ما محقق ويبدو أن الأجواء مشتعلة وهناك توتر واضح ويبدو أن حالة محمد تزداد سوءا لأنه يقطر دمًا

قطع

### الشقة

نري شقة في قاع منطقة مهجورة ليبدو أنه لا مناص لوجود جيران أو من يوفر المساعدة باستثناء نباح الكلاب الغير طبيعي ...

قطع

## مطبخ الشقة - بهو الشقة

نري صنبور يقطر ماءا وهناك يد (سمير) شاب يبدو عليه المستوي العال في ملابسه شيك الوجهة كان يغسل يده ويغلق الصنبور ويجففها ثم يخرج لأصدقائه إلى بهو الصالة ونري أن هناك (جلال) يبدو أنه متزعم الجلسة و بجانبه (لميس) شابة جميلة شعرها منساب تتودود إلى جلال ليبدو أن بينهما علاقة ونري أن هناك (شريف) يبدو في ملابسه البيته أنه صاحب الشقة وهو من يستضيف الآخرين فيتفحصهم سمير في ضيق فور مشاهدتهم

سمير (لنفسه) :

(راندته) لسه مجاتش

برضه !?

يخرج تليفونه المحمول و يدخل مربع المطبخ هروبا من ضوضاء الحديث بين الأصدقاء و بعد عدة رنات تجيبه (راندته)

ص. راندته :

حبيبي ..

سمير :

أخيرا رديتي .. و

بعدين فين حبيبيك

ده؟! ياريت بينفع  
معاكي وحشتيني و  
الكلام ده .. لو نفع  
كنت لقيتك قدامي  
على طول .. إنتي فين  
يارانده ؟ إيه كل ده  
بجد ؟

ص.رانده :

معلش يا سمير بجد  
أنا آسفة العربية  
عملتها معايا  
وبسببي التصوير  
أتأخر و حصل فيه  
شوية مشاكل أنا  
بالضبط فاضلي  
فاصل و أخلص  
تسجيل الحلقة و  
أجي على طول

سمير :

براحتك بقي أنت

عارفة هدخل المود  
مش هاعرف أقوم  
أفتحلك الباب و كله  
كده ..

ص. رانده (تضحك) :

لأ ماتخافش عاملة  
حسابي شريف  
مديني نسخة ،  
عينلي بس حته  
أحسن جعانة

سمير :

أنتي وبختك بقي ..  
يلا متتأخريش ..  
بجد وحشتيني

ص. رانده :

و أنت كمان

يغلق سمير وهو يبتسم بحب ويبدو أنه يحب رانده ثم يتجه إلى حيث  
يجلس أصدقائه وينظر إلى شريف المنهمك في لف إحدي السجائر و  
يناولها إلى جلال فتضحك لميس وتحاول أن تنتشلها لكن جلال يمنعها  
ويشعلها ناظرا لها بعند كتهريج

سمير (ينفخ):

أيه الملل ده هو  
محمد جاي إمتى ؟

شريف:

جاي الساعة ستة

سمير :

خفيف أنت بروح  
أمك .. أضحك بقي

شريف :

لأ أنا أروش هنا  
براحتي دي شقتي  
يا بابا

سمير :

ياد مش هتخرج بره  
شخصية السرسجية  
دي كل مرة نقعد  
كده تعيش بقي  
شوية وهلاقيك  
جايبلي مرة مو..

جلال (ينفث

دخانه):

إحم إحم

خلاص ياعم ياسمير  
معانا ولايا (يلمح  
بنظره لميس) .. بس  
مش أى ولايا ..  
أحسن ولايا في  
الولايات المتحدة

سمير (بضيق) :

لأ دأنتوا طالبة  
معاكوا قلش على



المسا و ..

شريف مقاطعاً

(يناول سمير

سيجاره) :

خد دي تروق حالك

يتناول سمير السيجارة وهو يرمق شريف بريية كأن شريف ينوي له على شئ ما و شريف يزيد الأمر بابتسامة خبيثة ، ثم يشعلها له شريف أيضا ببرود ولكن فجأة يطرق الباب بعنف شديد لدرجة أن السيجارة تسقط من سمير فيحاول أن يتلافي لسعتها على ملابسه ويبدو عليه القلق يبدو على مليس القلق هي الأخرى لكن جلال مستمر في التدخين فينهض شريف وهو يضحك على أفيه جلال متجهها للباب الحديدي ليفتحه

قطع

ليل - داخلي

مشهد ٥

مطبخ الشقة - بهو الشقة

فري شريف يفتح لمحمد الذي يعدل نظارته وهو ينفخ ويدفع بشريف ويدخل بثقة

شريف :

اتأخرت ليه

محمد:

الدنيا زحمة أوي

نسمع صوت الكلب ينبع وشريف يتنبه لوجود الكلب بالخارج ولكن  
لأنراه فنري أن شريف يتفحص الحال من الخارج و يغلق الباب بالمفتاح  
ونري أنه يمتلك المفتاح ثم يتبع محمد يخلع محمد جاكته وهو يتحدث

شريف :

ياعم أنت جايب  
الكلب بتاعك ليه ؟  
هو إحنا ناقصين  
تاني .. أنت عاوزه  
يبوظ ليليتنا زي المرة  
الى فاتت الى فرج  
علينا الشارع فيها !؟

محمد :

شارع إيه هو في حد  
بره في الحتة  
المقطوعة دي  
ياشريف اقفل  
اقفل .. ومتقلقش أنا

ربطته كويس  
(للجميع) إزيكم ..  
يلمح سمير) الله ..؟  
أبو السمارة مش  
قلت إنك مش  
هتيجي ثاني هنا ..  
(لشريف) إيه ياعم  
شريف إحنا لازم  
نحفل عليه ماهو  
مش ضرب بس نخلي  
فيه شتيمة ..

شريف :

المهم جبت الحاجة  
الكديدة اللي قلت  
عليها دي!؟

محمد :

آه جبتها

شريف يبحث عن مافي يده من حقيبة ام لأ ..

شريف :

فين يابني لا شايف  
شنطة و لا كيس و لا  
لفة

يشير محمد لجيب الجاكيث ويربت عليه فيفهم ريف أنها بجيبه فيhez  
رأسه

محمد :

لو صبر القاتل ع  
المقتول .. الأفلام  
أكلت دماغك

شريف:

آآآهه فهمت

بينما يتسم شريف يلمح سمير وهو يشيت على هاتفه يبدو أنه يرسل  
رسالة إلى رانده يوبخها على التأخير

شريف (لمحمد) :

طب انجز أحسن  
مزة سمير بتري

الشوق جواه لغاية  
ماستوي عايزين  
نخليه ينسي رائده  
واللى خلفوها .. أدي  
أخرة اللى يحبلي في  
مذبة

يرمقه سمير بغضب وهو صامت بينما ينتهز محمد الفرصة لتوجيه  
ضحكته إلي لميس التي تبادلته الابتسامة فيخبطه شريف علي كتفه  
ليخرجه من تبادل النظرات بينما لميس تلمس علي شعرها خجلا و يبدو  
ان جلال لاحظ الوضع ولا يعلق فقط يدخن ببرود

شريف :

طلع يا بابا انت  
هتتفرج علينا .. إحنا  
خرمانين

يدس محمد يده في جيب الجاكت فيخرج ٥ أكياس شفافة بهما مادة  
تشبه الثلج المجروش فيتأهب الجميع لما أحضره .. ويضعهم علي  
المنضدة أمام جلال و لميس

جلال (باهتمام  
يقترب منها) :

افف دي ريحتهما  
وحشة أوى .. هى  
بتتاخذ ازاي .. زي  
البيسة ؟

يومئ له محمد ثم يخلع نظارته ليتأهب لتحضيره

محمد :

أنا هوريكم ازاي

شريف :

لا لا انت لسه  
هتورينا ..

محمد :

لأ لازم تشوفوا لازم  
اوريكم بنفسى

سمير (بريبة) :

سؤال معلش إيه  
البتاع ده أنا أول مرة

أشوفه

محمد :

ده بقي صنف  
منتهي الوحشية زي  
ماقالولى .. هيخليك  
وحش يعنى تمسك  
الأنسة رانده تبقي  
م...

جلال (يطرق على  
المنضدة بعنف):  
يا عم إحنا قلنا معنا  
ولايأ الله يخرب  
بيوتكم ..  
هتطفشوها

ينظر جلال للميس التي يبدو أنها اتخرجت ولكن تركيزها على شئ ما  
يبدو أنه أحد الأكياس قد سقط عند طريقة جلال دون أن يدري ثم  
يضحك للجميع ل يبدو أنه يسخر و لميس تضحك معهم  
جلال (يمسك بأحد

الأكياس) :

أدوس أنا الأول ..  
عشان دمي شكله  
فار زي مانتهم  
شايفيني

يكمل الجميع ضحكهم بينما سمير يرمقهم بضيق يبدو أن تأخر رانده  
ضايقه

قطع

ليل - داخلي

مشهد ٦

بهو الشقة

(فوتو مونتاج موسيقي) و طريقة تحضير المخدر كالبيسة على يد شريف  
ثم يتعاطاها جلال كبداية في حقنة (حقن و خراطيم صغيرة) وينتشي  
جلال منها ثم يشعل سيجارة .. ونري لميس تتلفت في قلق ويبدو انها  
تنوي علي فعل ما .. فتقف ممسكة بحقيبتها الصغيرة فيشدها جلال  
دون النظر إليها ثم ينظر ببطء دون الحديث

لميس :

ايه يا جلال رايحة  
الحمام



جلال (يتركها) :

ماشي

تومئ له فترك الجميع و نري أن هاتفها يشير إلى بطارية ضعيفة فتضعه في الشاحن ثم تدخل الحمام

محمد :

دوري بقي جهزي  
ياشريف زي  
ماعملت مع جلالو

شريف :

وجب يا أبو  
الدوايب يا مظبطنا

قطع

ليل - داخلي

مشهد ٧

حمام الشقة

تدخل لميس الحمام وتغلق الباب بحذر بينما تشاهد البقية مندمجين في الحديث ثم تخرج ولاعة و معلقة و خرطوم وحقنة ونصف ليمونة ونلاحظ ان لميس تبدو في مظهرها وهى تطالع نفسها في المرآة أنها مدمنة عيانان و مونوكير المتقشر لاتهمت بمظهرها .. ثم تفرش ماسبق

أمامها ويبدو أنها تتلف لتجربة ما ويتضح أنها تخرج آخر شئ كيس  
الفلاكا الذي سقط سهوا من الرجال وهى تخرج منه ربع صغير وتعلق  
الباقى نية في ارجاعه حتى لا يكتشف أمرها وهى تبتسم بحماس ولكن  
فجأة تقطع الإضاءة و تتذبذب فتتظر لميس للنور أعلاها وتتبدل  
ملامحها (دليل شؤم)

## قطع

ليل - داخلي

مشهد ٨

بهو الشقة

نري جلال ناظرا لأعلى والضوء يتذبذب فيتحدث بوهن بعض الشئ

جلال (لشريف) :

ياليلة سودا هو ده  
الصنف ولا الكهربا  
عندك شاربة حجرين

شريف :

لأ ياريس هى كده

بس هتظبط

جلال :

إيه يا محمد الصنف  
ده أنا حاسس إني  
شايف كل حاجة  
بتبيض

في تلك اللحظة ينظر جلال إلى محمد فنري أن عينيه قد بدأت تبيضان  
فعلا فينهض محمد فزعا وهو يبادل شريف و سمير النظرات القلقة  
وشريف يشير له برأسه (مالك؟) فيشير محمد إلى جلال دون أن يشعر  
ثم إلي عينيه فيشير له شريف بأن كل شئ على مايرام

شريف :

ياعم اقعد عينه

غربت بس

هههههههه ده شكله

صنف غيبه على

حق

نري أن جلال فعلا قد بدأت تظهر عليه اعراض من التوهان و شدة  
أعصاب و حركات حادة برأسه ويتعرق فجأة ويبتلع ريقه بصعوبة وهو  
ينظر إلى شريف دون إدراك للكلام و صوته قد اصبح بعيد و مكتوم  
بصدي صوت و الرؤية باتت غير واضحة وفجأة يحاول تمالك نفسه لكنه  
يسقط علي جانبه محطما ما أمامه علي المنضدة من زجاجات وينتفض  
الثلاثة في رعب من ما حدث لعمر يحاولون افاقته وجس نبضه .. ويبدو

انه ضعيف

سمير (بقلق) :

وبعدين ياجدعان  
دي مصيبة .. جلال  
شكله افور

شريف :

إيه ياعم الخواف  
هي أول مرة نهير  
كده !

محمد :

لأ الموضوع مش  
طبيعي شفت اتهد  
إزاي

شريف :

إيه ياعم الدولاب ..  
أنت قلبت كوميدينو  
ولا إيه !؟

سمير :

أنا بقول .. نكلم  
الاسعاف طيب

شريف :

انت اتجنت انت  
عاوز تشردنا و  
تشردي أنا بالذات

فجأة يتأوه جلال فيقتربون منه ولكن يشاهدون تصرفات غير طبيعية  
منه وعشوائيه وفقدان اعصاب وعينيه تقلب بيضاء بالكامل والثلاثة في  
فزع منه شديد .. وعدم استجابه لهم و كأنه في عالم آخر

سمير (بخوف):

هو .. هو ... بيعمل  
كده ليه ؟

شريف :

استني نعدله ..  
معايا يامحمد

محمد :

انت شايف انه  
يعرف يقف ده كل  
حاجة في جسمه  
بتتحرك

شريف :

اعدله بس معايا

فجأة نري أن جلال بتلقائية شديدة يعض يد شريف الممتدة له فيصرخ  
شريف متفحفا يده التي جرحت

شريف :

اربطه يامحمد  
امسكه كويس أنا  
مش عارف جلال  
ماله

جلال يتحرك حركات لا إرادية

محمد :

امسكه إزاي وهو  
كده !؟

شريف ممسكا بيده و ملتقطا منشقة

شريف :

استني أجيبه حبل  
طيب نمسكه بيه  
ونفوقه

سمير (بعصية):

مفروض مفروض ..  
تتيموه يرتاح مش  
تقعدوه

(ينظر لمحمد)

وبعدين إيه البتاعة  
الى أنت جبتة ده !؟

يحضر شريف الحبل ويناولہ لمحمد الذي هم بربط جلال بينما ينظر  
شريف بتوعد إلى سمير ملتفتا له

شريف (بعصية) :

أنت اتعميت و مش  
شايف إيه الى عمله  
فيا .. و بعدين لو  
مش عاجبك أتتيل

غور في داهية مش  
طالبة عيال صغيره ..  
وعشان تبقي عارف  
لو نام ممكن يروح  
ميرجعش لازم نفوقه  
و جلال صاحبي  
أكثر من أمك

سمير :

أنت عيل ابن كلب  
على فكرة

يقترب شريف نحو سمير ليضربه بينما نري أن محمد انتهى من ربط  
جلال ربط غير كلي وهو مازال يتشنج و يتأوه بلا مشاعر وهو غائب عن  
الوعي رغم عينيه المفتوحتين ويذهب محمد لفض المشاجرة

محمد :

ماتحترم نفسك يا بني  
انت وهو ونشوف  
المصيبة اللى إحنا  
فيها



نري أن تشنجات جلال توقفت و يبدو أن الحبل المربوط به بدأ ينسل  
ليحرره

شريف :

عيل فافي صحيح  
جتك خيبة علي الي  
ربتك .. شربتك من  
بزازة حريمي

سمير :

عارف أنا لو مكتتش  
في بيتك ...

فجأة نري جلال في حالة من حالات التوحش (كالزومبي) وهو ينقض  
على سمير بعنف يقطع فيه وسمير يستنجد بهما لكنهما في حالة صدمة  
ويهرعان محاولة في الهرب نري أن محمد ذهب في اتجاه الحمام فيدفعه  
و يدخله و ليس تصرخ متواصل ويبدو عليها بعض الدوار أما شريف  
يحاول الإختباء فينظر لباب الشقة بخوف و يدس يده في جيبه ليكتشف  
أن المفتاح ليس بجيبه فيلمحه ساقطا بجوار جثة سمير فيحاول أن  
يتسلل ليمسك به لكن تحركات جلال الشرسة منعه وهو يشاهده يهرع  
إلى اتجاه الحمام .. ناحية صراخ ليس و محمد معها ..

قطع

## سيارة خاصة - أوبر

نري راندة فتاة شيك تركب سيارة أوبر و السائق يشغل الجي بي اس ويبدو أن هناك ضائقة مرورية فتنفخ رانده وهى ترفع سماعة الهاتف لتتصل بسمير

قطع

بهو الشقة

نري أن هناك حالة من الصمت الرهيب و المخيف بالشقة و الضوء يتذبذب و هاتف سمير يرن (سايلنت) بجوار جثته بينما في الخلفية نري أن جلال يهجم برأسه بقوة شديدة في باب الحمام ثم يعاود هجمته برأسه أقوى وهو يتلوي كالزومبي و كأنه ملبوس وهناك شيء ما يتحكم به بشكل مخيف جدا و يصدر الفحيح

قطع

## بهو الشقة - حمام الشقة

نري أن محمد يكتم نفس وليس بينما يستمعان إلى طرق جلال ونري أن  
 ليس تدمع عيناها رعبا ثم يشير لها محمد بالصمت (هششش) فتومئ  
 له فيتركها ويبحث عن مخارج في الحمام ولكن لا يوجد فينظر للباب  
 (دلالة أنه الملاذ الوحيد) ثم يلمح مقشة فيمسك بعصاها ثم ينظر  
 للميس التي تتسائل ماذا سيفعل برعب

محمد (هامسا) :

أول ماأشاورلك

تفتحي الباب و أنا

هضربه

تنظر له ليس بقلق ثم تهز رأسها نفيا برعب

لميس (بهمس و

بكاء) :

هو فيه إيه بره !؟

محمد :

جلال مش عارف إيه

الى حصله .. المهم

ساعديني نخرج من  
هنا و بعدين نفهم  
في إيه !

تومئ له فيستعد محمد بوضعية للهجوم وليس تتجه للباب فيشير لها لفتحه ثم يهجم فيفاجأ أن لا وجود لجلال .. فيشير لها بأن تتبعه وهو يتقدمها بالعصا فترى أن جلال منهمك على جثة سمير يأكل فيها .. نري ليس تمسك يدها على فمها من الصدمة ثم يلمحان مفتاح الشقة بجانب مقعدة جلال فيشير محمد للميس أن تتبعه فيقتربان بحذر و يمد محمد يده بحذر و بطء شديدين حتى لا يلتفت لهما جلال نري أن ليس قد لمحت هاتفها فتتجه لتأخذه من الشاحن وفور فصله نري أن لم يشحن (١٥%) فيصدر إنذار البطارية فيلتفت جلال نحو الصوت بعنف و يقف مترنحا ناحية الصوت فتفشل خطة محمد في الإمساك بالمفتاح و يأخذ جنبا ويشير للميس هي الأخرى أن تصمت و نري جلال يترنح باحثا عنهما ويهاجم الهواء حتى يحرك يده بجانب لميس التي تبكي بصمت وهي في قمة الرعب ولكن ينقذهما صوت مفاتيح الباب إذ نري شريف قد استطاع أن يتسلل و يمسك بهم ونري محمد ينظر لشريف بشر لأنه توقع أن شريف سيهرب بدونهما فيشتبك معه محاولة الحصول على المفتاح ويستمر الصراع بالقرب من الحمام فيدفعه شريف بقوة لتصدم رأس محمد و يسكن مغشيا عليه بلا حراك و هنا ينتبه جلال لشريف الذي يجري تجاه الحمام فيجري وراءه ويدخل الحمام معه و يهجم على شريف بقسوة و المفتاح يسقط منه على الأرض فتسارع لميس بأن تغلق الحمام حتى يبق جلال و شريف بالداخل و هنا يزول الخطر ولكن الشقة مغلقة ..

تحاول لميس أن تتحرك مجيئة وذهابا تحاول تفتيش جثة سمير فتجد الهاتف مكسورا ولا يعمل التاتش ولا تستطيع أن تتعامل معه فقط شاشة مضيئة .. تبحث في جيوب محمد لا تجد شيئا تحاول الوصول خارج النفاذ و تصرخ لا ملاذ فتتنظر للحمام ولا تجد غير أن تشجع وتفتح الباب بحذر لتخطف المفتاح .. فتميل بجسدها لأسفل لتري المفاتيح بالقرب من عقب الباب تحاول مد اصبعها لكن محاولة فاشلة .. لم يبق لها غير أن تفتح الباب وقد لاحظت أن هناك حالة من الصمت بالداخل فتفتح الباب بحذر و تمد يدها لالتقاط المفتاح لكن فجأة يهجم عليها جلال قافزا فتراجع للخارج ويخرج لها جلال فتتفادي هجمته وترواغه بالدخول للحمام مرة أخرى فتغلق الباب و تركز بظهرها و هي تنزل لأسفل و تنهار من البكاء و المفتاح أمامها ولكن فجأة تستمع إلى صوت باب الشقة يفتح .. نري جلال ينتبه هو الآخر و يترك باب الحمام

مشهد ١٢

ليل - داخلي

### بهو الشقة

نري رانده هي التي تفتح الباب وتدخل وهناك حالة من الصمت باستثناء خيال يقبل عليها ويبدو عليها الضيق  
رانده (بعصبية) :

جري إيه ياسمير  
إحنا مش قلنا نبطل  
حكاية السايكلنت  
دي .. (بقلق) هو

محدث بيرد عليا ليه

تفاجأ راندة بالمشهد الدموي أمامها فتصرخ بينما يظهر لها جلال الذي يسرع إليها ليتغذي عليها فتجري إلى آخر الصالة بتلقائية فيمسك بها وهي تصرخ من الألم و تحاول المقاومة نري أن ليس تفتح الباب و تتخذها فرصة إذ تجري إلى خارج الشقة فتأخذ فرصتها في الجري بلا توقف (سلو موشن)

## قطع

ليل - خارجي - داخلي

مشهد ١٣

### أمام الشقة - كوريدور - المطبخ

تجري ليس وتظن أنها خرجت إلى أن تتوقف لأمر ما فجأة إذ تري كلب يبدو عليه الشراسة وهو يتأهب لها و يزمجر ويبدو أنه اشتتم خوفها أن شعر بحالتها المتغيرة (لأنها ستتحول) ويستعد للهجوم عليها فلا تدري ماذا تفعل غير أنها تعود أدراجها حتى الكوريدور و نري جلال منهمكا في الهجوم على راندا التي مازالت تقاومه ، ونري أن الكلب يطارد ليس حتى يدخل الحمام متعثرا فتغلق ليس باب الحمام عليه ونري أن الكلب يمد قدمه و فمه ليمنع غلق الباب لكن ليس بعد معاناة تغلقه على الكلب وبعد ضربه بأي شئ فتتنهد وهي ترجع بظهرها ولا تتبته لذلك الكوب الذي يسقط و يحدث صوتا لينتبه له جلال ولكنها بتلقائية سرعان ما تزحف إلى مربع المطبخ و تري أن جلال يقف في مواجهة باب الحمام ويبدأ في الهجوم على الباب كما سبق مرة أخرى و صوت الكلب بالداخل يزمجر و جلال يباده الفحيح .. نري أن جلال هنا يقف حائلا بين ليس و بين باب الخروج هنا نري أن الإضاءة تتذبذب فتتوتر ليس و

تحدث صوتا تحريك لشئ رغما عنها نتيجة ارتعادها فيلتفت جلال إلى مصدر الصوت .. تنهار لميس و تظن أنها النهاية ولا تدري ماذا تفعل و جلال يقترب من مربع المطبخ تفكر و تنظر حولها و تري أن هناك سخان مياه (بويلر) و نري أن جلال يبحث ببطء عن أى شئ يباغته و فجأة تضرب لميس وجه جلال بالسخان فيجن جنونه عليها .. وحانت فرصتها للهروب ولكنها تتعثر بجثة سمير وتسقط على الأرض فتدخل في قدمها سن عصا الملقشة التي سقطت جراء العراك ما بين شريف و محمد و نلاحظ التواء في قدمها فتبكي محاولة الوصول إلى الباب وتنهض بصعوبة وهنا يستطيع جلال أن يهجم على لميس التي تصرخ ولكن فجأة تمتد يد محمد ليظهر أنه لم يمت ويهجم على جلال دافعا به إلى الأرض و لميس تتخذها فرصة للهروب و تمشي بهرولة عارجة إلى الباب للخروج من تلك الشقة اللعينة التي ظنت أنها قبرها لكنها تتوقف ويبدو عليها الندم لتركها محمد إذ تعود له لتنقذه تتناول طفاية سحائر بجانبها كانت ملقاة مع محتويات المنضدة و تهجم على رأس جلال (لانس صوت الكلب الذي يزمجر محاولا الخروج ليوتر الأمر)

لميس (تصرخ مع كل  
ضربة):

موووت موووت  
مووووت موووت  
موووت

نري لميس وهى تهدأ وتتهد وتلقي بالذي في يدها و تنهض من على  
جلال الذي تهشمت رأسه

قطع

### بهو الشقة - أمام الشقة

نري محمد يستلقي بضعف شديد بينما تساعده لميس على الوقوف  
ليستند عليها ويبدو أنها تضعف كل حين ولكن بمجرد الخروج هي  
الأخري (مشهد ١) في اتجاه الطريقة أمام الشقة

### قطع تبادلي

نري بأعين الكلب والتي تبدو أنها ازدادت وحشية تتحرك داخل الحمام  
بسرعة تتفحص كيس الفلاكا الذي فتحته لميس و يتناول منه فيعوي أكثر  
ويزداد وحشية و يدفع باب الحمام بقوته ليفتحته ثم ينطلق بسرعة  
رهيبة حتى يصل إلى لميس و محمد الذي يستند عليها ليتنبها له  
ويصرخان

### قطع

تتر : احذروا من

الفلاكا

" أو "



### أمام الشقة

نري محمد يستلقي بضعف شديد بينما تساعده لميس على الوقوف ليستند عليها ويبدو أنها تضعف كل حين ولكن بمجرد الخروج هي الأخرى (مشهد ١) حتى إذا وصلا باب الشقة تنهار لميس هي الأخرى وعينيها تغمضان رغما عنها كأنها تشعر بالدوار

محمد (بتعب) :

مالك يالميس ؟!!

فتنظر له ففري أن عينيها ابيضتنا هي الأخرى و متعركة ، يتركها محمد محاولة الهروب لكن أصابته جعلته بطيئا فتقف لميس على قدميها ويبدو أنها تحولت فيمد محمد يده وهي ترتعد و بوهن شديد خارج حدود باب الشقة لكن نري أن لميس تشده لتقتله (كما فعل جلال لحظة تحوله) (نري هذا الهجوم من خارج الشقة ظل لميس / بلور وهي تنهال على محمد الذي يصرخ) و تنسال دماء محمد خارج حدود الشقة و كأن الدماء هي من استطاعت الخروج فقط ..

### قطع

تتر : احذروا من

الفلاكا

بعد التتر أثناء الإظلام :

نسمع صوت باب  
الحمام و الكلب  
يزمجر وهناك صوت  
عركة ثم يعوي دلالة  
انهزامه و فحيح  
شديد ..

تعود الصورة : و نري لميس من خلفها تتمشي و تترنح إلى خارج الشقة  
من خلفها و مغطاة بالدماء ونري أنها قد تحولت إلى صورة كاملة من  
الزومبي المتوحش  
شوت قصير إلى حوض الحمام لنري حقنة بجوار كيس الفلاكا ويبدو أنه  
تم تعاطي ربعها (معناه أن لميس تعاطت ربع المخدر)

قطع  
تم بحمد الله

فلاكا

السلامة

فيلم :

## ١٧- للخيانة قمن

مشهد ١

ليل - داخلي

شقة - الصالة

نري شقة متوسطة الأثاث عصرية و نري باب الشقة يفتح بالمفاتيح ونري رجل ثلاثيني العمر يدخل منزله يدعي (على) ويبدو عليه الإجهاد أو الضيق كأنه مهموم بموضوع ما و نراه يلقي بالمفاتيح ثم يخلع حذائه ويجلس على الأريكة نلاحظ أن هناك تليفزيون lcd ونراه يجلس ثم يتطلع للساعة فنري الوقت ليلا ثم يقف ويتجه إلى حجرة ما

قطع

مشهد ٢

ليل - داخلي

حجرة ما

يدخل (على) الغرفة ونراه يمد يده إلى دولاب أو درفة ويخرج منها بطانيات ويختار إحداها ثم يخرج من الحجرة

قطع

## الصالة

يعود (على) للأريكة ليحضرها كمكان لنومه ثم يمدد بجسده و ثم يضع هاتفه على المنضدة ثم يغمض عينيه وفجأة يأتيه اتصال ونراه من زوجته (داليا) مسجلها باسم (My Dalia ☒) فينفخ ويرد

ص. داليا (بهدهوء طبيعي):

أنت جيت ؟

علي (ينظر لغرفة النوم بطرف عينه):

أنتى شايقة إيه ؟

ص. داليا :

مبشوفش .. آسفة هكمل نومي

على :

أحسن برضه

نراه يغلق الاتصال ثم يعاود للنوم ولكن تأتيه رسالة على الواتس آب  
ونراها أتت من سيدة مسجلة باسم (آمال)

رسالة من آمال :

مهافش عليا تنام و أنت زعلان  
منى .. تصبح على خير يا حبيبي

∞∞∞∞

نراه يبتسم نصف ابتسامة دلالة على الإرتياح ثم يستقبل رسالة أخرى  
ونراها صورة لها بملابس مثيرة أو شيك وهى بغرفة نومها ثم رسالة  
صوتة أو فيديو (حسب نظرة المخرج) ونسمع صوت موسيقي شاعرية  
ونراه يسمعها في سرية وبصوت خفيض

آمال :

أنا قاعدة باسمع التراك الى  
متعودين نسمعه سوا و إحنا في  
حضن بعض

فجأة وبدون سابق إنذار تتصل داليا مرة أخرى فينظر بقلق للوراء ثم  
يجيب ونظراته تتغير للضييق كأنها فصلته عن موده

ص. داليا :

ممکن تیجی ثانیة ؟

علی :

لیه ؟؟

ولا من غیر لیه ؟ أنا کدة کدة  
مش جاي هنام عندي هنا علی  
الکتبة

ص. داليا :

کنت عاوزاک تصالحنی

علی :

ده مستحیل یحصل و بعد إذنک  
متتصلیش بیا تانی أنا جای تعبان  
و عاوز أنام

ص.داليا :

لیک حق .. ماهو طبعا جای تعبان

من عند ست الحسن اللى  
مشبعاك حب وغرام

على (بصدمة) :

نعم !!؟

ص. داليا :

بس طبعا هي مزعلاك انهارة  
عشان عاوزاك تطلّقى و أنت  
جاي مهموم و مش عارف تعمل  
إيه !

مش اسمها (آمال) برضه ؟

على ينهض من نومته جالسا

على (بكذب) :

أنتى بتخرفى وبتقولى إيه ؟!!!!  
آمال مين ؟



ص. داليا :

آمال يا على .. آمال عبد التواب  
رضا .. اللى عندها وحة في كتفها  
الشمال شبه السمكة

على يبرق من الصدمة ولكنه يتمادي في كذبه

على :

وحمة إيه وزفت إيه ؟!!!! مين  
دي أصلا ؟!

ص.داليا :

أنا عارفة إنها بعثلك (صورتها /  
فيديو ليها) دلوقت .. عشان كدة  
أنت مش طايقنى ونايملى بره  
عشان تكمل حب وحنية معاها ..  
ياحنين !

على نراه يغضب و يقف

على :

عدي ليلتك على خير وبطل  
ترميني بالباطل و متخلينيش  
أدخل أديكي القلمين بتوع كل يوم  
يمكن يفوقوكي ! ها !!!

ص. داليا :

باطل ... أنت اللى حياتك كلها  
باطل .. تحب أقولك كل حرف  
قُلتوه لبعض ... خليك صريح مرة  
في حياتك .. أنت إنسان وسخ  
وكذاب

على يتجه إلى غرفة النوم في غضب شديد

على :

أنتى مراقبة تليفونى بقى يبقى  
أنتى اللى جبتيه لنفسك

قطع

نري على يدخل بغضب غرفة النوم ونراه ينظر ناحية السرير ولكنه يفاجئ بأن داليا ليست على السرير فيصدم لكنه يتدارك الأمر بأن يفاجأ بأنها مربوطة ويديها مربوطتان وتبدو كأنها ميتة و فمها مغلق فيميل ناحيتها ليتفحصها بقلق

نلاحظ أن وجهها به علامات الصفع و الضرب

على (بقلق) :

دالبا .. دالبا

يُطرق على خديها ولكنها لا تستجيب ثم ينظر للهاتف متعجبا بأنها كيف تتحدث له أو من يتحدث إليه بصوتها فيرفع الهاتف لأذنه !

علی :

ألو !!!

ص. داليا :

ينظر لداليا التي مازالت ساكنة و لكن صوت ضحكتها عبر الهاتف  
فيتعرق من القلق

على :

أنتي مين وسرقتي تليفون مراقي  
إزاي !?

ص. داليا :

أنا مسرقتش تليفون حد

على :

بقولك أنتي مين ! و عملتي إيه في  
مراقى !

ص. داليا :

سلامة عقلك ياعلى أنا مراتك بس  
مش مراتك قوي !

فجأة وفي نفس الوقت نري داليا تنهض من خلفه ولكنها تبدو غير

طبيعية يلتفت لها على بقلق رهيب ومازال الصوت يتحدث ولكن نري  
داليا تنظر له بسكون كأنها تتحدث له ولكن عبر الهاتف فقط تعبيرات  
وجهها تتغير مع الجمل التي تصرح له بها

على :

مش فاهم .. أنتم بتخوفوني ..  
إنتي مين ؟؟؟!!!!

ص. داليا :

قصدا أنت مين ؟!  
ومتحاولش تتوقع عشان توقعاتك  
غبية زيك

داليا تبسم له بخبث فينظر لها بضيق ويشعر أنها تخدعه خدعة ما  
فيتوعد لها بنظراته و يهّم ليضربها

ص.داليا :

لأ اوعى تلمسها .. لأنك لو لمستها  
هتندم

على :

أنا مش فاهم حاجة ؟!!!!؟ إيه اللى  
بيحصل هنا؟؟ و أنتي شايفاني  
إزاي !؟

ص. داليا :

عشان أنا جنبك لكن أنت  
متشوفنيش

داليا تنظر بثقة

على (بسخرية وغضب) :

ليه لابسالى طاقة الإخفا؟؟ بطلوا  
التهريج ده فاكرين نفسكم في  
فيلم ؟

ص. داليا :

ياريته تهريج أو فيلم ! مع إني  
بأحب الأفلام بتاعتكم أوى لكن  
للأسف ده واقع ... وممر

على (بتحدي):

طب بما إنه واقع ومر يبقي نبْلغ  
البوليس و نشاركه الواقع ده

يحاول أن يتصل بالبوليس لكنه يسمع صوت مخيف أمامه فيتنبه له  
ناظرا للأمام تجاه داليا فيجدها اختفت تماما فيصعق

على :

داليا ... داليا !! (يرفع الهاتف)  
هي راحت فين ؟!

ص. داليا :

سيبك من راحت فين ؟ وخلينا في  
نقطة إني مش مراتك

على (بغضب):

هو الكلام على كيفك ؟!

ص. داليا :

طبعاً على كيفي وهيفيدك تعرف  
أنا مين قبل ماتعرف هي فين ؟

على :

أنت مين !؟

ص.داليا :

أنا جن عاشق لمراتك ومراقب أي  
حركة أنت بتعملها دلوقت

على ينظر يمينه و يساره و يتلفت حوله في رعب و نراه يستمع إلى  
صوت تنفس مخيف فيشعر به فيرتعد من الخوف

على :

أعوذ بالله من الشيطان الرجيم ..  
أعوذ بالله من الشيطان الرجيم

يجري ناحية الصالة

قطع



## الصالة

على يتجه ناحية الصاله لكي يخرج من الشقة فيجد داليا تقف و تعطيه ظهرها ولكن رأسها تميل قليلا لليمين ويبدو عليها السكون كما كانت على الكرسي و لكنها واقفة ونري على يقف لرؤيتها ونري في الكادر التليفزيون يتوسطهما

ص.داليا :

نيجي لنقطة مراتك فين .. أهى  
قدامك أهى بس روحها معايا

على :

أنت بتخوفوني صح ..  
بتخوفوني ؟!!! فيه حوار بيتعمل  
علياً .. صح ياداليا .. (يصرخ)  
انطقي

داليا تلتفت له بشكل مربع جدا وعيناها ثابتتان ولا تنظر له كأنها  
منومة مغناطيسيا ساكنة وفاقدة للوعي

ص. داليا :

ياريته حوار كان خلص و ضحكنا  
بعديه .. لكن أوعدك أيام الضحك  
خلصت يا على وهيجي البكا ..  
استني منى الى جاى لأنه قاسي و  
مؤلم

فجأة يصاب على بصاعقة تبدو أنها أتت من هاتفه فيسقط منه ونسمع  
صوت ضحكات داليا الشريرة تأتي عبره وعلى يتأوه ويسقط على الأرض  
جاثيا على ركبته  
نري على يحاول أن يتحمل و يلتقط الهاتف وهو يرتعد وقد اقتنع أنه  
جن وله قدرات

على :

أنت بتعمل ده كله إزاي ؟؟؟!!! ...  
أرجوك رجّلى مراقى زي  
ماكانت .. وسيينا في حالنا أنا  
معملتش حاجة ..

ص. داليا :

كل ده ومعملتش حاجة ؟ ... أنت

مش شايف وشها عامل  
إزّاي ..أنت فاكر إني أنا اللى  
عملت فيها كدة .. إيدك اللى  
اتكهربت دي هي اللى اتمدت  
عليها كذا مرة

على يبيكي ندما على ضربه لها بشكل يومي

ص.داليا :

بس أنا هأرجعها لك بس بتمن لإني  
شايف على وشك الندم أهو

على يومئ وهو يبيكي

على :

أي تمن .. أي تمن اللى تعوزه .. أنا  
ندمت

ص. داليا :

اتفقنا ! أنا أصلا مبقتش بأحبها

نري داليا و رأسها تعتدل كأنها عادت للحياة وعينيها تتحركان ناحيته

ص. داليا :

أنا شايف إنك اتعلمت الدرس و  
مراتك رجعتك .. نيجي للتمن  
بقي

على :

أيوة اتعلمت .. اتعلمت .. خد  
التمن اللى تعوزه وسيننا في حالنا  
أرجوك

ص. داليا :

منا هاخذ التمن ... بس تمن  
خيانتك ليها

على مصدوما كأنه يكذب إحساسه

على :

إيه !؟



على (بهيستريا) :  
بسس أنت قلت إنك مبقتش  
بتح....

ص.داليا :  
طبعا لأ ياغبى أنا هأفضل أحبها  
حتى لو هي مش حاسة بوجودي  
وبالمناسبة أنت فاكّر إن الأمر  
انتهى ؟؟

على ينتبه وهو في ذهول و صدمة  
ص. داليا :

بص لنفسك كدة !

نري على ينزل بالهاتف لنجد انعكاس وجهه على شاشة الموبايل أو  
التلفاز أن يده ملطخة بالدماء كما يشعر بيده الأخرى فتراها ممسكة  
بالسكين التي طعنت آمال

نري على مصعوقا و يلقي بالسكين أمامه وهو يهز رأسه نفيا من الصدمة  
ونراه يفقد القدرة على النطق فقط عيناه مغورقتان بالدموع بشدة

ص. داليا (ساخراً):

مبروك ... أنت قتلت عشيقتك و  
جيت هنا عشان تخلّص على  
مراتك هي كمان لولا إن البوليس  
لحقها ..

ينتبه على لكلمة بوليس وفي تلك اللحظة تسقط داليا على الأرض و نري  
باب الشقة يُدفع ونري رجال المباحث و أحدهم ممسكاً بالمسدس  
(ضابط) وهو يصرح

الضابط (صوته في الخلفية بصدي  
صوت):

إيدك فوق دماغك يا على مفيش  
داعى تفكر تعمل أي حاجة ..  
إيدك فوق دماغك

نري على في استسلام رهيب وقد ذهب عقله ثم يرفع يده فوق رأسه و  
هناك أحد القوات يربط بيده أفيز التقييد  
نري الهاتف أمامه ملقي على الأرض مكسورا إلى قطع و نري على قد ملح  
ذلك و أدرك ماهو فيه مستسلماً للواقع ثم يغمض عينيه و الدموع  
تملؤها وتنزل على خديه

قطع

- تم إيداع (على) بأحد مستشفيات المجانين لتصرفاته الغير طبيعية و  
إصابته بحالة ذهنية لا شفاء منها .. ناهيكم عن الهستيريا التي تصيبه  
بين الحين و الآخر

أما عن (داليا) فلم تتذكر شيئاً و بدا الأمر أنه شرع في قتلها ولكن تم  
إنقاذها وقد كانت صدمتها كبيرة في زوجها بأنه خانها وقتل عشيقته  
نتيجة لعصبيته المعهودة

تم بحمد الله

للخيانة تمن



السلامة

فيلم :

## ١٨- ممنوع الإقتراب أو الكيكي

مشهد ١

ليل - خارجي

مكان ما مهجورا و رعبا

نري يافطة تحذيرية على طريق وسط المجهول بممنوع الإقتراب مرسوماً عليها جمجمة وقد تلطخت بالدماء أو ملطخ عليها كف يدوي بالدم وهناك سيارة تقترب و تتوقف بالقرب منها ويبدو أن من بها لم ير هذه الياافة التحذيرية

قطع

مشهد ٢

ليل - داخلي

داخل السيارة

نري أن قائد السيارة شاب في الثلاثينات من عمره ويدعي (شادي) وهناك بجانبه فتاة جميلة غير محجة يبدو على ملامحها الشقاوة في نفس سنه وتدعي (ياسمين) ونري شادي ينظر لها بنظرة ذهول و بإعجاب إلى المكان

شادي :

يا بنت اللذييينا .. ده المكان هس  
خالص

ياسمين :

مش قلتلك مستمعش فيه صريخ  
ابن يومين .. أي خدمة

شادي (بإعجاب) :

طب إيه فاضل بقي نعمل اللى  
اتفقنا عليه

ياسمين :

ممم .. بس ها تصوري

شادي (مخرجاً) :

أصورك .. أنتى عاوزاني إيه ..... و  
أنا بأصورك ؟

ياسمين (تضحك بخفة) :  
لأ ياظريف تصورني و أنا بأعمل  
كيكي !

شادي :  
نعم .. كيكي ؟!

ياسمين :  
آه أخرج م العربية و أرقص على  
السونج بتاعت كيكي

يبدو أن شادي فهم ماتريده فبدأ يصعب عليها الأمر و يخلق حجة  
شادي :  
ودي أشغلك منين ؟ .. مكان زي  
ده مفيهوش شبكة أساسا عشان  
أشغلك من النت حتى

تخرج ياسمين من حقيبتها فلاشة وتناولها له  
ياسمين (تفحمه) :

## عاملة حسابي

يتناول شادي منها الفلاشة وهو ينفخ في ضيق ويبدو أن ياسمين استغلته  
لتأتيه هنا لتصوير الكيكي فتلاحظه ياسمين

ياسمين تبتسم بدلع :  
دي دقيقة تصوير يعنى

شادي (مستسلما) :  
ماشي ياستي لما نشوف .. كيكي  
كيكي ..

نري شادي وهو يدس الفلاشة في كاسيت السيارة ويلتقط الكاميرا من  
أمامهما

قطع

الآتى يتم تصويره  
من زاوية المصور  
(عين شادي)

## داخل السيارة

نري الآن بعين شادي ونري اصبعه وهو يشغل الأغنية والفلاشة موضوعة  
ثم يوجه الكاميرا على ياسمين التي بدأت تتمايل على النغمات و تفتح  
باب السيارة و تبدأ في الرقص ولكن في ظرف ثانيتين نري تشويش على  
صورة الكاميرا و الأغنية تتقطع ..

شادي :

ياسمين ..

ياسمين :

إيه ؟

شادي :

استني استني فيه

حاجة غلط .. هنعيد

تاني تعالى اركبي

نري ياسمين تتوقف في حالة احباط و تنفخ في ضيق وهي تنظر حولها  
نري الكاميرا تحيد عن ياسمين و تتوجه للكاسيت ولكنها تلتقط داخل  
كادرها المرآة الخلفية وهنا نري شبح يقف وراء السيارة لسيدة شعرها

طريل ويتراقص في الهواء بشكل مربع أربع شادي فشهو وهو ينظر  
خلفه بسرعة لنري أن السيدة اختفت

نشعر أن شادي يتنهد كأنه يتخيل و يعود بالكاميرا إلى ياسمين فيراها  
ركبت السيارة ووجهها مقتربا في الكاميرا ولكنه ينتفض ويصرخ

ياسمين :

إيه يا شادي مالك ..

شفت عفريت ؟

شادي :

لأ .. مفيش

ياسمين :

أنت قلتلى هنعيد ..

فدخلت تاني ..

شادي :

ط .. ط .. طيب ..

هشغل السونج أهى

تاني

نري يد شادي موجهه للكاسيت ويشغل الأغنية ونري ياسمين تكرر  
الخطوات وتخرج لترقص مدة أكثر قبل أن تتقطع الأغنية و التشويش  
يعود مرة أخرى فيتوجه بالكاميرا للكاسيت لإعادة تشغيل الأغنية

شادي (ينفخ  
لنفسه) :

في حاجة مش  
طبيعية ..(ينادي)  
ياسمين ... هنعيد  
تاني معلش ...  
ياسمين !!!???

لم يتلق إجابة منها فينظر بالكاميرا فيجد في صدمة أن ياسمين اختفت  
ليس لها أثر .. فيبحث عنها ملتفتا بالكاميرا في كل زاوية قبل أن يسمع  
صراخها يقترب من أعلى و تسقط على كابوت السيارة كأنه شيء حملها و  
أسقطها و تنزف الدماء من وجهها و ذراعيها ملطخين بالدماء

شادي (يصرخ) :  
ياسمiiiiiiiiiiين ...

نسمع أنفاسه ونري أن هناك قلق ما يدور من حوله ولا يراه وفجأة تهتز  
السيارة به فيصرخ بفزع وهناك ثلاث طرقات شديدة على سقف السيارة  
وصوت مربع فينظر بالكاميرا إلى مكان كل طريقة برعب وهو يصرخ



شادي :

فيه إيه ... فيه إيه ...

(يبيكي) ياسمين ..

ياسمين .. إيه اللى

بيحصل ؟

نري شادي بعينه يخرج هاربا من السيارة وهو ينظر للمرة الأخيرة إلى ياسمين وهى جثة هامدة و الدماء نزت على السيارة فابتعد وهو يبيكي ثم يجري بسرعة شديدة قبل أن يسمع الصوت المرعب و نري أنه تم شده للوراء فجأة ليطير للوراء بقوة و تسقط منه الكاميرا وتشويش ثم شاشة سوداء وهنا الصوت مازال مستمرا في الخلفية

قطع

ليل - داخلى

مشهد ٤

المكان

نري الكاميرا فتحت بتشويش مرة أخرى لنري وجهه شادي ملطخا بالدماء وهو يزحف محاولا الإمساك بالكاميرا ولكن نري ياسمين كأنها شبح مرعب جدا في الخلفية في الخلفية وهى تقترب منه ببطء ثم تظلم الشاشة

قطع

تم بحمد الله

ممنوع الاقتراب أو الكيكي

السلامة

فيلم :

## ١٩- مياووو

" عن الميكروفكشن (قطتى) "

مشهد ١

غروب - خارجي

أمام عمارة ما

نري سيارة تقترب من منزل وتتوقف أمامه ..

ونري شاب ويدعي سمير يرتدي قميصا مشمر الأكمام بربط عنق و يحمل شنطة سحبها من السيارة و أغلقها لنفهم أنه عاد للتو من عمله ويبدو عليه الجهد المبذول جراء يوم شاق

قطع

مشهد ٢

ليل - داخلي

شقة سمير / البهو

نري المنزل من الداخل بسيط ونري، الساعة اقتربت من السادسة

نلاحظ التعب و الاجهاد علي سمير ونراه يدخل ويعبر بجانب رف عليه تابلوهات فنشاهد تابلوه كبير له مع قطة جميلة الشكل بيضاء ومن حولها ٣ قطط صغار رضع .. ونري تابلوه صغير الحجم له وبجانبه زوجته ونفهم ان اهتمامه اكثر بالقطط .. وبالتركيز علي صورة الزوجة

بالتابلوه نسمعه ينادي علي القطة

ص. سمير (بهدوء طبيعي) :

كاندي .. كانديييي

نراه يقترب من شئ علي الأرض ويصاب بالذهول فيترك الشنطة لتسقط  
و يهرع منثيا علي الأرض لنلاحظ أنه وجد صغار القطة الثلاثة مبعثرين  
وليس في مكانهم فيحدثهم بحزن

سمير :

إيه الي عمل فيكم كده وفين  
ماما كاندي ... صوته يعلو ..  
كانديييييي

نلاحظ انه لامجيب .. فتراه يضع صغار القطة في مكانهما ثم ينتبه  
لسماعه لصوت ما في المطبخ فيقترب بهدوء

قطع

## شقة سمير / المطبخ

يدخل المطبخ فنراه مطبخ مودرن تتوسطه منضدة لا نركز عليها الآن  
وبجانب الموقد نري زوجته وتدعي بثينة يبدو جسدها ممشوقا من  
خلفها ويبدو انها تتصنع انها تتجاهله

سمير : بثينة ...

بثينة

تنتبه له بثينة ..

بثينة :

أنت جيت

ياسمير ..

سمير (متعجبا) :

يعني

مسمعتنيش وانا

بنادي علي

كاندي .. هي فين

كاندي !؟

بثينة :

بدل ماتظمن  
عليا داخل  
تظمن علي  
قطتك ؟

سمير (باحراج) :

أصل .. أصل  
لقيت عيا....

بشينة (تقاطعه) :

ماأعرفش .. روح اسأل الي  
جابتهالك

سمير :

أنتي عايضة تتخانقي؟! طب  
ياريت تأجلي الخناقة دي لبعد  
مانلاقي كاندي وعشان راجع من  
شغلي هفتان .. ممكن ؟

بشينة تنظر له بضيق وبخبت لفهم انها خططت لشئ ما ونراها تتابعه  
بطريقة مريبة كالقطط وهى تسمع صوته

ص. سمير :

بقولك ممكن تدوري معايا ..

تنظر له بضيق سرعان ما تتحول ملامحها الي بسمة مجاملة نفهم انه  
التفت لها وتجيبه بإيماءة مصطنعة

قطع

ليل - داخلي

مشهد ٤

شقة سمير / حجرات متفرقة

(فوتومونتاج) (مشاهد متبادلة)

- نري سمير وهو يبحث هنا هناك

و نري بثينة تبحث بعيدا عنه ونراها من بعيد تنزل علي ساعديها  
كالقطط و تشم و نسمع صوت ارتياح القطط ..

ينتبه سمير لها ولتصرفاتها بشكل مريب ونراه يفقد الأمل في العثور على  
كاندي

سمير (إحباط) :

هتكون راحت فين بس .. ؟!

بثينة (ترتفع بنصف جسدها

وتحدثه) :

ماتخافش أنا متأكدة إنها  
مخرجتش من هنا

سمير :

ومتأكدة إزاي يعني .. ده أنتي  
عمرك مافكرتي فيها ولا في  
وعيالها .. عمرك مافكرتي في  
حنيتهم .. يبقى إزاي .. ؟!!!

نراه وهو يتحدث يجلس محبطا و نري بثينة تقترب منه لتفك ربطة  
عنقه

بثينة (بدلع) :

أنا آسفة  
مكنتش أعرف  
معزتها أوي كدة  
عندك .. طالما  
حبيبة حبيبي  
تبقي حبييتي أنا  
كمان



نلاحظ أن كحل عينها يبدو مرسوما كالقطط و هي تفك ربطة عنقه  
وتفك زرار قميصه تميل علي صدره كالقطط و نسمع صوت ارتياح  
القطط فينتفض سمير ويبدو أنه يتهيأ له بسبب حزنه على القطة فيدفع  
بشينة بشكل مريب ويبدو أنه لاحظ تغيرها لكن هي مازالت علي  
سجيتها الغريبة

بشينة :

مالك يا سمير ...

طيب ...

الأكل جاهز

عشان شكلك

تعبان .. أنا

محضراك

مفاجأة هتنسي

فيها التعب

تشير ناحية المنضدة فنجد المنضدة مجهزة لعشاء رومانسي وشموع  
ومفرش أحمر ونري مكتوبا (عيد جواز سعيد)  
يومئ لها سمير مندهشا ويتسم كأنه تذكر ثم يتحضر ناهضا بإتجاه  
المنضدة

قطع

## شقة سمير / المطبخ

نري بثينة تتجه ناحية الموقد وهي تغرف له شوربة بالكرامة .. وتبدو أن  
بها قطع لحم وتضع له الطعام وهو متعجب ثم تفتح الكاسيت  
بموسيقى ما بين الكآبة وبين الرومانسية ..

سمير :

بثينة ...

بثينة (تقاطعه

بدلع) :

قولي يابوسي ..

(تميل برأسها على

صدره كالقطط)

ولاً كاندي هي

اللي كانت بتدلح

في البيت ده

بس !؟

سمير (متعجبا

ويسايرها) :

بوسي .. أنتي

كويسة !!؟

بثينة (تبتسم  
له) :

مفيش حاجة  
كويسة و أحلي  
من عشا  
رومانسي مع  
حبيبي في عيد  
جوازه بيا

سمير يبادلها الإبتسامة ويحاول أن يساير الأمور لتبدو طبيعية ولكن  
يبدو الأمر موترا ونري وجهه سمير يتعرق .. لانعلم بسبب دخان الشوربة  
الطازج أم من خوفه من بثينة ؟ والتي نراها ترفع رأسها ثم تجلس  
بجانبه وتمس علي وجهه ونلاحظ أظافرها طويلة (مركبة) .. ثم تناوله  
الملعقة بقطعة لحم وشوربة

بثينة :

أول مرة أعملك  
الشوربة دي  
ياريت تقولي  
رأيك فيها

يبتسم لها يأخذ الملعقة ويتذوقها وتبدو لذيذة جدا يومئ لها بأنها لذيذة ثم يكمل طعامه بنفسه وهي تجلس أمامه تشاهده تسند رأسها على كفيها تعزف بأصابعها بالتدرج على وجهها كمن تنتظر شيئا ما .. فينتبه سمير بعد عدة معالق انهمك بهم أنها لا تأكل

سمير:

مش هتاكلي !؟

بثينة :

لأ أصلي بمحبش  
الشوربة (تشير  
ناحية الموقد)  
لكن هاكل  
متقلقش !

يبتسم ويومئ لها

نلاحظ أن الطبق عميق ونلاحظ أنه غرف ملعقته من عمقه فترتفع مع الملعقة ميدالية بالداخل وكتب عليها حرف C ينظر له مصدوما

نذهب إلي فلاش باك سريع

قطع

## فوتو مونتاج

## فلاش باك

- سمير وكاندي معه ونراها ترتدي ربطة العنق عليها حرف السي وهو يلعبها ويلطفها
  - نري بثينة في قمة الإحباط و كحل عينيها ملطخ و أظافرها عليها مونوكير مقشر و نفهم أن سمير فضل القطة عنها بشكل أصابها بمرض نفسي
  - نراها تمسك القطة بعنف شديد ويبدو على نظراتها أنه جن جنونها
  - نرى الساطور يهبط على القطة
  - نري القطة مسلوخة وهى تعدها للطعام
  - نري حلة الشوربة وهى تغلي فوق الموقد
  - نري طبق الشوربة أمام سمير
- نفهم أنها انتقمت و طبخت له القطة على شكل وجبة شوربة دجاج
- نهاية الفلاش باك

## قطع

## شقة سمير / أنحاء الشقة

## عودة من الفلاش باك

نري بسمة سمير اختفت ويده اهتزت بالملعقة ويبدو عليه ملامح التحضر للقي ممسكا ببطنه فور ادراكه بالأمر و نراه يرتعد وهو ينظر لبثينة التي نظرت له بابتسامة باردة ، ثم يتحول بنظره الي طبق علي رخامة المطبخ فيجد فرو كاندي ملطخ بالدماء فيفزع و يتقيأ من القرف و هو يبكي وعيناه تدمع في صدمة

سمير (بعصبية

وعيناه على

الفرو) :

إيه اللي عملتيه

ده يامجنوونة

لاتجيبه فينظر إلي بثينة لا يجدها أمامه

Jump scare وهي تقفز كالقطط علي قدمه تتمحك بهما وهي تقول له

بثينة :

أكلتك كاندي

عشان تفضل

جواك ..

مش ده كلامك

ليها انها حتة

منك

أهو أنا خليتها

حتة من بطنك ..

نلاحظ أن تصرفات بثينة باتت بشكل مؤكد أنها مثل تصرفات القطط بالضبط ونري سمير يتنفس بسرعة من الرعب فيدفعها بركلة

سمير (يصيح) :

ابعدي عني ...

تضحك له بثينة و هي تبخ كالقطط

بثينة :

مش قلتك إن

أنا متأكدة إنها

مخرجتش من

هنا .. !؟

نري سمير ينظر لها بشفقة ونري الوضع موترا وهي تراقبه بصمت علي  
أربع تنظر له و تحرك فمها وتتسع به كالقطط التي تتشاءب وتراه وهو  
يخرج هاتفه

بثينة :

هتعمل إيه  
ياسمير ، مش  
هتقبلني كقطة  
جديدة في بيتك  
وتسميني بوسي  
وتلاعبني زيها

سمير (ينظر  
للهااتف بعصبية  
ويده تهتز) :  
لأ هاقبلك في  
مستشفى  
المجانين

أنتي مستحيل  
تكوني بثينة الي  
أعرفها .... في  
حاجة حصـ



يقاطعه انطفاء النور

يصرخ سمير من الخضة ثم نراه يفتح كشاف الموبايل باحثا عنها ونري الوضع توتر أكثر ونسمع مواء و ضحكات متقطعة لبثينة بشكل مربع جدا ، و سمير يتعرق من الفزع ويبدو حبيسا من الداخل إذ نسمع صوت الأقفال الخاصة بالباب تغلق و نري يد بثينة تعلقها لفهم أنها تحبسه داخل شقته

و أثناء بحثه يشعر بصوت أمامه فنراها تلحس يدها كالحقطة وهى متكومة أمامه ثم تنظرله علي الفلاش فنشاهد عينيها كالحقطة ثم تهرع عليه فيجري منها ويتعثر علي كرسي أو الأريكة ثم ينهض و تهدأ الأمور ونلاحظ أنها اختفت مرة أخرى ثم يقف ليحاول شق طريقه للخارج

**jump scare** فجأة نري النور يعود مرة أخرى فنري بثينة من خلفه علي سطح الشلابة

يفزع سمير ونراها تقفز عليه ليسقط هاتفه منه فيهرع إلي أحد الأبواب ونراها تجري خلفه فيتعثر وتقضم قدمه بقوة لتخرج لحم منها فيتألم بشدة وهو يزحف ثم يعاود النهوض و الجري فيبتعد عنها إلي حجرة مظلمة بالمنزل و يغلقها خلفه ... ونسمع طرقات وخرابيش علي الباب مريبة

قطع

شقة سمير / أمام  
باب الحجرة

نري بثينة من الخارج هي التي تقوم بالخربشة ثم تبدأ في طرق الباب  
برأسها بشكل متسارع و مخيف جدا وهى تبخ كالقطط السعرائة  
نسمع سمير يصرخ من الداخل

دمج

شقة سمير / الحجرة

نستكمل صراخ سمير

سمير :

٢٩٤نتيع اوزة

مني إيه

يامجنو وونة

يصمت كل شيء ونراه تحت ضوء القمر من خلال النافذة ونراه يبحث  
عن ولاعة فيجدها في جيبه ثم يبحث وهو يسير بصعوبة في أرجاء  
الحجرة عن أي مخرج و نري أن النافذة عبر الستار من ارتفاع عال  
فمستحيل أن يقفز فيحبط ويجلس من التعب ويمسح عرقه و يبكي من

فرط الذعر و الألم بسبب قدمه المصابة والتي نراها تنزف

ونراه يبحث في جيبه عن سيجارة ليشعلها

بمجرد أن يشعل الولاعة يجد بثينة بجانبه وهي **jump scare scream**

تبخ له و يبد شكلها مرعبا بحق ثم يظلم كل شيء و نسمع صرخات

سمير مختلطة بصوت بخ القطة و موائها المرعب و صوت لحم يتقطع و

نهش في جسده .. إلى أن يتوقف صراخه تدريجيا

قطع

تم بحمد الله

مياووو

السلامة

(رابعاً: أفلام مُلهمة)

Inspiring Short Movies

فيلم :

## ٢٠- قوة الرحمة

"إهداء إلى منظمة اليونسف - عن فكرة الصديق / أحمد القويسني"

نهار/خارجي

مشهد ١

حديقة ذات طبيعة خلابة

نسمع أصوات أغنية عيد ميلاد من أسرة صغيرة العدد  
ونراهم ملتفين حول منضدة و بها تورتة جميلة المنظر و أمامها طفل  
ملاحه وسيمة (ابن ناس) يرتدي ملابس أنيقة  
يغنون أغنية عيد الميلاد و الطفل يطفئ الشمع بعد أن يتمنى أمنيته  
(فوتومونتاج)

يحتضنون الطفل فرد تلو الآخر

يقدمون هداياهم

يسعد الطفل بكل هدية

دمج

## مشهد ١ ب

نهار/خارجي

### الحديقة ذات الطبيعة الخلابة

نري أن أفراد العائلة منهمكين بالتحدث إلى بعضهم و الطفل يشاهدهم  
ثم فجأة يسمع صوت طيارة نفاثة (حربية)

فيلتفت للوراء و يتقدم ببطء و يبدو عليه أنه لفت نظره شئ ما  
فيتقدم ناحيته وعلي وجهه ملامح البرود (شئ ليس جديد عليه)

دمج

## مشهد ١ ج

نهار/خارجي

### الحديقة ذات الطبيعة الخلابة

نري أن الطفل تقدم ناحية سياج و رفع يده لتتشابك به و ينظر كأنه  
يشاهد شئ ما

دمج

## مشهد ١ د

نهار/خارجي

### الحديقة ذات الطبيعة الخلابة / جزء من أرض الحرب

نلاحظ أن الطفل لفت نظره توأم له ينظر له من الناحية الأخرى من  
السياج

نري أن الناحية الأخرى هي جزء من أرض دارت بها الحروب ويبدو بها  
الخراب التام و أماكن محترقة و أماكن يتصاعد منها الدخان  
يبدو على التوأم الآخر ملامح الرعب و الفزع  
يلمس التوأمين يديهما لتتاشبكان من خلال السياج

الناریشن :

روح واحدة

أماكن مختلفة

سلام

نري المشهد من وراء الطفل الأنيق لنلمح الرفاهية التي هو بها وهو بارد  
الملامح

الناریشن

(يضغط في

حديثه) :

و حرب

نري المشهد من وراء الطفل المفزوع و طائرات تمر من ورائه ويبدو عليه  
الفزع منها و ترمي قذيفة من خلفه و تتعالى الصرخات



الناریشن :

برئ .. لايملك  
القوة

نري المشهد على الطفل الأنيق ..

الناریشن (يقصد  
الأنيق) :  
ولكنه يمتلك قوة  
الرحمة

فجأة يختفى منظر الحرب و يتلاشي الطفل المفزوع ليندمج مع الطفل  
الأنيق

ليتضح أن الطفلان هما شخص واحد ..  
ونلاحظ أن الدمعة تهبط من عين الطفل الأنيق لتذكره ماضيه و فقدانه  
أبويه

وفجأة يأتي الأب المتبني له ليحتضنه  
والطفل يبتسم ابتسامة أمل

الناریشن :

لذا ... يجب

عليك نشر

الرحمة

إنهم أطفال في

النهاية

قطع

تم بحمد الله

قوة الرحمة

السلامة

فيلم :

## ٢١- أرواحكم أمانة بين أيدينا

"إهداء إلى الإدارة العامة للمرور بوزارة الداخلية المصرية - عن فكرة  
للمخرج / أحمد السعيد "

نهار - داخلي / خارجي

مشهد ١ و ٢

شقة -

الشارع

نري شقة متوسطة الحال و نري أسرة تتجمع من أب شاب و أم و ابن في  
عمر الحضانة يتناولون الإفطار ..

فويس أوفر / ناريشن :

خليك واثق إن يومنا بدأ قبليك

نري انتظام الخدمات الصباحية للشرطة و المرور و توزيعاتها على أنحاء  
الإشارات

نعود للأسرة ونري الأب بعد ارتداء ملابسه و ابنه قد ارتدي ملابس  
الحضانة و ويودعه و بصحبته والدته يغادران المنزل

ناريشن :

و لإننا مؤمنين برسالتنا

لازم تتنفذها على أكمل وجه

نري مقتطفات من أضواء الإشارات وهى تنير و هناك أفراد قد بدأت عملها توجه الطريق  
نري الأب وعلى مشارف المغادرة ينظر لصورة والده المتوفي و صورة والدته فيتصل بها

ناریشن :

زيك بالضبط

نراه يتصل بوالدته

قطع

نهار - داخلي

مشهد ٣ و ٤

شقة الأم -

الطريقة

نري الأم وقد طعنت في السن وبصحبته فتاة تبدو أنها أخت الأب فتجيبه وتتجاذب معه أطراف الحديث وتعطى الهاتف لوالدتها فتتحدث مع ابنها وتبدو عليها السعادة ثم تنتهى المكاملة

نري الابن سعيدا وهو يغلق ثم يغادر

نعود للأم وفجأة نراها تمسك صدرها و تشعر بوعكة صحية و الفتاة تجري عليها و تمسك منها الهاتف ونراها تشعر بالقلق ثم تمسك الهاتف وتتصل بالإسعاف ١٢٣

قطع

## نقطة إسعاف

(فوتو مونتاج)

نري استقبال المكاملة من الفتاة و تحضيرات عربة الإسعاف و طبيب  
مصاحب لها وتتحرك بسرعة شديدة مطلقة السريّة

قطع

## الحضانة

تداخل بين صوت السريّة للإسعاف و سريّة سيادة إسعاف و مرور  
تعليمية للطفل ابن الأب و نراه في مدرسة لتعليم المرور ونراه مرتديا ويا  
مروريا يسهل مرور الإسعاف كما كيت للوضع الحقيقي ونري ضابط مرور  
هو من يقوم بتعليمهم تلك الإرشادات

ناریشن :

عشان كدة لام نرسخ الرسالة  
عندك

قطع

### إشارة مرور - أمام بيت الأم

نري الأب يسير بسيارته متجهها للعمل ولكنه يستقبل اتصال من أخته و  
نراه يستقبل خبر تعبها

نري الإسعاف قد أتت و هي تحمل الام بينما الأخت تبلغه بالأمر  
نراه في السيارة يشعر بالقلق ولكنه لا يدرك أنه كسر إشارة المرور و فجأة  
تصدمه سيارة أخرى بالخطأ محدثا كارثة  
الناریشن :

ونعلمك إرشادات الطريق عشان

سلامتك

(يقصد أنه أجاب الهاتف وهو

يقود)

نري فرد المرور أو ضابط وهو يتجاوب مع الجهاز اللاسلكي ليطلب  
الإسعاف فوراً ونراه يرشد فرد مرويو بتنظيم الطريق في ناحية واحدة  
لتحقيق التدفق المرور المطلوب دون أن يتوقف  
الناریشن :

عشان نحقق أقل ضرر ليك

.. وعشان سلامتك ...

نري سيارة الإسعاف القادمة للإبن وهى قادمة نحو الحادث وبصحبتها  
أو أمامها فرد بموتوسيكل مرورري يضرب بالسريينة و نري السيارات  
تستجيب في السير على يمين الطريق و الإسعاف تسير خلف المرور من  
الجانب الأيسر وحتى إشارة مرور نراها مزدحمة من ناحيته

الناریشن :

## لازم نحقق المستحيل

نري الفرد يتجاوب بالجهاز مع الفرد الذي بالحادث فنراه يفتح له الجانب المخالف لتسير سيارة الإسعاف به و بالفعل تصل إلى الحادث ونري المسعفين يقومون بعملهم ويتجهون بالسيارة باتجاه المستشفى

### قطع

مشهد ٩

نهار - خارجي

طريق - أمام المستشفى

(فوتومونتاج)

نري سيارة الإسعاف ومظاهر تيسير الطريق لها من رجال المرور (حسب طبيعة الطريق و وجهة نظر المرور بحالات نادرية لا تخطر على بال المشاهد)

الناریشن :

و في وقت قياسي

نري سيارتي الإسعاف قد وصلتا في مقابلة بعضهما فنعرف أن تيسير المرور أثناء الزحام قد أتاح للسيارة أن تصل في نفس وقت الأخرى  
الناریشن :

لأن أرواحكم أمانة بين أيدينا

نري المسعفين وهما يشكران الضابط و فرد المرور فتقترب منهما كادر الكاميرا ونراهما يبتسمان بنوستاليجا ارتياح كمن يتذكران تدريباتهما بمعهد المرور على يد الضباط القديمة و المعلمين العسكريين  
(نذهب للفلاش باك القادم)

### قطع



مشهد ١٠

نهار - خارجي

معهد المرور

(فلاش باك)

نري ملامح من تدريبات المرور الشاقة (حسب وجهة نظر الإدارة العامة للمرور)  
(نهاية الفلاش باك)

قطع

مشهد ١١

نهار - داخلي

المستشفى

(عودة من الفلاش باك)

نري في ملامح فرحة الأب وهو يستقبل ابنه بملابس المرور التدريبية بالحضانة و والدته وقد تم اسعافه ونري في نفس الحجرة الأم وقد تم انقاذها و الأخت بجانبهما و الجميع في سعادة

قطع

تم بحمد الله

أرواحكم أمانة بين أيدينا

أيمن العايدي : سيناريسـت و روائـي مصري ، من مواليد محافظة الشرقية عام ١٩٨٦ م ، صدر له حتى الآن:

- في مجال الأعمال الأدبية:

- ١- النكرومانسيرا التي أحبته ! (الجزء الأول).
- ٢- النكرومانسيرا التي كرهته ! (الجزء الثاني من النكرومانسيرا التي أحبته !).
- ٣- بيت ست : تم إنتاج (قصة الرواية) فيلمًا سينمائيًا بنفس الإسم (تم عرضه ٢٠١٩م).
- ٤- الجمال المدفون.
- ٥- الباروكازا (النفق الأسود).
- ٦- جليس الشر.
- ٧- أبونيه للجحيم.
- ٨- المجموعة القصصية (كبسولات رعب ١مجم).
- ٩- المجموعة القصصية (كبسولات رعب ٢مجم).
- ١٠- جنة الأبالسة (متوفرة PDF) .
- ١١- وادي حافظ.

١٢- أنهار.

١٣- وكذلك بعض القصص القصيرة و الحكاوي بالمجلات والمواقع الإلكترونية و بصفحته الرسمية (أيمن العايدي).

- وفي مجال الصوتيات والمرئيات : أنشأ منصة (سلسلة الغرفة المظلمة) والتي تحوي :  
أ- حلقات إذاعية (راديو دراما) : (فكرة و تأليف و إخراج و مكساج).

ب- أفلام رعب قصيرة : (فكرة و تأليف و تصوير و مونتاج و إخراج).

ت- قصص شات ستوري (شات مقروء كأنه محادثة بالهاتف مع مؤثرات صوتية و موسيقي).

| للتواصل مع الكاتب وتلقي الآراء من خلال الصفحة الرسمية |



السلامة